

ქიმიური ნაგებობები

აქსონორა
აქსონა

სახელმწიფო გამომცემლობა
„საბჭოთა საქართველო“
თბილისი — 1963

635.9(41)

635.9 (47.922) (092 მამულაშვილი) + 899.962.1 — 4.
6.347.

ქეთევან ხახუტაშვილის ამ პატარა წიგნში მკითხველი გაეცნობა მსკოვანი მებაღე-დეკორატორის მიხეილ მამულაშვილის ცხოვრებასა და შემოქმედებას. ავტორი მოგვითხრობს ამ სახელოვანი მებაღის ბიოგრაფიის ყველაზე ღირსშესანიშნავ ეპიზოდებზე, თელწინ გვიშლის, თუ რაოდენ დაუცხრომელი, ბეჯითა შრომითა და საქმის უღრმესი სიყვარულით მიიღწია მან წარმატებებს მეყვავილეობის დარგში.

საზოგადოებრივი რედაქტორი გ. ნატროშვილი
რედაქტორი თ. ჯინჯიხაშვილი
მხატვარი გ. გორდელაძე
მხატვრული რედაქტორი ნ. ოსკანოვი
ტექნიკური რედაქტორი ვ. ხუციშვილი
კორექტორები: ნ. მიქელაძე, ვ. მალანია

ხელმოწერილია დასაბეჭდად 14/XI-63 წ.
ქალაქის ზომა 70×90¹/₁₆. ნაბეჭდი თაბახი 7,02.
საალრ.-საგამომც. თაბახი 6,84. ჩაყვრები 1,31.
სააქტორო თაბახი 6,69.
უგ 00525. ტირაჟი 5000, შეკვ. № 807.
ფახი 04 კაპ.

საქართველოს სსრ კულტურის სამინისტროს
მთავარპოლიგრაფგამომცემლობის სტამბა № 1,
თბილისი, ორჯონიკიძის ქ. № 50.

1-я типография Главполиграфиздата
Министерства культуры Грузинской ССР.
Тбилиси, ул. Орджоникидзе № 50.

დილა მშვიდობისა

ჩამავალ შშის სხივებს მიაცილებენ წალკოტის ყვავილები, მერე მოქნარებას დააწყებენ და თვალების ხამხამს მოჰყვებიან.

— ძილი მოგერიათ, განა? დაიძინეთ, დაიძინეთ, — ტკბილად ჩაილაპარაკებს მოხუცი და ყვავილებისაკენ დაიხრება. თითო სიტყვას არ დაიშურებს, რაგინდ დაღლილი იყოს, მაინც გამოელაპარაკება. ზოგს მოეფერება, ზოგს გაუწყრება; ყვავილებმაც იციან მოხუცის ხასიათი, იციან მისი გაწყრომა ალკრის და მოფერება რომ არის, გაჯავრებას ერიდებიან, გაღიმებულს დაინახვენ და უხარიათ.

ახლაც ბაღში შესული მოხუცი მებაღე ტკბილად ემუხაფეება ყვავილებს.

— აი, შე უხეირო შენა, რას აჰყეტავ თვალებსა, არ გეძინება? ემანდა შენთვის იყავ ჰკვიანადა, არა იეშმაკო-რა შენ გაზრდასა, თორემა, არ ვიცი რას გიზამ, -- გადაულაპარაკა მოუსვენარ ღიღილოს და თან სიყვარულით გადაუსვა ხელი ფოთლებზე.

ყვავილები ფეხის ხმაზე იცნობენ მებაღეს, მარჯვენას მაგრად არტყამს, მარცხენათი კი ტერფით ეხება დედამიწას. ახლაც გაიგო თუ არა ბიამ მისი ფეხის ხმა, აწრიალდა:

— წყალი, წყალი...

— აი, წყალი შენა და შენ თავსა, რაღა დროს წყალია, მთელი დღე წყალს გაიძახი, იმიტომაცა ხარ აგრე გადაყვითლებული გოგრის ყვავილივითა. აღარც შნო გაქვს და აღარც ლაზათი, დაიძინე, დაიძინე, ახლა სხვებიც გინდა ამიყვივიო? დაიძინე, თორემა...

— წყალი, წყალი, — ისევ გაიძახის და ბუზღუნებს. — განა ავაღა ვარ, წვეთ-წვეთად რომ მასმევ წამალივითა, გენანება წყალი?

მოხუცმა იცის ბაიას ხასიათი, ბალღივით ჭირვეული რომ არის, არც მუჟარა აშინებს და არც ხვეწნა სჭრის, სანამ წყლით არ გაიჰყიპება, არ მოისვენებს. მოხუცი ნელა გაემართა აუზისაკენ. ყვავილებმა კი, მთვლემარე ყვავილებმა საყვედურით გადახედეს ბაიას და მიიძახეს:

— რა უსირცხვილო რამა ხარ, ნეტავ რას აწვალე ამ ხნის მოხუცსა...

— აბა, მიირთვი, — ჩურჩულით უთხრა და ნელ-ნელა წვეთწვეთობით დააღვეინა.

ბაიამ სიამოვნებით ამოხედა და თავის ცანცარს მოჰყვა: იცოცხლე, იცოცხლე, მოხუტო...

— გეამა განა? ახლა კი მოისვენე, დაიძინე, დაიძინე...

— აი, შენ არ მოუყვდი დედასა, რა ლამაზი ხარ, შე მატრაკვეცავ, შენა, — ჩაუჩურჩულა ბილიკზე გადმოსულ ზიზილებსა და ადგილი გადაუნაცვლა.

მზე ჩადიოდა. წალკოტისებურ ბაღში მოხუცი მეზღე ყვავილებს აძინებდა; სწორედ იმ დროს მივედი, მივედი, მაგრამ ჩემი მისვლა ვერც კი გაიგო. ის ყვავილებთან მუსაიფობდა. ტკბებოდა მათი ტიტინით; მოვერიდე, იქვე ვერცხლისფერ ნაძვს ამოვეფარე. მეზღემ გული რომ იჯერა ალერსით, თოხს წამოავლო ხელი, თავის საყვარელ შროშანებისკენ გაეშურა, ძირებს თოხნა დაუწყო, ფრთხილად, მორიდებულად, თითქოს მყუდროების დარღვევას ერიდებოდა. შემდეგ კი...

— გამარჯობა, პაპა!

— ოჰ, კიდევ მოხვედი? — გამიღიმა. ალბათ ჰკრელი კაბა არ მოეწონა და გამეხუმრა:

— რა ზებრასავით აჰრელებულხარ...

იქვე ქვის გროვაზე ჩამოვჯექი... ცოტა კი შევფიქრიანდი, იქნება ამ ქვალორღში ქვეწარმავალი იყოს-მეთქი, შიში ვერ დავმალე და შევეკითხე:

— ამ ბაღში ხვლიკები ხომ არა გყავთ?

— ხვლიკი არა ხარ? შენს მეტი ხვლიკი აქ ვერავენ შემოვა. ხვლიკები თუ არა ხართ, რას დაძვრებით ამ ბაღშია, თქვენც ცდებით და მეც მაცდენთ, — ოხუნჯობს მოხუცი და თან დაყვავილებულ შროშანას ძირებს უთოხნის.

დამენანა მოხუცი, თოხს წავეტანე. მეზღემ ჯერ იუთარა, მერე ხელებში დამიწყო ცქერა.

— ქალაქელებმა თოხისა რა იცით, ემანდა ყვავილები არ დამიჰრა, თორემა...

მოხუცი ცალი თვალით უყურებს ნათოხნს. ადამიანს ხომ, როცა განსაკუთრებით უთვალთვალებენ, სწორედ მაშინ მოუვა მარცხი. ასეც დაწემართა. უტბად, თოხი შროშანას ჩახშირებულ ძირს წამოედო და გამოსხიპა, შევშინდი და მოხუცს შევხედე, ის კი ღიმილით მიცქერის.

— აკი გითხარი, ქალაქელებმა თოხისა რა იციან-მეთქი...

— მაპატიეთ, მიხა პაპა, მეტს აღარ მოვჭრი, — ენა მეზღემა, მრცხენია.

— ნაპატიები არა ხარ? ხომ არ ჩამოგახჩობ...

— პელიკო, შვილო, თუ იცი, საიდან გამომეცხადა ეს ჯადო აქა, — სიცილით ეუბნება თავის ქალიშვილს, ისევ მე მომიბრუნდა, — ნეტავი ხშირად

პეტემროს შენისთანა უსაქმური, აქ მაინც გაანძრევს ხელებსა, — მეხუმრება.

— ახლა გეყოფა, — მითხრა და თოხს წაეტანა. — არ გეყურება? გოგო, გეყოფა-მეთქი.

— არა, პაპავ, მინდა დავიღალო... შენი ყვავილების მოვლით მინდა დავიჭინდო.

— ამათ დაღლა რომ არ იციან... რაც მეტს მიუტრიალდები, მით უფრო მეტს გახალისებენ, თავს შეგაყვარებენ ტიტინითა, ყველა თავის ენაზე გაგიბამს გულისპასუხს, გგონია მოგებზრდება?

კითხვებით თავს ვაბეზრებ...

— რა ვქნა, თავს აღარ გამანებებ?

— მე კი უფრო ვთამამდები და ვეუბნები:

— ვაჟა ფშაველას პოემა „გველის მჭამელი“ წაგიკითხავთ?

— მაშა, როგორი ქართველმა კაცმა ვაჟა არ უნდა იცოდეს? იქნება ლექსიც გესიამოვნოს... დამცინა მოხუცმა და დინჯად დაიწყო:

„ამ მინდიაზე ამბობდენ
დაუჯერებელ ამბებსა:
მინდია ტყვედა ჰყოლია
თორმეტს წელს თურმე ქაჯებსა“...

მერე მომიტრიალდა და მომადახა:

— გოგო, მართალია?

სიმართლე გითხრათ, გამიკვირდა, მებაღემ რომ პოემის ნაწყვეტი ზეპირად მითხრა.

ისევ გამიმეორა: — კიდევ გინდა?

— აბა, თუ კიდევ გახსოვთ?

იმ მინდიასა ქაჯებთან ტყვეობაში გველის ხორცი შეუქამია და იმის შემდეგ:

„ესმის დღეიდან ყოველი,
რასაც ფრინველნი გალობენ,
ან შენარენი, ცხოველნი,
როდის იღებენ, წვალობენ...“

შეიგნო სიბრძნე ქაჯების
ამიერიდამ ტყვემაო;
მას მუსაიფი დაუწყო
ცამ, დედამიწამ, ტყვემაო...

„მინდიას გაუმარჯოსო“,
ერთხმად ასტებენ ყიფინსა,
ხეები ფოთლებს არხევენ,
ბუნება იწყებს ბიბინსა,
და მერე სათითაოდა

ყველა მოჰყვება ტიტხნა...
— ნუ მომკლავ, ჩემო მინდია,
ნუ დამიბნელებ მზესაო,
უიარაღო რომა ვარ,
მიტომ მიბრძოლებ ხესაო?!“

მოხუცი მებაღე სიტყვაძუნწია, ლაპარაკი არ უყვარს; გამიკვირდა რომ ლექსი მითხრა, ალბათ, ვაჟის სიყვარულმა სძლია თორემ... თან კი ხელი არ გაუჩერებია, ვარდის ბუჩქს გამხმარ ტოტებსა და ფოთლებს აცლიდა. დროდადრო კი იღიმებოდა და ყვავილებს შესცინოდა.

— თქვენც მინდიასავით გესმით ყვავილების ენა, თქვენ მინდია ხართ, მცხეთელი მინდია.

— ახლა მინდია დამარქვით? მე ჩემი სახელი მქვია და ისიც მეყოფა. მინდებიც თქვენა ხართ და სხვებიცა...

ჩაილაპარაკა და დაყვავილებულ ტუხტს ძირში ჩაავლო ხელი მოსაგლეჯად. იძალა, მაგრამ ღონემ უღალატა, მოხუცმა მცენარე ვერ ამოგლიჯა, სინანულით შემომხედა, მერე ისევ გამხნევდა და...

— აი, შენც აგრე მოგივა, ლამაზო, დაბერდები და... — თითქოს თავს იმართლებსო.

— აი, ამ მიწამ შემიჭამა ჯანი, ძალს ესა და ძალს მე, დღეში ათჯერაც კი ვადამიტრიალებია, მკლავში ღონე მქონდა. განა ეგეთი ვიყავი? კარგი ჭეღერ გახლდით... მოდი აქეთა, მომყევი ერთი, — ჩაილაპარაკა და წინ გამიძღვა.

იქვე, სახლის წინ, კარგა მოზრდილი მარჯნისფერი ქვა მაჩვენა, ქვის შუა, ჩაღრმავებულ ადგილას, ნაცრისფერ ავშანს მოეკალათა...

— აი, ამ ქვას ხედავ? შენი აზრითა, რამდენს აიწონის?

— არ ვიცი, პაპავ, ვერ გეტყვით.

— არ იცი და... ერთ ფუთზე მეტია, ეს ქვაც საიდან სადა მაქვს ჩამოტანილი, ნახევარ გზაზე კი ხელითა მაქვს ნათრევი. აბა ერთი აქეთაც მოიხედე და... უფრო დიდ ლოდთან მიმიყვანა, — ეს კი ფასანაურიდან მაქვს ჩამოტანილი. ძლიერ მომეწონა თავისი შეფერილობითა და ჩემს ბაღში გადმოვასახლე. ჰოდა, იტყვიან და იფიქრებენ, ამ პატარა ბერიკაცს ღონე საღდა ექნებო, აგრეა, შვილო, მითამ არ გინდათ დაიჯეროთ. დიდი გოლიათი შესახედაობისა არ გახლდით, მაგრამ რაც ვიყავ ღონეთ და ხალისად ვიყავ გადაქცეული. აბა, ერთი ამასაც შეხედე!? აი, ამ სიძს რომ ხედავ, ორი ამისთანა, ერთმანეთზე დაწყობილი, მკერდზე მიხუტებული, ამოუსუნთქებელივ ჩამოვარბენივ საგურამოდანა, ამას კი სწორედაც რომ საინტერესო ისტორია აქვს — ფეხის ბაკუნით მიუახლოვდა არყის ხის ბოძზე წამოსკუპებულ ქვევრის სარქველს. — აი, ამ ქვასა, ენა რომ ჰქონდეს რაებს მოგიყვებოდა ახლა... აი, სწორედ შენ რომ გინდა, იმისთანებს გიამბობდა...

— ჰაჰა, მიაშბე, მომიყევი, თქვენს ბაღში — ხეს, ქვას, ჭურჭელს, ბალახს, ყველაფერს საინტერესო თავგადასავალი აქვს.

— მოგიყევი? თუ ძან არ შემადონებ კითხვებითა, — და ისევ გაიხუჭრა, — მაშ არაფერი შემეკითხო, რაც მახსოვს და მომაგონდება, თვითონ მოგიყევი.

მეც კალამი მოვიმარჯვე და ჩემსას ვცდილობ, მეშინია მისი ნათქვამი სიტყვა არ გამომრჩეს.

— ახლა წერა დაიწყე? აი, შეგაჩვენა ღმერთმა, თქვენი შიშით ხმა ველარ ამომიღია... რასაც ყურს მოჰკრავთ და მოგეწონებათ, მაშინვე ჩაიწერთ, მერე განა ისევე ჩაიწერთ? თქვენებურად შეაკეთ-შემოაკეთებთ და... აბა ეგრე მაინც ჩაიწერე, როგორც მოგიყევი.

და ჩვენ შევთანხმდით...

— მაშინ თექვსმეტ-ჩვიდმეტი წლისა თუ ვიქნებოდით. სწორედ მარიამობის თვე იყო. ცხელოდა, არაგვის პირზე ჭალაში ჩავედით ბიჭები, კარგა ლაზათიანად ვიბანავეთ და, წიწამურის ტუისკენ ავყუთ არაგვს. გზად ეტლი შემოგვხვდა, ცოტა შორი იყო და ვერც კი გავარჩიე იმ ეტლში ვინ იჯდა. ეიფიქრე, ან ილია იქნებოდა და, ან იქითკენ მიმავალი სტუმარი, გულმა მეც საგურამოსაკენ გამწია, კარგა ხანი არ მენახა ჩვენი საყვარელი, ქვეყნისა და ზალხის ბედიღბლის მოტირალი ძმწერალი. ისე არ გაივლიდა ქალაქიდან საგურამოსაკენ, რომ სვეტიცხოვლისთვის არ შეეხებდა. ბაღი და ყვავილები ხომ ძლიერ უყვარდა, როგორც ყვავილების მოსიყვარულეს, ჩემთან გამოლაპარაკება სიამოვნებდა იმ სულმნათს. სიხარულით ცას ვეწეოდი, ისეთი გონების კაცი რომ ჩემთან მუსაიფს კადრულობდა. მეც ვეშინაურებოდი, ხშირად ავდიოდი მასთან და ეზოსაც დაეტყობოდა ჩემი ხელი, მაშინვე ძლიერ მიყვარდა მიწასთან ბრძოლა, ყვავილების მოვლა და აკი ილიასაც დიდად სიამოვნებდა ჩემი ნახელავი.

იმ დღესაც, ავედი თუ არა, ეზო მივათვალეირ-მოვათვალეირე. ეზოში ქვევრები ეწყო. მაინც რა არის ყმაწვილკაცობა, მაშინ ნაკლებად გეხატრება ადამიანისა და მეტად ცნობისმოყვარეცა ხარ. ძლიერ მომეწონა ის ქვევრები თავისი სილამაზითა; იქვე კი ქვევრის ორი ლამაზი ქვის სიბი სარქველი ეყულა კედელთან. გულში გავიფიქრე: ნეტავი მტერი მოკვდეს და ეს კი ჩემი ქნა-მეთქი. ბარე ათჯერ შემოვუარე იმ ქვევრებსა, ხან თვალით ვზომავდი და ხან ხელით ვეფერებოდი. თურმე ნუ იტყვი, იმ სულმნათს ფანჯრიდან უთვალთვლებია ჩემთვისა და ფეხაკრეფით, დინჯად ისე წამომეპარა, რომ ვერა გავიგე რა; ახლოს მოვიდა, მხარზე ხელი დამადო და გამეხუმრა: — რაო, მიხა, ჩემი ქვევრ-მარანი მოგეწონა განა?

მე შემრცხვა, მაგრამ გამიყვირდა, თითქოს ჩემ გულში იჯდაო, ისე მიჩიხვდა ნატვრასა. — გატყობ ძლიერ მოგეწონა ჩემი ქვევრები ჰა? — კიდევ გამიმეორა კითხვა. — ქვევრიც კარგია და სარქველიც ხომ უკეთესია; რა

ძაან ლამაზია. იტყვიან ქვა რა არის და იმისი სილამაზეო, მაგრამ აბა, შეხედეთ რა ძაან ლამაზია ეს სიბები. — ჰო, შენ, ქვა უფრო მოგეწონა, გატყობ, მიხავ, წაილე, შენთვის მიჩუქებია, — დინჯად შითხრა.

მე სინარულით ცა გამეხსნა, თავბრუ დამეხვა. ილიამ, დიდმა ილიამ, ქვევრის სარქველი მაჩუქა, შემრცხვა და ესლა მოვახერხე: მერე ამ ქვევრებს რომ ჩაჰყრიტ, სარქველი არ უნდა? — გულშემატივრობა გამოვთქვი.

— შენ თუ მოგწონს, წაილე, ქვევრი პირლია არ დარჩება შემარნესა... — აბა როგორ წაილებ ახლათ. — შითხრა. მე კი მაშინვე ორივე სიბი ერთმანეთზე დაეაწყე, ბუმბულივით ავიტაცე ხელში, მკერდზე მივიხუტე და სინარულმა მადლობის თქმაც გადამივიწყა. ისე დავეშვი თავქვე აღტაცებული, რომ აგრე ნეგონა, ილიამ მთელი თავისი ავლა-დიდება მე მაჩუქა-მეთქი. აი, ასე ჩამოვიტანე საგურამოდან ამოდენა სიბები.

ოთხმოცდაათი წლის მებაღე სინარულს ვეღარ მალავს, და როცა გვერდით ჩაუვლის ამ საპატო ადამიანის ნაჩუქარს, გაიხსენებს:

— ილია, დიდი ილია... თავის ხელით კი მომაწოდა ეს სარქველები და...

ყოველ შემოდგომაზე, ილიაობის დღეს მოხუცი მებაღე სარქველზე დაწყობილ თიხის ჭურჭელს, ხელადას, დიდ-პატარა კოჭბებს გადააღებ-გადმოაღებებს, გაასუფთავებს, ყველაზე დიდ ხელადას ღვინით გაავსებს და ისე დადგამს — ილია მამულიშვილი იყო და ცარიელი ხელადით როგორ შეხვდება ილიაობასა... თან შესანდობარს იტყვის, ცხონდეს იმისი სულიო, მერე პურის ნატეხზე ღვინოს დააწვეთებს და ილიას ხათრით ცოტას მიანიც შესვამს...

ასეა მცხეთელი მამულაშვილის ბაღში. ამ პატარა წალკოტში ათას ხუთასი სახის მცენარე ჰყვავის სხვადასხვა ფერისა და სხვადასხვა სურნელებისა, ყოველდღიურად კი ორი ამდენი ადამიანის თვალი ათვალეირებს ყვავილებსა. ის კი არ იციან მნახველებმა, რომ შესასვლელშივე, ბაღის შუაგულში, შროშანების კვალში, თამადასავით დგას არყის ზის ბოძი, თავზე ის ნაჩუქარი სარქველი შეუდგამს ღვინით სავსე ხელადით, მომსვლელებს უხვდება და შესთავაზებს:

— მიირთვით, მიირთვით, ილიას შესანდობარი.

მოხუცი კი ისევე იმ განცვიფრებით ამბობს:

— ილია, დიდი ილია, თითქოს ჩემს გულში იჯდაო, ეგრე მიმიხვდა საწადელსა; მერე თავის ხელითვე რომ მომაწოდა ეს სარქველი. ეგრე ესმოდა ქვეყნისაცა, ეგრე კითხულობდა. სხვის გულში ნატერასა და სურვილებს, ეგრე გებულობდა სხვის სინარულსა და მწუხარებასაცა.

ტკბილმოუბარი მოხუცი საამო ხმით მელაპარაკება, სიყვარულით იგონებს ილიას. თან სინანულით დასძენს:

— რა მოკლე ხარ წუთისოფელო, მაშ მაგისთანა ადამიანს სიკვდილი უნდა მიეწიოს?

სვეტიცხოვლის გალავნიდან ბინდი შეეპარა ბაღნარს, ყვავილებსაც



ბალის შუაგულში, არყის ხის ბოძზე, მებღელს
ილიას ნაჩუქარი სარქველი მოუთავსებია.

თითქოს ჩაეძინათ. მოხუცი ფეხაკრეფით დადის. — ხმაური არ ეამებათ ჩემს ყვავილებსაო...

მერე ყველასთან სათითაოდ მივა, ერთხელ კიდევ გადავლებს თვალს მთელმარე ყვავილნარს და სიამოვნებით სახე უბრწყინდება, უხარია და ჩურჩულებს:

— ამ ეშმაკებს ძლივს არ ჩაეძინათ?

შემდეგ აუზისაკენ გაეშარათა, სარწყავი აიღო და კვალს მიაშურა. მე გააკვირვება ვერ დავმალე და შევეკითხე:

— პაპა, მძინარე ყვავილებს წყალი ეამებათ განა?

გამიცივნა და მითხრა:

— ხშირად მესტუმრე ხოლმე და ამაზე მეტებსა ნახავ... როგორ ვგონიათ, ამოდენა დღეში სიცხე და მტვერი არ შეაწუხებდათ?

-- მეც თავის ენაზე ველაპარაკები — მერე, ხომ დააძინეთ ყვავილები?

-- ჰო, დავაძინე, დავაძინე... გიკვირს მძინარის ბანაობა თუ შეიძლებაო?

მალდი და ყვავილი ერთნაირ ყურადღებას მოითხოვს, მაგრამ ერთ რამეში კი არ ჰგევანან ერთმანეთს, პირველი დაძინება უჭირთ, თორემ რაკი ჩაეძინებათ, ჯგერანობი ძილი იციან, ვერას გაიგებენ ხოლმე. მე ასე მყავს მიჩვეულები, საღამო ხანს ვაბანავებ ხოლმე, სანამ გაელვძებათო, — შემომხედა, გამიღიმა და ისევ აუზისაკენ გაეშურა.

დილით მზის ამოსვლას ასწრებს მებაღე. ადრე უყვარს ადგომა. ფეხაკრეფით იცის ბილიკებზე სიარული. ძილი არ გაუკრთო ყვაილებს, თორემ ცუდ ხასიათზე გაელვძებათო და მიაძობს:

— ზოგიერთი ყვაილი ადრე იღვიძებს, რაკი დილის ნამი მოხვდება, რიქრაჟზევე იცის თვალების გახელა. ზოგი მზის ამოსვლას ეგებება; ნებიერებიცა მყავს, ამათ კი მძინარა ყვაილებს ვეძახი.

მზე კარგად თუ არ დაათბობს ბაღს, ისე თვალებს არ გაახელენ, არც გაგებასუხებიან. ძილს ძლივს გაართმევენ ხოლმე თავს, მაშინ მეც უნდა მოვეფერო, გული გავუხსნა, ალერსი შევაგებო, რომ კარგ ხასიათზე გაელვძით, თორემ თუ გამწყრალი სახით დამინახეს, ესენიც გაჯავრდებიან და მთელი დღე ვეღარ გავაჰხიარულებ. მოიღრუბლებიან, იტყვიან, ყვაილებთან მუშაობა ადვილიაო, ვის მობეზრდებო; მოსაბეზრებელი კი აბა რა არის, მაგრამ მარტო მუშაობაც არ კმარა, თუ ყველა მცენარეს ხასიათი არ გაუგო ადამიანმა, აბა ისე რის მაქნისია მისი მებაღეობა — ტკბილად მეუბნება და დროდადრო კი, რომელი ყვაილიც კი ხელში მოხვდება, ეფერება, ხელს გადაუსვამს, შესცინებს და ჩაულაპარაკებს:

— აი, შე უხეირო შენა, ყველაზე ადრე შენ იძინებ და გაღვიძებითაც გვიან გინდა გაიღვიძო; გაიღვიძე, გაიღვიძე, შენ გაზრდას, რაღა დროს ძილია, ღამე ჰატარაა განა? აბა, ყოჩაღად იყავი, მხიარულად დაუხვდი ყველას, ღლეს ბევრი სტუმარი გვყავს, ხომ იცი? თუ წარბშეკრული დაგინახეს, იტყვიან, ეს რა უხასიათო ყოფილაო, გაგვლანძღავენ, ძვირს იტყვიან ორივეზე. აბა უხეირო ვის რათ უნდა — გაეხუმრება და თან მუქით წყალს შეასხავს.

— აი, პირიც კი მე დაგბანე, შე მძინარავ შენა, — ძილბურანში მყოფი ყვაილიც სიამოვნებით შეხედავს გაღიმებულ მოხუცს, თვალების ხამხამს მოჰყვება და ატიტინდება თავის ენაზე. მცხეთელი მინდიაც ასე „მითარგმნის“ წათქვამს:

— ყვაილმა დილა მშვიდობისა მითხრაო...

მიწიანი თითები

მცხეთა... არაგვის ქუჩა... მეხუთე სახლი... პატარა ალაყათის კარები, შიგნით ფართოაივნიანი ქართული სახლი. გადადგამთ რამდენიმე ნაბიჯს და თქვენს წინაშე უჩვეულო, ზღაპრული სამყარო გადაიშლება: ხელმარცხნივ, ცის სივრცეში ატყორცნილი ჯვრის მონასტრის და, იქვე ახლოს, დიდებული სვეტიცხოვლის ფონზე დაინახავთ პატარა ბაღს, ყვავილებში ამეტყველებულ ხელოვნებას—აღამიანის ხელით შექმნილ უბადლო ნაწარმოებს. თქვენს გარშემოა ფერებისა და ხაზების იშვიათ კომპოზიციაში შეკრული ცოცხალი ნატურ-მორტები. მისი „ფერადებია“ უჩვეულო მონახაზის სხვადასხვა ხის ტოტები, თიხის ქოთნები, ზოგჯერ თიხის ჭურჭლის ნატეხები, რომლებიც ოსტატურად არის გამოყენებული ამ ნატურმორტებში. მამულაშვილი ფერწერის დიდი ოსტატივით თავისუფლად და მეტყველად ხმარობს თავის „საღებავებს“.



კერამიკაში ამეტყველებული ხელოვნება.

შეჰყურებ ამ ზღაპრულ წალკოტს, და ხედავ, აჰ, ამ პატარა ერთ მუჰკა-
მიწაზე, თავი მოუყრიათ საქართველოს მიწის ყველა ლამაზებს — ყვავილებსა
და ბალახებს. უცხო მხრისანიც ბლომად არიან. შეხვალ და დაიკარგები, სად
არ მოგზაურობ: ხან ზედაზენის დაბურულ ტყეში დადიხარ, ხან კი შორეულ
მთა-ველეებს შემოივლი. ეს ბალი არაგვისა და მტკვრის სანაპიროდან უცებ-
საფრანგეთში, ლუარის ნაპირებზე გაგიყვანს, გაგაცნობს იქაურ ჭრელ-ჭრულა
ყვავილებს, მერე ალბებს გიჩვენებს, გამოგზაურობს უდაბნოშიც, მოგატარებს
მთელ ქვეყნიერებას, გაჩვენებს ბევრს, უცხოსა და უცნობს, უზომოდ გაგახა-
რებს, შემდეგ კი ისევ შენს ქვეყანაში, ქართულ ბაღნარში დაგაბრუნებს, იმ
ბარაქიას ზვარში, საიდანაც წახვედი.

მწვანე სამოსში გახვეული სახლის წინ, ჩიტავაშლას ქვეშ, დიდი ქვეერი:
გღაა, პირლია ქვეერი, დროყამით დახავებული, ფერშეცვლილი. დგეხარ და
თითქოს მოგესმის როგორ დულს მაჭარი, დიახ, ისე ცოცხალია აქ ყველაფერი.
ხან ბაგინჯის მთაზე ხარ, ხან მუხათგვერდში, თვალთ ეფერები აქაურობას,
სადაც მცხეთური ფურისულები მექსიკური კაქტუსების გვერდით დასახლე-
ბულან. ვაზი კი, საქართველოს მკვიდრი ბინადარი, ქართული ვაზი ყველგან
არის, ყველგან ხარობს და აქაც შემოსახლებულა. ეგ რა არის — რცხილისა,
და კუნელის ჯაგებიც არ დაიწყებია. მოხუც მებაღეს. ბაღს არც ველის ყვავი-
ლები აკლია, ყოჩივარდები და ენძელები; ქვებიც ათასი ფერისაა, ათასი ზომი-
სა, ათასი ფორმისა; ხეხილიც ბევრია, ნუშის ხეები, ბროწეულები და
ვაშლები, ვაზები, ისევ ვაზები — ქართული, ფრანგული, იაპონური — აბა-
ვინ მოსთვლის; აბა ვინ გაუსინჯავს გემოს ამდენ სხვადასხვაფერის ჩაშაქრულ
მტევნებს, ყველგან ყვავილები ხარობენ, ყველგან — ქვაზე, ხეზე, მზეზე,
ჩრდილში, სინათლეზე და ყველაფერი ქართული ეშხითაა დამშვენებული.

...ბაღს საცალფეხო ბილიკი მისდევს. ამ ბილიკს ორივე მხარეს დაბალი
ლობენწული აქვს შემოვლებული. შესასვლელთან კარგად მოზრდილი რცხი-
ლის ჯაგია. ამით უნდა დაიწყოთ ბაღის გაცნობა — მცხეთური ხშირავაშლათი-
და რცხილის ჯაგებით. ბაღის მისასვლელსვე ამშვენებს ვერცხლისფერწიწვე,
ბიანი კედარი, იისფერი და ლურჯთვალა კატა-ბარდა რომ შეპარვია.

-- ეს კედარი ოცდაშვიდი წლისაა, მისი თესლი წინანდლის ბაღიდან
წამოვიღე, — ამბობს მოხუცი მებაღე.

ფერთა ზღვააო, რომ იტყვიან, სწორედ ეს არის. ჰყვავიან ცეცხლწაკი-
ლებული ყაყაჩოები, ვარდები, მოცისფრო, მოლურჯო ფერის სურნელოვანი
იასამნები, უხვყვავილიანი მოყვითალო-მოოქროსფრო ყანძინები, წითელ
ფოთლებზე თეთრად გადაპენტილან იაპონური ტყემლები.

აქვე თეთრად და წითლად მოღალანე ზიზილებია, ადრეულ გაზაფხულზე
რომ იციან ყვავილობა, იქით კი ცოტა მოგვიანებით მოყვავილე კავკასიური
შროშანებია, იქვე ფრანგული სუფრის ჭიშის მუსკატის ქარვისფერი ყურძნის
მტევნები ირხევია.

ბებერი მუხა სამურად შრიალებს. ის ყველაზე დიდი ხნისაა, ყველაზე შალაღი, ყველაზე ძლიერი. მადლიანი ჩრდილი აქვს. ჩრდილქვეშ, წიფლის ტოტებისაგან გაკეთებული სკამია, წელმისაყუდებელი სკამი, ჩამოჯდები და იქიდანაც უამრავ საოცრებას დაინახავ.

მალაღი თუთის ტოტებიდან იზაბელას შავი მტევნები გიწვევენ, ქვეშ კი სვეტიცხოვლის გალავნის მუქმწვანე ფერის ქვებს ახლოს ლამაზი კლდის-დუმა ჩანს. მებაღე ამბობს: ეს მცენარე მცხეთურია, ბაგინეთის მთიდანა მაქვს წამოტანილი, ქვებში უყვარს ცხოვრებაო. ქვის ნამტვრევებს ლამაზად შემოვ-ლებია ზედაზენის ტყის მწვანე სურო და უფრო მიმზიდველ სანახავსა ხდის.

სახლის კედლები დაფარულია სუროთი; ბაღის მხარეს, წინა ფასადზე იაპონური მტოცავი ვაზი ჩაიკრულა, ქვითკირის კედელს საოცრად ჩასვევია თავისი პაწაწა ლამაზი უღვაშებით. გაზაფხულზე მწვანე ფოთლები თეთრი წინწკლებითაა დაჩითული, შემოდგომისას კი მუქწითლად იცვლება, შემდეგ მოყვითალო ფერს ღებულობს და... არაგვის ქალიდან დაუბერავს თუ არა ნიაგი, შრიალ-შრიალით გააბნევს ბაღის მიდამოებში, სახურავზე, ყველგან, ყველგან...

ფართო, ღია დერეფნის მთელ სიგრძეზე ქარვისფერი ყურძნით დამძიმე-ბულა ერთმანეთზე გადახლართული ვაზის რქა. იქვეა მალაღი ტანაყრილი ვარდები. ეს ვარდები ასკილზეა დამყნობილი, ასამდე ჩივია, სულ ერთმანეთ-ზე უკეთესები, ბაღის ყოველ კუთხეში, ბაღის ყოველ კუნძულში რომ ჰყვა-ვიან და სურნელებით აესებენ ამ წალკოტს.

სახლის წინ, კიბესთან, თითქოს დეკორაციული, „უწესრიგობით“ მიმობ-ნეულა სხვადასხვა ზომისა და ფერის ქვები. მებაღე ამით მახინჯ ქვებს ეძახის: მართლაც; ზოგს ფეხის ფორმა აქვს, ზოგს — ხელისა, აქ ნახავთ გულგახვრე-ტელ ქვებს, მრგვალს — ეს ნაგორები ქვააო, — ამბობს მებაღე. აქვეა სხვა-დასხვა ზომის ქოთნები — მთელები და გატეხილები. ნიჟარები, კენჭები, გაქვავებული ხეები, რამდენიმე ნაბიჯი და ისევ ვარდების სამეფოში ვართ, ნაირ-ნაირი ფერისა და ელვარების ვარდებია... ეს, მართლაც, ყვავილთა სამ-ყაროა.

ბაღს შუაზე არყისხის თალარი ჰყოფს, ვაზით დამშვენებული. თალარის ქვეშ ხის მაგიდებია, კუნძები, მუხისა, წიფლისა, არყის ხისა. ამ ყვავილნარში ფუტკრის სკები ჩაუმწკრივებია პატრონს. ბაღის ბოლოში, სვეტიცხოვლის მხარეს, გალავანთან, მოზრდილი გალიებია. მებაღეს იქ სხვადასხვა ჩივია ყურცქვიტა კურდღლები ჰყავს. კიბესთან დიდი ქვა უდევს, ეს ფასანაურის ზემოდან, სოფელ არახვეთიდან ჩამოუტანია მამულაშვილს, მომეწონა თავისი შეფერილობითა და ფორმითაო, — ამბობს ის.

ბაღშივე გხვდებით დიდი ნათელი ორანჟერეა, განა ერთია? ხუთია. გა-ზაფხულდება და მოხუცი მებაღე შუშებს ასწორებს, ზოგს შუშებს მოაცილის, ზოგს დაათბობს, აქეთ მცივანა ყვავილები მყავსო. არაფერს კი არ დააგვი-

ნებს, არაფერი დაავიწყდება, დროზე იცის მოხუცმა მეზღემე საქმის მიტანება. მაგრამ ხანდისხან კი... აი, ახლაც ორანჟერეაში ფუსფუსებს, იზაბელას ვაზი-ლამაზად გადახლართულა მთელ სიგრძეზე, მოხუცი ღონდება:

— რა ვქნა ი ბიჭი აღარ გამოჩნდა?

— რათ გინდათ? — ვეკითხები.

— რათ მინდა და... ერთი შენ გახარებანსა, ახალგაზრდა ხარ, ნუ დაგეზარება. შედექი ამ კიბეზედა და შუშები ააცალე, თორემა...

— ჯერ იყოს, საჩქარო არის განა?

აბა შენ ჩავაცვან ზაფხულში დაბამბული პალტო... გეამება? ეგრეა მცენარეცა, სიცხე აღონებს ვაზსა და ამისი ცოდვით ვიწვები. — ჯავრობს მოხუცი.

ორანჟერეაში კი მცენარეთა მთელი სამყაროა, საუცხოო სანახავია კედელზე შემოვლებული ქრელი ფათალო, უამრავი, უთვალავი ქოთნები, დიდები, პატარები, აი, გვერდმობრეცილი ქოთანი თითქოს წაქცეულაო, შიგ კი მორცხვი მიმოზაა ჩარგული, მას განსაკუთრებით უვლას მეზღემე, ნაზია და ნებიერიო, უცხო სტუმარი როცა მიუვა და ორანჟერეაში ჩაიყვანს, ჯერ ამ პატარა ქოთანთან მიიყვანს და ეტყვის: აბა, ფოთოლზე ხელი დაადეო, მცენარე კი იგრძნობს თუ არა უცხო საგნის სიახლოვეს, კეკლუცად, კდემამოსილებით ვაწვ გვიწვეს, დაირცხვენს და გაიბუტება, კარგა ხანი იცის გაჯავრება, მერე კი ისევ მოიბრუნებს გულს, შეუირიდება სტუმარს, მოხუციც შეჰყურებს, უხარია და ტკბილად იღიმება.

შიგნით შესასვლელში მავთულით ჩამოკიდებული ჯამია, ჯამიდან პირდაღებული მოზრდილი ყვავილი ქანაობს, მას ვენერას ქოშები ჰქვიანო, თან დაამატებს — ორქიდეასაც ეძახიანო. გრძელ მაგიდებზე სხვადასხვანაირი ჩადუნა აქვს ჯამებით, ქოთნებით, ჩრდილში დაუწყვია. მზეს არიდებს. ეს კიდევკორაციული ხავსიაო — გვიხსნის. მოშავო-წითელი ფერის, წითელი ხალეებით დაჩითული მცენარეებია. ქოთნებში დამსხვილებული კოკრებით სავსე მცენარეებია. მეზღემე ფრთხილად რწყავს, ნელ-ნელა უსხამს წყალს, მარჯვენაში სარწყავი უქირავს, მარცხენაში კი ხმელ და ზედმეტ ფოთლებს აცლის. მცენარეს.

— რა მცენარეა, პაპავ? — ვეკითხები.

— ამის სახელი არ ითქმებაო — და გულიანად გადაიხარხარა, მერე დაუმატა — გოგო, მართალი არ გეგონოს, ამას ყოჩივარდას ეძახიან.

მესამე სათბურში ვარდებია კვლებში თუ ქოთნებში. აქა-იქ კი თეთრად და წითლად გადაპენტოილა მიხაკები, აგერ თურქული მიხაკი, ჰოლანდიური მიხაკი, საამო სურნელებას რომ აბნევენ. მოხუცი ნელა, აუჩქარებლად, სათითაოდ მიდის ყველასთან. ხელს შეავლებს. დამსხვილებულ კოკრებს, დახედავს, რაღაცას უსინჯავს და მერე ისევ გაუშვებს.

ვერ მივხვდი რას აკეთებდა და შევეკითხე:

— პაპავ, რას უსინჯავ მაგ გასაშლელად გამზადებულ კოკრებს?

-- აბა გამოიცანი! — მითხრა და თან ტკბილად გაიღიმა.

— ვერ მივმხედარვარ.

— აჲი გონიერი ვარო! დიდი და თამამი ვარდი ხომ გიხარია? აი, ამ კოკორსა ძირშივე ზედმეტი ამონაყარი აქვს, წვრილი, ზედმეტი ფოთლები და ყლორტები, ეს თუ არ გავაყავ, ყვავილი დაიჩაგრება და ეგრე ლამაზი და თამამი აღარ იქნება, ახლა კი დიდად გაიშლება, თავისუფლებას რომ იგრძნობს...

გრძელ მაგიდაზე მოხუცი მიწას აზავებს და თან მიაშობს:

— აი, ეს მიწა ფოთლის მიწაა, ტყეში დამპალი ფოთლისა, ეს კი ბელტის მიწაა, მინდორშია აღებული, ათი სანტიმეტრის სიღრმეზე. ამას გარდა, ქვიშაც საჭიროა, არც ტორფის გარეშე ვარგა მიწის შეზავება. ამ ნაზავს დაემატება სხვადასხვა მინერალური სასუქი და მიწაც მზად არის, ყვავილების მიწა; მაგრამ ყველა მცენარეს თავისებური ხასიათი აქვს — ზოგს ნოყიერი ნიადაგი უყვარს, ზოგი კი ქვა-ლორღმიც კარგად გრძნობს თავსა, — ლაპარაკობს მოხუცი, მაგრამ განა ხელს აჩერებს, თითები მიწაში აქვს, თუ ფოთოლი მოუწყდა ყვავილზე, მაშინვე სადმე ქოთანში ან ჯამის ნატეხზე დაყრილ მიწაში ჩარგავს.

ბაღში ბევრია ნაყოფიანი ხე. ისე როგორ გაუვლით გვერდით ბროწეულს, რომ არ შეხედოთ იქვე მსხვილ შავ-ქლიავას ან დამწიფებულ ლელვს; ან მოწითალო ფერის ცერის სიმსხო შვინდს.

ბაღის მთელ ბილიკზე ვაზის ტოტებით მოჩრდილული ფანჩატურია; აქ ყველაფერს — სახლს, ორანჟერეას, მთელ მიდამოს — მწვანე სამოსი აცვია.

ნიავე კი, არაგვის ქალიდან წამოსული ნიავე, ნაზად აშრიალებს ხეთა. მწვანე ფოთლებს და ნელა არხევს ყვავილების უძირო და უნაპირო ზღვას. ნიავე სღრნელებას მატებს ბაღს, ეშხსა და სილამაზეს აძლევს წალკოტს. ყვავილები კი ტიტინებენ და ტიტინებენ, ყველა თავის ენაზე გაგიბამს ვულის-პასუხს, მოდი და ნუ ისწავლი ამათ ენას. მოხუცი მებაღე მთელი დღე ამათ აღერსშია, მთელი დღე ამათ ესიყვარულება, მებაღემ იცის თავისი საყვარელი ყვავილებისა და მცენარეების ენა. გაგიკვირდებათ — ნეტავი რას ჩურჩულებენ, რა აქვთ ამდენი სალაპარაკო. ყვავილების სიყვარულმა შემოაბარა მამულაშვილს მთელი რუსეთი, ევროპის ბევრი ქვეყანაც მოინახულა. 'შემოიარა მთები და ველები, ნახა ბაღები და სკვერები. რომ ჰკითხოთ, იქ რა მოგეწონა და რა წამოიღეო, გეტყვით:

— რა უნდა წამომეღო... ჩემი მთა და ველი, ჩემი ხალხის სიყვარული, მცხეთური მიწა, ქართული გული — აი ეს მიკარნახებს, აი, ამათ მასწავლეს თუ რამე ვიცი; ხოლო რაც ჩამოვიტანე, განა ვმაღავ? — და წელში მოხრილი მისუცი მებაღე ბაღის შესასვლელისაკენ გაგიძღვება, იქ გზის პირად ჯალავანზე ჩამოკიდებულ ვერცხლისფერფოთლება ბუჩქთან მივა, მცენარეს ხელს გადაუსვამს, შესცინებს, მერე მოტრიალდება და საამო, ტკბილი ხმით განაგრძობს:

— სწორედაც საინტერესო ისტორია აქვს ამ მცენარეს. გუშინდელ დღესავით მახსოვს, შვეიცარიაში ყოფნისას, ხშირად მართო დავდიოდი და ვათვალისწინებდი ბალისა და ველის ყვავილებს. ალპებში, უფსკრულის კიდეზე მოულოდნელად შევნიშნე თეთრად აქაფებულ ჩანჩქერზე გადაკიდებული ვერცხლისფრად მოელვარე ფოთლები და წვრილი თეთრი ყვავილები, ეს ისე ლამაზად მოჩანდა, რომ ყველაფერი დამავიწყდა და გადავწყვიტე როგორმე ახლოს მენახა... ძნელი იყო ღრმა და დაშვებულ კლდეზე ჩასვლა, მაშინვე ფესსაცნელი გავიხადე და შიშველი ფეხებით დავყევი ქვისა და მიწის ნაშალს. დიდი წვალების შემდეგ მივუახლოვდი ბუჩქს, დიდხანს ვუცქერდი, გული კი დამწყდა, მცენარე ახლად აყვავებული ჩანდა და თესლის შეგროვება შეუძლებელი იყო. ამიტომ ერთი კვირის შემდეგ, წამოსვლის წინა დღეს კიდევ გავიარე, კიდევ დავხედე, მაგრამ ამაოდ. ჯერ არ აპირებდა დაყვავილებას. იპულატიული გავხდი ტოტები დამემტვრია და როგორც იქნა ფოფხვა-ფოფხვით ძლიერ ამოვედი უკან, მგზავრობისას ყვავილის ტოტებს საგანგებოდ ვეფერებოდი, სითბოში ვათავსებდი, რომ თესლი დამწიფებულყო, ახლა კი ეს ჩემი ჩამოტანილი შვეიცარიის ცერასტიუმში — წიწილკურა, საქართველოს ყველა კუთხეში ჰყავის. მას შემდეგ კარგა ხანი გავიდა, ორმოცდაათი წელი არც თუ ისე ცოტაა. მაშინ „ყმაწვილიც“ ვიყავი, ხუმრობს მოხუცი. — აი, ეს კი ჰოლანდიის ტულპანია, ამასაც საინტერესო თავგადასავალი აქვს. — თქვა და იქვე, ათასფრად მოყვავილე ველზე გამიყვანა.

ეს ტულპანები ჰოლანდიის დედოფალმა გამომიგზავნა თავისი ბაღიდან, ახლა ყველაფერი გინდა მალაპარაკო და მერე დაწერო? თუ ღმერთი ვწამს, დამეხსენი, თავი დამანებე, თქვენც მოისვენეთ და მეც მომასვენეთ.

მოხუცს ვეფერები, ვებეწები, ის კი კარგა ხნის შემდეგ ყვება:

— 1898 წელს, როცა დავცოლშვილდი და მცხეთაში დავსახლდი, ამ ეზოს გაშენება მაშინ დავიწყე. თანაც ნარეკვავეში საუფლისწულო მამულის ნაკვეთი ვალით ვიყიდე და სასათბურო მეურნეობა და დეკორატიული სანერგე გავაშენე, ხოლო თბილისში, თამამშევის ქარვასლაში საყვავილე მალაზია გავხსენა. პირველ ხანებში მალაზიაში ყვავილები ცოტა მქონდა, იმიტომ, რომ ნარეკვავეში ჯერ კარგად არ იყო ყვავილების საქმე. მაშინ ჩემს მალაზიაში კერძო პირებს, მეყვავილეებს, ხშირად შემოჰქონდათ ყვავილები, მთხოვდნენ და მეც ჩემი გემოვნებით ვუყეთებდი რაც დასჭირდებოდათ — საღლეობი კალათები იქნებოდა, თაიგულები, თუ სხვა რამ...

იმხანად თბილისში ჩამოდიოდნენ უცხოელები, კერძოდ, ჰოლანდიელები: ჩამოაქონდათ ბოლქოვანი მცენარეები — ტულპანი, ნარცისი, სუმბული. ბოლქოვანების ცნობილი ფირმის „ვანზანტენის“ მუშაკები არაერთხელ შემოხუტულან ჩემს მალაზიაში, აინტერესებდათ ჩემი მუშაობა, გამიცნეს და მცხეთაშიც მესტუმრნენ, ნარეკვავეში ჩემი ბაღი დაათვალისწინეს, მოეწონათ ნამუწევარი და მთხოვეს — ჩვენთან ჰოლანდიაში გვესტუმრეთო. მე კი აბა,



კაპიტულუმის ორანჟერიაში



ბაღის მხოლოდ ერთი კუთხე

როგორ შევძლებდი წასვლას, გაქირვებული ოჯახი მქონდა, თორემ სურვილით კი როგორ არ მიწოდდა, სხვადასხვა ქვეყნის ყვავილისა და მეყვავილეს ნახვა და გაცნობა.

და, აი, წერილებს ვღებულობ, მთხოვენ: გზის ხარჯს ჩვენ ვკისრულობთ, ოღონდ გვესტუმრეთო. მეც, სწორედ რომ ვითხრათ, გამიხარდა და 1913 წლის გაზაფხულზე ჩემი უფროსი შვილით მიმიკოთი გავემგზავრე უცხოეთში. ბიჭმა გერმანული ენა კარგად იცოდა, ჯერ ერთი, თარჯიმნად გამომაღვებოდა, მეორეც, ჩემი ცოლის და — ალექსანდრა ქართველიშვილი რევოლუციონერი იყო და ემიგრაციაში იმყოფებოდა შეეიტარიაში, ვიფიქრე დეილასაც ნახავს-მეთქი... ჩავედით ჰოლანდიაში და იმ ნაცნობი მისამართით მივაღვეით ჩემს მასპინძელს. მართალი ვითხრათ, კარგად მიგვიღეს, ძალიან გაეხარა და ჩვენი ნახვა, დაგვასვენეს, გვასადილეს და საღარბო ოთახში შეგვიყვანეს, ფირმის უფროსმა მაგიდიდან დიდი წიგნი გამოიღო, ანბანზე ჩემი გვარი მოძებნა, გადაშალა და წინ დამიდო: უცბად შევკრთი, ამ უცხო ქვეყანაში ისეთი წიგნი რომ ვნახე, სადაც ჩემი გვარი და სახელი ეწერა: „მიხეილ ალექსის ძე მამულაშვილი, ღარიბი, მცირე მცოდნე, მაგრამ ზრდის ისეთსავე ყვავილებს, როგორც ჩვენ“...

ამის შემდეგ წამიყვანეს ჰააგაში, ქალაქგარეთ, დედოფლის სასახლის ბაღში შემიყვანეს. დიდ, გაშლილ მწვანე მინდორზე თვალისმოშვრელი სილამაზით ჰყვოდნენ ჰოლანდიური ტულპანები. ვიდექი ამ სილამაზით მოჯადოებული და წამოსვლას ვეღარ ვახერხებდი, სხვადასხვა ფერის ტულპანები ხალიჩასავით გაფენილიყო მწვანეზე. ჩვენ დიდხანს დავრჩით ბაღში, ტულპანებთან. დედოფალი, ალბათ, ჩვენმა სითამამემ გააოცა და ბაღში ჩამოვიდა; მოგვესალმა, ხელი ჩამოგვართვა და ჩემი ვინაობა იკითხა, მერე მკითხა რა უფრო მომწონდა მის ბაღში. მე შემრცხვა, მომეხათრა, მაგრამ მაინც მოკრძალებით გავბედე, ხელითაც კი ვანიშნე — ეს ტულპანები-მეთქი. თხუთმეტოდე წუთს გველაპარაკა, შემდეგ დაგვემშვიდობა და წავიდა.

ჰოლანდიიდან შეეიტარიაში წავედით, დავათვალიერე იქაურობა, ბავშვი იქ დავტოვე და იქიდან გერმანიას ვესტუმრე. რამდენიმე დღეს დავდიოდი ბერლინის ქუჩებში და ვათვალიერებდი ყვავილების მაღაზიას, ბოლოს ერთ-ერთ ფირმას — „ოტო შმიტს“ მივაღვექი. კარგა ხანს ვუტრიალე გარშემო. სანამ კარისკაცი გამოჩნდებოდა და მკითხავდა ვინ ვიყავი და რა მიწოდდა. ბოლოს გამოჩნდა. მე მას ჩემი სურვილი გავუზიარე, რომ მიწა ვისწავლო ხელობა, — მეყვავილეობა. ფირმაში ყოველ საათში მოქმედებდა ცოცხალი, ახლად მოკრეფილი ყვავილები — ოქროსფერი ვარდები, თავჭორორა მიხაკები. მკითხეს რა განათლება გაქვსო, — მცირე მცოდნე ვარ-მეთქი... ერთი კვირის შემდეგ შემოიარეთ და ვნახოთ, შეიძლება ადგილი გამოგინახოთო. ასე წამოვედი განაწყენებული. სანამ სასტუმროში მოვიდოდი, გზაზე კაცი დაედევნებინათ და მეც უკან დამაბრუნეს, იმ დღიდანვე დამიწყეს გამოცდა,

ჯერ იმაო ვუცქეროდი ხელებში როგორ აკეთებდნენ, შემდეგ კი, მეც ჩემი ვცადე.

საქმე შემდეგში იყო. მაშინ ბერლინში მავთულისა და ტყეჩის სიმეტრიული კალათების ფაბრიკები იყო გავრცელებული. კალათებს მყვირალა ფერებია რთავდნენ. იქ ყვაილის ფერთა შეხამება ზუსტად დაკანონებული წესის მიხედვით ხდებოდა.

ეს ტრაფარეტული ხერხი აბა რა მოსაწონი იყო, მაგრამ იმათ ეს უნდოდათ და მეც იმათებურად ვცდილობდი, მაგრამ რამდენჯერაც არ დაეწყე, ისევე ჩვენებურად გამომდიოდა. არ ვიცი ჩემი სიკერაზე მობეზრდათ, თუ მართლა არ მოსწონდათ ნამუშევარი, ისე კი ვატყობდი ჩემი მოშორება უნდოდათ, და, აი, ერთ დღეს მითხრეს:

--- აბა, უცებ რომ ვინმე მოგივიდეს, რას მოიფიქრებ ექსპრომტადო?

მე მაშინვე თვალი გადავავლე იქაურობას; ვიტრინაზე მწვანე ხავერდი იყო დაფენილი, ზედ ეწყო ოქროსფერი ლამაზი ვარდები და მიხაკები, იქვე იყო შოკოლადისფერი ქაღალდი; ავიღე ეს ქაღალდი, დავკმუჭნე, პარკის მაგვარი ფორმა მივეცი, შიგ ოქროსფერი ვარდები გავახვიე და ვიტრინაში მივაგდე. ეს ძლიერ მოეწონათ. მართლაც, ლამაზად გამოჩნდა შოკოლადისფერი, დაკმუჭნილი ქაღალდის ფონზე ოქროსფერი ვარდების ელვარება. შემდეგ დეკორაციული გოგრა ამოვკერი, შიგ ჭარხლის ფოთლები და ოქროსფერი ვარდები ჩავაწყე, ამის შემდეგ ძალიან მოსწონდათ ჩემი ექსპრომტები. ერთი კვირაც აღარ დავრჩენილვარ და მითხრეს — შენ ჩვენგან ამაზე მეტს ვერაფერს ისწავლი, ესეც რომ არ იყოს, არაფერი სწავლა არ გინდა, ჩვენ შენგან ვსწავლობთ, წადი და რაც იცი, როგორც იცი, ისე იმუშავეო...

შემდეგ კი შვეიცარიაშიც ვიყავი, პარიზსაც ვესტუმრე გავლით, და ისევ ჩემს ქვეყანას დაუბრუნდი. შემოდგომაზე კი, სწორედ სექტემბრის თვე იყო, გული რომ გამიხარა პოლანდიის დედოფლის საჩუქარმა. ცხრა ხის მოზრდილი ყუთი გამოვგზავნა ოცდაცამეტი სხვადასხვა ჯიშის ტულპანის პოლანდიური ჰიბრიდები; აი, ეს სწორედ იმდროინდელი, პოლანდიუკიაო.

— ერთი შესანიშნავი დღეც მახსოვს თბილისში, — განაგრძობს მოხუცი. ქალაქში ვიყავი გასული. სასახლიდან მოსულიყვენენ მალაზიაში და დაეკვეთათ: სადღეობო კალათა, ოცდახუთი მანეთი დაეტოვებინათ და ეთხოვათ: 16--17 წლის ახალგაზრდა ყმაწვილი ქალისთვის გამეკეთებინა „ადრეულა გაზაფხული“. მე გავჯავრდი, აბა, ამისთანა ხალხს როგორ მოვაწონებ ჩემს ნაყოშეგვარს. ყვაილებიც არ მქონდა, საქმე კი ბევრი იყო. სწორედ ნინოობა იყო --- თოთხმეტი იანვარი. რა უნდა მექნა. შევწუხდი. ბოტანიკური ბაღის გორაკზე წავედი ყვაილებისათვის. პატარა კალათზე მწვანე მთლი დავაგე, მოლზე შუა ადგილას თიხის ჯამით ტბა გავაკეთე, გარშემო კი ია და ენძილები იყო მიმობნეული. ასეთი კალათი გავუგზავნე. იქიდან მალე მოვიდა ყაზახი

ჩემს წასაყვანად, მაგრამ არ წავედი, ცოტა ხნის შემდეგ ეტლით მოვიდა მთავრის ცოლი, ღიმილით მომესალა და მითხრა:

— რატომ არ მობრძანდით, თქვენ იქნებოდით ჩვენთვის ძვირფასი და იშვიათი სტუმარი, მე თვითონ მხატვარი ვარ, შემოვლილი მაქვს მთელი ქვეყანა, მაგრამ ძალიან მომეწონა თქვენი გაკეთებული კალათი. ახლა მინდა თქვენი ბაღნარი ისე მოგიწყოთ, როგორც ევროპაში იციან.

— ქალი ჩემგან პასუხს ელის, დგას და მიყურებს. მე ვუთხარი დიდ მადლობას მოგახსენებთ, მაგრამ თქვენი დახმარება არ მჭირდება მეთქი.

— რატომ? — გაიკვირვა და შემომხედა, ალბათ, იფიქრა — სულელი სომ არ არისო!

— იქ სადაც ბაღს ვაშენებ, ხალხი არ არის განათლებული, თანაც მეტად ღარიბები არიან. მათ იციან, რომ ფული არც მე მაქვს. თქვენ რომ ბაღს გაიყვითოთ, იტყვიან: დიდმა მთავარმა გაუკეთაო; მე კი მინდა ხალხმა ნახოს, რომ მე ჩემით ვაკეთებ ყველაფერს.

— მეორე დღეს ხუთი თუმანი გამოეგზავნა, მესამე დღეს — ოცდასუთი მანეთი, შემდეგ კი პეტერბურგში წავიდა და იქ ეთქვა: მამულაშვილი ხელოვანია და არა ვაჭარო.

მებაღეს არ უყვარს, როცა ლაპარაკობს და საუბარს შეაწყვეტინებენ, ამიტომ მეც სულგანაბული ვუსმენ. ის ისევ ორანჟერეას დაუბრუნდა, აარებთან, შესასვლელში კარგა მოზრდილი მანდარინისა და ღიმონის ხეებია. მოხუცი მათ მიუახლოვდა, ფოთლები გაუსინჯა და ჩაილაპარაკა:

— ამ საცოდავს, რაღაც ავადმყოფობა ეპარება. — და წმენდს, მკურნალობს.

იქვე, მაგიდის ქვეშ, ჩრდილში, ქოთნებია გადაყირავებული, საპი მალა ქოთანი მცენარეიანად გადავარდნილა.

— პაპა, პაპა, ყვავილები გადავარდნილა, — შევწუხდი და გასასწორებლად დავიხარე. მოხუცს ტკბილად ეღიმება, ჩუმ-ჩუმად მიყურებს და როცა ქოთანს ხელი წავატანე, მაშინდა მომამხა:

— ხელი არ ახლო, მოეშვი.

გაოცებული დავრჩი.

როგორ, თქვენ რომ დაიღლებით, არ ჩამოვდებით ხოლმე? დაღლილი მცენარეა და ისვენებს, მაგას მაგრე ურჩევნია.

...ფერთა სიუხვე საოცრად გადადის ერთმანეთში. ნიავე კი ამრიალებს და ამრიალებს ამ ლამაზ ყვავილნარს. მიმოაბნევეს ათასგვარი ვარდ-ყვავილების სურნელებას და წასვლას ჯავიწყებს. ახალ-ახალს პოულობს თვალი. აბა, ერთი ნახვით ყველაფერს როგორ გავწვდებით, ერთი ნახვით როგორ შეიძლება ყველაფრის გაცნობა.

და სურვილით სავსე, ხალისით სავსე, მოჭადროებული ველარ ახერხებ ბაღის დატოვებას, მიდიხარ და ბილიკის ნაპირზე, მუხის ქვეშ, ხედავ — მწვა-

ნე მოლია, მოლს ურმის ნაკვალევი ემჩნევა, იქვე ბუჩქთან პაწია, ლასტებიანი ურემია, ამ სანახაობას განა თვალს მოაცილებ? დგებარ და უყურებ, უყურებ და თითქოს ელოდები: აი, ახლა გაიგებ მეურმის ტებილ ღიღინს. თვალს მეორე სანახაობა მოგტაცებს — ვარდის ძირში, ჩიტის ბუდეა, ბუდეში კვერცხები, თითქოს ეს-ეს არის დედა ჩიტი ახლა აფრენილა ბუდიდან და ელოდები: მოფრინდება და როგორ შეშინდება. ახლა სხვა მხარეს გაიხედავ და, ისევ და ისევ ახალ-ახალი კომპოზიციებია, თითქოს მებაღე „უჩინმაჩინის“ ქუდით დადიოდეს ბაღნარში და ყოველ წუთს სცვლიდეს ამ სანახაობას.

ბაღნარის ფონი საოცრად იცვლება არა მარტო წლის, არამედ ერთი დღის განმავლობაშიც. როცა ჯვრის გუმბათიდან მზე წამოეპარება ბაღს, დილის ნამით აციმციმებული ყვავილნარი საოცარ სანახაობას ქმნის; შუადღისას, — შევეულად დაშვებულ მზის სხივებზე სხვა ელფერი აქვს, საღამო ხანს კი, როცა სვეტიცხოვლის გალავნიდან ბინდი შეეპარება მთვლემარე ყვავილებს, ბაღი მუქ მეწამულის ფერში ეხვევა.

ნეტავ გაჩვენათ ამ ბაღის სილამაზე წვიმის შემდეგ, როცა უთვალავი წვეთები ფოთლებზე ნაირფრად აენტებიან, აუუუუნდებიან, აციმციმდებიან ამ უცნაური ქვებისაგან და ყვავილებისაგან მოქსოვილ ჩუქურთმაში. აი, მაშინაა ბაღი ზღაპრული; აი, მაშინ ჰგავს იგი „უკვდავების წალკოტს“, მაშინ ივსება სიცოცხლით ბაღიცა და მებაღეც.

აი, ამიტომ ეძახიან მებაღე მიხეილ მამულაშვილს მცხეთელ მინდიას, „ყვავილების ჯადოქარს“, „ყვავილების გროსმაისტერს“. განა მას ღირსეულად არ დაუმსახურებია ხელოვნების დამსახურებული მოღვაწის საპატიო წოდება? განა მიწის სიყვარულმა, უანგარო შრომამ არ შეაქმნევინა ეს საკვირველება? ეს სილამაზე რამდენმა მნახველმა გადაიტანა თავის ბაღში. რამდენს აღუძრა სურვილი ამგვარად მოაწყოს თავისი კარ-მიდამო. რამდენ ასალგაზრდას შეაყვარა მცენარის მოვლა. რამდენს უთქვამს:

--- პაპა, თუ შეიძლება, ერთი ყვავილი მომეციტ ძირიანად...

— წაიღე, შვილო, წაიღე და მოუარე... კი არ გაახმო და...

— პაპავ, თუ შეიძლება აი, ამ ყვავილის თესლი მომეციტო...

მოხუცი მებაღე განა დაიშურებს. ჩემს ქვეყანაში დაე, ყოველ ნაბიჯზე ბაღნარები და ყვავილები ჰყვაროდეს, და ხელს ჯიბისკენ წაიღებს, ჯიბეში აქვს სტუმრისათვის ცალკე გამოხვეული ყვავილების თესლი, იმან იცის, რომელი ყვავილი უფრო მეტად მოსწონთ, რომელი უკეთესია საკარმიდამო ბაღნარისათვის.

მე კი, მე მაინც არ ვეშვები, ვეკითხები — სად, რომელ ბაღში გაქვთ თქვენი წვლილი შეტანილი.

— ახლა კიდევ... სხვა რაღა გნებავთ, დაედგე და ვიტრაბახო, ამდა ამ ადგილას, ესა და ეს გავაკეთე-მეთქი... ეგ არ იქნება ჩემგან, სადაც რამე გამიკეთებია, ალალი და უყვედრელი არის და იქნება. ის სიკეთე რიღას

მაქნისია, თუ ათასჯერ დაამაღლებ და ათასჯერ ეტყვი: ესა და ეს გაეკეთეთო. აი, ჩემი ეზო, ჩემი პატარა ბაღი, ამ ბაღს ვაკეთებ და ეგ არას...

— აბა იქ, მოსკოვში, გორაკის ბაღში, ვინდა იყო, ყვავილების დღესათვის რომ ემწადებოდა დედაქალაქი?

— იქა, როდისა? — ბავშვივით მიამიტი კილოთი შემეკითხა.

— როდის და სამი წლის წინათ, გაზაფხულზე, ყველა რესპუბლიკა რომ თავისი კუთხის, თავისი მიწის ყვავილების სილამაზეს აჩვენებდა, იქ რომ დაუფუსფუსებდით, განა ხალხმა არ განახათ?

— ჰო, მე ვიყავი, მერე რა გნებავთ, რა გაეკეთე იქ იმისთანა საკვირველი.

მოხუც მებაღეს არ უყვარს, როცა აქებენ...

— განა რა არის საკვირველი, კაცს რომ შრომა უყვარს? ეჯავრება უსაქმური და ზარმაცი, თავის ქება, მატრაკვეცების საქმეა. — მოხუცს ამ სიტყვის ხმარება ხშირად უყვარს, უფრო კი მოსიყვარულებით ეტყვის ხოლმე მოსაუბრეს, ესე როგორც ზოგიერთ ყვავილს ეძახის: — ეს მეტად მატრაკვეცააო...

— სხვა რა გააკეთეთ პაპა?

— არაფერი, არაფერი არა ჩაიწერო რა, შენ გახარებასა, ემანდა ქვეყანას არ გააგებინო მამულაშვილმა ესენი ილაპარაკაო... თუ ღმერთი გწამს თავი დამანებე, მომეში...

— არსენა ოძელაშვილის ძეგლთან ელდრის ფიჭვები ვინ დარგო, ხომ არ იცი?

— ეგ ვინდა ჩაგახარათ...

პაპა გაჩუმდა, თითქოს განაწყენდა, მერე ისევ მალევე მოიბრუნა გული. შემომხედა, მარჯვენა მაჩვენა და მანიშნა:

— აი, ამანაო...

— წინანდლის ბაღშიც ხომ არ ჩაგივლიათ იქაურობის გასალამაზებლად. ან ყვარელში, ის დიდი დეკორატიული ბაღი ვინ გააკეთა ხომ არ გახსოვთ?

— ხომ არ გახსოვთ. — გამომაჯავრა მებაღემ...

— საგურამოში ილიას ბაღს ვინდა უვლის? ნეტავი ის მებაღე ვინ იყო, სახლ-მუზეუმის გახსნისას ღვთიური სილამაზით რომ ააყვავა და მოხატა ილიას საყვარელი ბაღი? — ვთქვი და მოხუცს შევხედე. მოგონებამ სახე გაუღნათა, თითქოს უცბად გამოცოცხლდა და...

— ოჰ, შვილო, ნეტა რას ამიშლით ხოლმე იარებსა, აღარ მომეშვები, შენ გახარებას, ერთი მითხარი, ვინ გამოგზავნა ჩემს შესაწუხებლად.

მებაღის ხასიათი უკვე ვიცი, თორემ მართლა რომ სწყინდეს, განა ასე განიბამდა მუსაიფს, შეტრიალდებოდა და სახესაც არ მაჩვენებდა.

მერე კი ტკბილად დაიწყო:

— თქვენ წიგნებიდან იცნობთ იმას, და ახლა მე მკითხეთ, როგორი ღვთისნაირი ადამიანი იყო... ისე წამომივლის ხოლმე იმისა სიყვარული, რომ

კაცი დავებრდი და თვეში ერთხელ მაინც რომ არ დავხედო საგურამოს, გული როგორ მომასვენებს. სანამ პირში სული მიდვას, იმის ბაღს ჩემი ხელი არ მოაკლდება, იმის დღეობებზე და იმის სახელზე თუ კი რამეა საჭირო, ჩემი ბაღიდან, ჩემი სახლიდან, რაც კარგი მაქვს იქ ავიტან ხოლმე, იქ მაინც დარჩება, იქ მაინც მოუვლიან ილიას სახელზე... სანამ ცოცხალი ვარ, იმის ეზო-ყურგში სხვის მითანილ ყვაილს არ გავაჟაჟანებ. როგორც შემძლიან ისე მოვრთავ: ისე გავალამაზებ.

— თბილისში, ბაღებისა და სკვერების გალამაზებაში კი არა ვაქვით ამაგი?

— ახლა კიდევ... თუ იცი, მაშ რაღას მეკითხები...

კინალამ დამავიწყდა ყველაზე საინტერესო რამ. გამახსენდა თუ არა, მაშინვე შევეკითხე:

— პაპა, თქვენი გამოყვანილი ყვაილების ახალი ჯიშები გექნებათ, იქნებ მაჩვენო?

— ძნელია, შეილო, ახალი ჯიშის მიღებას განსაკუთრებული თვალი და ხელი უნდა. ამ საქმეს განა ერთი და ორი კაცი გაართმევს თავსა? ჯერ ერთი, რომ საამისო ადგილი არა მაქვს, მეორეც, აბა ამისთანა საძნელო საქმეს როგორ შევეჭიდები ერთი კაცი. რასაც ვაკეთებ ესეც საკვირველია. ამოდენა მცენარეებს მოვლა არ უნდა? ამიტომ ახალი ცოტა რამ მაქვს, მაგრამ ძველ ჯიშებს კი კარგად ვინახავ, ყვაილი და მცენარე ისეთი სათუთი და ფაქიზია, რომ თუ ყურადღება მოაკვლით, დროზე არ მიხედეთ, ისე გადაგვარდება, რომ ბოლოს პატრონიც ვეღარ იცნობს. აი, ესენია ჩემს მიერ შერჩეული და გამოყვანილი საოთახო-ტროპიკული მცენარეები, უცნაური მცენარეა, ამისი გამრავლება ძალიან საინტერესოა, ტოტს ჩარგავ — გაიხარებს, ფოთოლი კი არა, ფოთლის ნაგლეჯი რომ იყოს, ოღონდ მიწა მოხვდეს და მაშინვე ცოცხლდება, და მაჩვენებს „სამეფო ბეგონიის“ იშვიათ ეგზემპლარებს. შემდეგ მზუცი ბაღის ბოლოსკენ წავიდა და იქიდან გამომძახა:

— მობრძანდით აქეთ!

მივუახლოვდი.

— შენ ისეთი ჯადო ხარ ჩემ ბაღში შემოსული, რომ თუ ყველაფერი დროზე არ ჩავიკაკლე, აქედან ფეხს არ მოიცილი. ძველი ჯიშებიდან ეს ოქროსფერ-მოყვითალო ფერის სურნელოვანი ვარდია, ფრანგული ჯიშია; ამას შესხედე, — მითხრა და წითლად მოელვარე ხავერდის ვარდზე მიმითითა. ეს კი ახალი, ფრანგული ჯიშია; ასკილზეა დამყნობილი „ელუმერი“ — ასე ვეძახით ამას. ეს ყვითელი ფერის ძალზე სურნელოვანი ვარდი კი ინგლისური ჯიშია — „მადამ ბატერფლაი“, ვარდის ყველაზე საუკეთესო ჯიშია, ნარეკავის ბაღიდან მაქვს გადმოტანილი და შემონახული.

— პაპა, რომელი ყვაილი უფრო მეტად გიყვარს? — მოხუცმა გამწყრალი სახით შემომხედა, არ ესიამოვნა კითხვა.

— აბა, ეგ რაღა საკითხავია, განა მშობლებს ჰკითხავენ, როგორი შვილი უფრო მეტად გიყვარსო, ჩემთვის ყველა ერთია. მე ყველა მიყვარს.

— როგორ, მამ ყველას ერთნაირი ყურადღება და მოფერება უნდა?

-- ყურადღება ყველას სჭირდება, მაგრამ სიმართლე რომ გითხრათ, პატარას უფრო მეტი მოფერება უხდება, ვიდრე დიდს. დიდი ყვავილი რაღაც ბრიყვ კაცსა ჰგავს, მშობლები რომ უადგილოდ გაათამამებენ ხოლმე, პატარა კი მეტად სასიყვარულოა. ბავშვიც ეგრე არ არის განა?..

— ეს არის და ეს...ახლა ხომ ყველა ჩემი საიდუმლო იცი. იქნება კიდევ რამე მოიგონო, ჰა? არც ახლა მომეშვები. სახლიკაცად ხომ არ შემიყარე, აღარ მიდიხარ? აი, ქვას გიბრუნებ, იქნება არც იცი, რას ნიშნავს ქვის გადაბრუნება,—შენი ფეხი აქ აღარა ვნახო, ამბაღში აღარ დაგინახოს ჩემმა თვალებმა, — მეუბნება, მაგრამ ვგრძნობ, რომ მეფერება, იმასაც ვგრძნობ რატომ... თქვენც გითხრათ? ამ ადამიანში იმდენადაა ყვავილების სიყვარული გამჭდარი, რომ, თუ ვინმე დიდ ცნობისმოყვარეობას გამოიჩინოს იმათ მიმართ, იმასაც დიდი პატივისცემით ეპყრობა, მან ეს მოფერება ამით გამოხატა... მე კი მიხარია, უზომოდ მიხარია, რომ მოხუცი მებაღე ასე „მაჯავრებს“.

მე დაფიქრებული, განცვიფრებული შევცქერი მოხუცს და წასვლას ვეღარ ვახერხებ, იქნება ამიტომაც მომადახა ისევ იმ კილოთი:

— შენ რაღა მოხელე ხარ, მე რომ ამდენს მალაპარაკებ? შენ თუ გიყვარს მიწა და ყვავილები?

მებაღის ამ მოულოდნელმა კითხვამ დამაბნია, მაგრამ მაინც თავის ღროზე, გუჰასუხე:

— როგორ არა, ძალიან მიყვარს.

-- აბა ერთი ხელები მაჩვენე. — და ხელებზე დამხედა, მერე ისევ თავის საყვარელ ყვავილებს მიუტრიალდა და მომადახა:

-- მაშა, მაშა, ემაგ ვარდივით ხელებზე გეტყობა, როგორც გიყვარს.

მერე ისევ გამეხუმრა:

— ჭალაქელებმა, მიწის სიყვარულისა რა იციან... ვარდ-ყვავილები ხელში დასაჭერად გიხარიათ: ან გულზე მიიბნევთ, ან თმებში. მოსავლელად კი... აი ეს მიწიანი თითები უვლის; აი, ეს მიწიანი თითები, — მითხრა და ოროვე ხელის თითები გადამიშალა. მართლაც, ათივე თითზე შემხმარი და ახალი მიწა ჰქონდა.

ხანდახან, მებაღე თუ კარგ ხასიათზეა და ღროს იპოვის, ბაღის დასავლეთ მხარეს, გალავანთან, თავის ტოლ მხვიარა ვარდის ბუჩქთან ჩატუცქდება, ტოტებს გაუსხლავს და სინანულით ეტყვის:

— მე და შენ ტოლები ვართ, ხომ გახსოვს. და აი, შენ ისევ ყოჩაღად იყურები, ყოველ გაზაფხულზე ისევ იმ ხალისით ამწვანდები და აყვავილდები ხოლმე. მე რაღა ვქნა რომ ვებერდები, — თან ფარულად გაიხედ-გამოიხედავს, ხომ არავინ მისმენსო, და ტკბილ მუსიას გაუბამს:

-- ნეტავი ადამიანიც მეორეჯერ მოდიოდეს ჰა? ოთხმოცდამეათეში გადავლექი. იქნებ აღარც კი გახსოვს, რომ მე და შენ ტოლები ვართ, ჰა? მამაჩემს ჩემი დაბადების დღეს დაურგავს შენი თავი... ტოლები ვართ, ტოლები... არ იცოდი განა? რას იტყვი, ღრმა მოხუცად ვითვლები?

ვარდი კი, წითელი, სურნელოვანი მხვიარა ვარდი, თითქოს ეპასუხება მოხუცს:

— მებაღევ, მეც გამიხუნდა ელფერი, ის აღარა ვარ, რაც ვიყავი. ჩემი წილი დღე შენ შეგემატოს, შენ არც დაბერდები, არც მოკვდები... დიდბანს იცოცხლებ ჩვენი მადლით... შენ ღრმადა გაქვს ფესვები გადგმული მიწაში, ღრმად, არასოდეს არ გახმები. მე კი ზედაპირზედვე ვარ, ახლოსა ვარ სიკვდილთანაცა და სიბერესთანაცა.

და უთვალავჯერ ლოცაეს:

— შენ არასოდეს არ მოკვდები, მუდამ იცოცხლებ... შენი მიწიანი თითების მადლით.

უკავილევმა იძალეს

— დედაკაცო, აბა ერთი ეზოში გადაიხედე, რა დღეშია მწვანის კვლები...

სოფიომ გადაიხედა და ელა ეცა.

— ეს რა უქნია ქა... განა ისე პატარაა, რომ ვერ გავარჩიოს ეს ბალახი. სჯობია თუ ბოსტანი? ვაი შენ, ჩემო თავო, სულ გადაუგლეჯია მწვანელი და მინდვრის ყვავილები ჩაურგავს.

-- სოფიო დასაგლეჯად წაეტანა ყვავილებს, მაგრამ ალექსიმ დაასწრო:

-- არა დაუგლიჯო-რა, დაანებე თავი... უფრო უარესს იზამს, ახლა მაერსთვის გავამწართ?

— აბა ვნახავ, ეგ ბალახები თუ გაუძღობს კუქსა. ისეც საცოდავი, ერთი ციქქნა ბალჩა მაქვს და მაგისი შიშით მწვანის ფოჩი დავინატრო? აბა, ერთა ხმა ამოუღია, ი ლობიოს ჯამში რომ დიდ თვალებს ჩააბრიალებს ხოლმე, ახლა დადგეს და ესენი მიირთვას, დამაცადოს მაგანა.

-- სოფიო გამწარებული დარბოდა, ხან ქმარს შესჩივლებდა და ხან ეზოს კარზე მომდგარ მეზობლებს. თვალით კი მაინც ბიქს დაეძებდა, თან ხან-გამოშვებით გაიძახოდა: ტა-ტა, ტა-ტა, ერთი ახლა მაჩვენა და...

სალამოს კი მიხა ხელსავესე მოადგა ეზოს კარს, უბეში ჩაყრილი ყოჩი-ვარდას ძირები გალავნიდანვე გადმოყარა, დანარჩენი კი: ჩიტის ბუდე, ლერწმის ტოტები და ფათალოს ძირები მუხის ქვეშ დააწყო.

მიხას არაფერი უთხრა დედამ. ძმებმა კი ყველაფერი ჩაუკაკლეს ეზოს კარზედვე: დედა ცემას გიპირებსო.

ფილაქანზე დედას ფარდაგის ნაგლეჯი დაეგო და პატარები გემრიელად შეექცეოდნენ ვახშამს. მიხა დარცხვენილი, თავჩალუნული განზე იდგა, პატარა ლიზა კი შალი-შალ ეტყოდა დედას:

— დედი, მიხას არ აქმევ?

— მაგას რომ საკმელი უნდოდეს, ამ ლობიოს ძირებს არ დაგლეჯავდაო, — ბრაზობდა დედა.

მიხას უკავამო ღამე დიდხანს არ დახსომებია, სოფიოს კი არც მეორე კვირა დაავიწყდა, როცა ალექსიმ გარეთ გაიყვანა და დაანახა:

-- აბა, ერთი გაჰხედე, იმ შენს ბიჭსა რა მოუფიქრებია, ახლაც ჩსუბს ხომ ვერ დაუწყებ ჰა? — სიცილით უთხრა და ეზოს შუა, ლობიოს სარზე ყურით ჩამოკიდებულ კალათს შეხედეს.

მიხას ტირიფის ტოტებით მოწნულ კალათში მიწა ჩაეყარა და შიგ საიდანლაც მოტანილი იაუუუნა ჩაერგო, — ეს რალამ მოაფიქრებინა, — გაოცდა დედა.

იი დღიდან ალექსას ეზოში უცნაური რამ მოხდა: მიხა ხან გატეხილ თიხის ქილას იბოვნიდა, ხან სადღუღარსა. ყურიანსა და უყუროს, ყველას ხეზე ჰკიდებდა. ყველაფერში ყვავილებს ახარებდა, არც ბოსტანს უშლიდა და არც ხეხილსა და მწვანისს.

ალექსას მოსწონდა შვილის ნახელავი და ხშირად იტყოდა: რა ვუთხრა ამ დროებას, თორემ განა ცუდია ყვავილები? კარგია მაგრამ, გლეხკაცს იავარდის დრო არა აქვს. ყვავილები მდიდრებისაა, ჩემისთანა გლეხკაცს ედემივით აყვავებული ბაღი რომ აჩუქონ, იმისი შიშით რომ ცოლ-შვილი ხვალე მშვიერ-მწყურვალე დამარჩებაო, ისევ ბოსტნეულს ამჯობინებს. მეც ეგრე ვარ, რა მეყვავილება.

მეორე დღეს ასეთი საუბარი გაიმართა:

— სოფიო, რა უყოთ ამ ბაღსა, გავატანოთ?

-- რა ვიცი, მეძნელება, ჯერ პატარაა და...

— პატარამ უნდა ისწავლოს, თორემა წამოიზრდება და იქნება გაკერპდეს.

— ალექსავ, იქნებ ვერც შესძლოს შორს ყოფნა.

-- მეც ეგ მაფიქრებს... —

საქმე ის იყო, რომ ნათლიამ აიჩემა, გინდა თუ არა ამ ჩემ ნათლულს ჩემთან წავიყვან, მეუხაგირე ვარ და ხელობას ვასწავლი, ლუქმაპურს გაიჩენს, უნაგირის მუშტარიც ხომ ბევრიაო.

-- აბა რა ვიცი, მეძნელება, სიყრმის შვილია და უფრო მეტად მეჭიდება... გულზედ მაგისი შორს წასვლა.

— სოფიო, აბა, ერთი ი ბაღს დაუძახე, იქნება სულაც არ მოიწადინოს იმ უცხო ქვეყანაში წასვლა.

...ბიჭს პერანგის კალთაში სვეტიცხოვლის გალავნის ქვის ნატეხები ჩაეყარა და ძლივს მოათრევდა.

დედამ სიყვარულით მიადახა:

-- შვილო, შენი ნათლია რომ ჩამოვიდა, არ გინახავს?

-- როდისა დედი?

-- დღეს დილასა, შვილო, მაშინვე შენ მოგიკითხა, მაგრამ, აბა რას გიპოვიდი, ბაღლებში თუ იყავი. შვილო, არ წახვალ ნათლიასთანა?

--- სადა დედი?

— სადაცა მუშაობს, შვილო, პიატიგორსკში, წიგნსაც გასწავლის და ხელობასაც.

— მერე, ჩემი ყვავილები? — შეწუხდა პატარა.

— შენ ყვავილებს დედაშენი მოუვლის. იქაც ბევრი ყვავილები ყოფილა თურმე. იქ გზებზედა ნაირ-ნაირი ყვავილები ბიბინებსო, შენ აქ აბა, სად ნახავ იმისთანებსა. მერე, შვილო, ნათლია კარგი ხელობის კაცია და ჩვენსავით გაჭირვებით კი არა ცხოვრობს, ჩაგაცმევს, დაგახურავს, ნაირ-ნაირს გაკმევს და წიგნსაც გასწავლის; აბა შვილო, მამაშენი სიღარიბიდან ვერ ამოსულა, ხუთ-ხუთი ბაღლი ხართ, მეექვსეც მე ვემატები სარჩენადა და ველარას გვაწვდენს, განა მე კი არ მინდა, შვილო, დღეობები რო შოდის, თქვენც ჩაგაცვათ წითელ-ყვითლები. თქვენი ტოლები რო გამეფწყობიან ხოლმე ახალ-ახლებითა, გული მიკვდება; განა თქვენ კი არ მოგიხდებოდათ, მაგრამა, შვილო, გვიჭირს და რა ქნას თქვენმა სამიწე დედამა.

მიხა კი ბევრს არას ფიქრობდა გაჭირვებაზედა და გულისყურითაც არ უსმენდა დედის წუწუნს, ამიტომ რაც გულში ჩარჩა, ის ჰკითხა:

— დედი, იქ მართლა ბევრი ყვავილებია?

— ბევრია, შვილო, ბევრი, შენ გაზრდასა არას გატყუებ.

— ვა-ლა-ლო, ვა-ლა-ლო, დედი, ნათლიას უთხარი მალე წავიდეთ. დედი მართლა, რა ჰქვიან იმ სოფელსა?

-- ის სოფელი კი არა, დიდი და ლამაზი ქალაქია შვილო, პიატიგორსკი ჰქვიან.

-- რა კარგია... ნათლია მალე მოვა?

-- ჰო...

-- დედი, მართლა ბევრი და ლამაზი ყვავილებია იქა?

— ბევრი, ძალიან ბევრი.

-- ჩემ ყვავილებს აჯობებს?

— მაშა, მაშა.

— დედი ღიზასაც წაიყვანო, ალექსასაც, მარიამსაც, ნიკასაც...

— არა შვილო, ნათლიამ მითხრა, მარტო მიხას წაიყვანო. ჩუ, ჩუ, არა-ვინ გაიგოს, ისე გაგამზადებს დედა.

ერთი წლის შემდეგ კი...

— ბაღლო, მე შენ ამისთვის კი არ წამოგიყვანე აქა, შენ უნდა გდიო მთელი დღე? არა შვილოსან, შენ მალე თუ არ აგაბარგე აქედანა, რაღაცა ხათაბალაში გამხვევ, შენგან არაფერი არ გამოვა, მეც მაცდენ და ეგ არი. აბა მითხარ, დღეს სკოლაში იყავი?

— არა.

— რატომ, შორს არის და დაგეზარა? კიდევ კარგია, ყურისძირშივეა, მართლა შორს რომ იყოს, მაშინ რაღას იზამდი ნეტაი. შენ მარტო ეს ოხერა ბიბილეები გიხარიათ, დარბიხარ ამოდენა კაცი და მაგ სატიალე ყვავილებს ელოლიავეები. რა შენი საქმეა ყვავილების მოვლა, ეგ ქალების საქმეა, შენ, შვილო, ჯერ წიგნი ისწავლე, ნასწავლი კაცი იქნები და მერე დამლოცავ; რა სწავლა არ გინდა, ხელებში მიყურე, არც ეს არის საძნელო და ურიგო საქმე; ცბენი ხომ გიყვარს, ჰო და აი, ამ უნაგირის გაკეთებას დიდი ჯაფა არა სჭირდება, ისწავლე და მუშტარიც არ დაიღვეა. ფულიანი საქმეა, ისე იცხოვრებ, რომა, ჩემზე კარგადა.

მიხა კი განა უსმენდა საუბარსა ან ამის ნაქებ უნაგირსა, ერთი ბალახის ღერი, ერთი მოწყვეტილი გამხმარი ყვავილი ერჩინა მთელ ქვეყანასა.

ნაილია ჯავრობდა: ცხრა წლისაა, განაღა პატარაა კაცო, ვიფიქრე ბაღლია, ჩემ ქვეზე გავზრდი, ვასწავლი: წიგნსაცა, ხელობასაცა, ალექსას შევეშველუები, გაჭირებული, წვრილშვილი კაცია-მეთქი, ეს კი დახე რაებს მიშვრება, — არ სწადია. ახლა კიდევ, არსაით გამეპაროს, აქ ყველა მხარესა — ესენტუკში, ელეზნოვოდსკში, კისლაოვოდსკში, ყველგან ბაღები და ყვავილებია; ყმაწვილია, იქნება საითმე გაიტყუოს ამ ყვავილებმა და მაშინა ნახეთ ჩემი უიღბლობა. ამან კი ყველაზე მეტად დააფიქრა ნათლია და ამიტომ მალევე შეეკითხა:

— მიხავ, სახლში არ გინდა წაგიყვანო?

— წამიყვანო კი არა, ნათლიავ, თუ ჩქარა არ წამიყვან, გავიპარები, მარტოკა წავალ იცოდე, მარტოკა. დედაჩემთან მინდა...

ნათლიას შიში გაუმართლდა, გულზე კი მოეშვა, დროზე მიფიქრიაო და საყვედური მაინც არ დამალა:

— რა ვიცი, შვილო, რა ვიცი, აბა რა უნდა გამოხვიდე, მეყვავილე? მეყვავილე აბა რის მაქნისია, რა დაფასება აქვს ხალხშია. არაფერი.

— შენი უნაგირები რაღაა ნეტავი, — გამწარდა ბიჭი და ხმას აუმაღლა.

— უნაგირი, შვილო, სარფიანია, ყვავილები კი დიდკაცობის საქმეა, ეინც ფუფუნებაში ცხოვრობს მარტო ის თუ იფიქრებს მაგეებზედა, აბა, ამ გაჭირებულ დროს, ისიც მცხეთელი კაცის შვილს რა გეყვავილება, კუჭი გეწვის შიმშილითა.

ორი დღის შემდეგ ნათლია ნათლიმამას ებოდიშებოდა:

— ალექსავ, აბა, ჩაიბარე შენი ქვეიანი შვილი, ძან ვეცადე მაგრამა, არა მგონია ამისგანა მეყვავილის მეთი კაცი დადგეს. ამ ერთ წელიწადსა ალივს დავარჩინე, რაც ამას ველოლიავებოდი, მე და ჩემმა ღმერთმა არაფერი დამიკლია, საჭმელ-სასმელი თავპირზე ეყარა; აი, ჩასაცემელ-დასახურიც არ დამიკლია, ყველაფერი გამოუწყე, ბაღლია, გულს დაიყრის-მეთქი. ჩემი დედაცაცი ხომ თავს ევლებოდა, მაგრამ ჩავიყვანე. თუ არა კაცო, ბაღლი გამი-

ვკვდა, იზოდენა ყვავილები რომ დაინახა, დაფეთდა. ნათლიდედ, იქნება არ დამიჯეროთ, ერთი ამომწმარი ქვა-ლორღით სავსე ეზოში ვცხოვრობთ, ამან კიდევა ორ-სამ კვირაში, რაკი ხელი მოატრიალა, სამოთხესავით ააყვავა იქაურობა: რა ვიცი, ან კი სადა ნახა იმისთანა რამეები, თითონ იგონებს აცო, თითონა, მეზობლები სულ გაღამირია, — ეს ბალღი კი არა ანგელოზიაო, მთელი დღე იმ ყვავილებთან იჯდა, ეტიტინებოდა, ეფერებოდა, ერთი შენ გახარებასა, ნათლიდედავ, უნახე ჯიბეებშია რამდენნაირადა აქეს გამოხვეული ძონაქებში სხვადასხვა თესლეული, სკოლა და უნაგირები სულაც არ ეპიტჩავენბოდა.

ორი ილია

— გაიგეთ რა უქნია იმ გასახარელსა? ამისთანა კარგ საქმეს მართო ღვთისნიერი კაცი თუ გააკეთებდა. ამბობენ, სკოლასა ხსნისო, ისიც თავის მამულ-დედულში. ხალხო, იქნება ჩვენი მზეც ამოვიდეს, პა? — სიხარულს ვეღარ მალავდა საგურამოელი ბერიკაცი.

— ამ წინამძღვრიანებმა ძაან კარგი ყმაწვილი გაზარდეს. ხედავთ, თავისი ზვარი დაუთმია სკოლისათვის, ჩვენ ერთი მტკაველი მიწისთვის ერთმანეთს არ დავინდობთ ხოლმე, ძმა ძმას ემტერება, მეზობელი მეზობელს არ შეაწევს. ეს კიდევ... დიდება შენდა ღმერთო, ღვთისნიერი კაცია, მამ ვინ არი? — ამბობდა მცხეთელი ივანე.

— ნერე როგორი ახალგაზრდაა... ზოგიერთი რომ იყოს მაგის ადგილსა, მაგ მამულთ კარგა ლაზათიანად ჩაიტყვევ-დაიხურავდა, და თავადივით ივლიდა, ამას კი ვგეთი რამეების ინტერესი არ უჩანს თორემ... —

— ეს ორივე ილია ერთმანეთს გასჯიბრებიან კაი კაცობაში, ორივე გლეხობის სიკეთეზე ფიქრობს და ზრუნავს. ამ სკოლაში გლეხების შეილები ისწავლიანო... იქნება ამ ჩვენ ფეხშიშველა ბალებსაც ეშველოს პა? — ჩაილაპარაკა მაღალ-მაღალმა, წელში მოხრილმა გლეხმა.

— მამა, მამა, სწორედ აგრე იქნება, დაილოცა ამისი მომფიქრებელი, წვრილშვილი კაცი ვარ, იქნება ერთს მაინც ელირსოს სკოლაში სიარული --- სიხარულით ჩაილაპარაკა მამულაანთ ალექსამაც.

...სახლის აივანზე იდგნენ ილია ჭავჭავაძე, ნიკო ცხვედაძე, ილია ოქრო-მჭედლიშვილი და სხვები.

გვიან დაიწყო მიტინგი... ილია წინამძღვრიშვილი წინ წამოვიდა, ხალხისკენ მობრუნდა და დინჯად დაიწყო ლაპარაკი. ხალხი სმენად გადაიქცა, თვალს არ აცილებდნენ მოსაუბრეს, ლაპარაკობდა გარკვევით, დამაჯერებლად, აუჩქარებლად.

„ბევრს თქვენგანს გააკვირვებს ჩემი მოქმედება, რომ დღეს სამეურნეო სკოლას ვხსნი, მართლა რომ ეს საქმე სამძიმოა. მაგრამ ეს საქმე მე გამაბედვინა ერთი მხრივ იმან, რომ ყოველი მამულისშვილის ვალია შეძლებისამებრ შეეწიოს ღარიბსა და უმეცარს ხალხსა“.

წინამძღვრიანთკარში გვიანობამდე არ დაშლილა ხალხი. ალექსა მამულაშვილმაც კარგა დაღამებულზე ჩამოაღწია მცხეთას. სოფიო კმრის მოლოდინში იყო და აბა რა დააძინებდა, დილით გასული კაცი მთელი დღე არ გამოჩენილა. ათას რამეს ფიქრობდა, ჯავრობდა გულში, თვალი და ყური კი ეზოს კარისკენ ჰქონდა. და, აი, ფეხის ნმაც გაისმა, ქმარს კარზე გამოეგება:

— შენა ხარ?

— მაშ ვინ იქნება? კიბეზე ჯერ ფეხი არ შეედგა, რომ ბავშვივით მიამიტი კილოთი შეეკითხა:

— არაფერს მატყობ?

— როგორ არა, საით იყო ყუყუნა წვიმა? — ტბილად ჩაულაპარაკა სოფიომ, რაკი ნახა ალექსა ნასვამიო.

— ყუყუნა რა სათქმელია და კაი ლაზათიანი კოკისპირული კი გახლდა. სოფიო, დღეს ძან გახარებული ვარ, ძან; აბა, მკითხე რატომა?

— ნეტავი შენა, გადაგიკრავს და იმიტომა.

--- დღესა იმისთანა რამეები გავიგონე, იმისთანა ვინმეებს შეეყურებდი მთელი დღე რომა... ეს სიხარულით მომდის თორემ, აბა იმდენ ღვინოს ვინ გააოხრებდა ჩემთვისა... იმ პურ-მარილზედაც სულ თავკაცები ისხდნენ.

--- მემრე შენ ვინდა მიგიპატივა იმათთანა, ეგ შენი დაკერებული ხალათ-შარვალი თუ მეეწონათ, — გაეხუმრა.

ამ ჭლანებიანებისთვისაც გამოანათებს ერთხელაც იქნება. დღეს ილია წინამძღვრიშვილმა თავის ადგილ-მამულში, თავის სახლ-კარში, თავისი ხარჯათ სკოლა გახსნა. იქ ყველას მიიღებენ, ყველას შეუძლიან ისწავლან. შეგირდები იქვე იცხოვრებენ, თან იმუშავებენ და თან ისწავლიან. იქნება ახლა ნაინც ეშველოს ჩვენისთანებსა, ჰა?

--- კარგი საქმეა ალექსავ, თუ ეგრეა...

--- ეგრეა მაშ... ჯერ გამოაცხადეს იმ სკოლის ამბავი, მემრე ცხრა მუხის ქვეშ მიიწვიეს სტუმრები, იქ გაუშალეს სუფრა. ილია ჰაეკავაძე მალი-მალ გადმოგვზნდავდა, სულ ჩვენსკენ ეჭირა თვალი და ყური. მემრე აავსო ჰიჭა და ჩვენსკენ წამოვიდა. იმას ვენაცვალე ვაეკაცობაშია, რომ დავინახეთ ჩვენსკენ მომავალი, ერთი მაშინ გეყურებინა ჩვენთვისა. აბა, გენახა როგორ წამოვიშალენით, ჭუღები მოვიძრეთ და საით გადავყარეთ ვილას ახსოვდა, პირდაღებულები შეეყურებდით. აი, რაც გულში გექონდა, სულ მკითხავივით გველაპარაკა.

სოფიო, ეს საიდანღა იცოდა ნეტავი: ალოში გუთნისდედას მეტს არგუნება ხოლმე, ვიდრე მეხრესაო, ეს იმიტომაო, რომ გუთნისდედა მცოდნეა და მხერე კი — არაო. ურმის მკეთებელი უფრო მეტად ფასობს მოჯამაგირედ რომ დგება, ვიდრე უბრალო მუშაკაციო, იმისთვისაო, რომ ურმის ხელოსანი მცოდნე კაცია და უბრალო მუშა კი — არაო. აი, ამისთვისაა ცოდნა აუცილებელიო. მაშა, ნასწავლი კაცია და ყველაფერი იმისთვის იცის. კაცო, ცოდ-

ნა იმისთანა რამეა, რომა, სადაც არ უნდა წავიდეს — თან დასდევსო. არც ხარკი უნდა და არც ბარგიო. ვერც ვინ მოჰპარავს და ვერც ვინ წაართმევსო. ცოდნა ჩნალზედაც უფრო მეტად სჭრისო, ზარბაზანზედაც უფრო ძლიერიაო, ცოდნა დიდი მადლიანი სიმდიდრეაო, სხვასაც არგებს და თავისთავსაცაო. აბა, მე ყველას დავიხსომებდი? ნეტაი შენც იქა ყოფილიყავი და შენი ყურით გაგეგონა, შენი თვალით გენახა — ნანობდა ალექსა. დედამიწის გულში უღევი სიმდიდრეა, ხელი გაანძრიე და იპოვიო.

— ალექსავ, იმ სკოლაში ყველას მიიღებენ?

— ყველასა, მაშა.

— მემრე რა მოხელე გამოვა?

— ის მოხელე გამოვა რომ, სოფლის საქმიანობის ავან-ჩავენს ისწავლის, ნასწავლი მეურნე იქნებაო, რასაც უსწავლელი კაცი ათ საყენ მიწაზე ვერ მოიყვანს, ნასწავლი კაცი სამი საყენი მიწის მოსავლით იცხოვრებსო.

— მაშ თუ აგრეა, ე ჩვენი ბაღლი რო წაიყვანო იქა, ურიგო იქნება?

— რათ იქნება ურიგო, თუკი ისწავლა.

...და სწორედ მეორე კვირას, ხუთშაბათი დღე იყო, ალექსას ხელა ჩაეკიდა მიხასთვის და წინამძღვრიანთკარის ეზოში შეიყვანა. ვინც პირველად შეხვდა იმას შეეკითხა:

— ემ სკოლის დირექტორი სად იქნება?

— აი, ძიავ, აქეთ რომ მოდის, ის კაცია, ილია ჰქვიან, გვარად კი წინამძღვრიშვილია.

— ეგ კი ვიცი შვილო, განა პირველად მესმის მაგისი გვარი და სახელი?

შეჯვუფებულ მოსწავლეებს ახალგაზრდა, ოცდაშვიდი თუ ოცდარვა წლის ტანმორჩილი კაცი მიუახლოვდა, შეგირდები მასწავლებელს მოერიდნენ, სტუმარი კი წინ შეეგება და ალექსამ დაასწრო:

— გამარჯობათ, ილიავ!


— გაგიმარჯოთ ღმერთმა, რა გაგპირვებით, ვისთან მოსულხართ, სადაური ხართ, ძია კაცო? — ტკბილად ჩაჰკითხა უცნობს და ბავშვი შეათვალიერა.

— მცხეთიდანა ვართ, ცოტაოდენი სალაპარაკო მაქვს თქვენთანა, შეიძლება?


— მობრძანდით, — და წინ გაუძღვა, ქვის კიბეებზე ავიდა, გრძელი ღერეფანი გაიარა და ერთ პატარა, სუფთა, ნათელ ოთახში შეიპატიჟა. მასპინძელმა მათ სკამი შესთავაზა. ალექსამ მაშინვე ქუდი მოიძრო თავიდან; მიხამაც პატარა ნაბღის ქუდი ხელში ჩამუჭა და განცვიფრებული, ხან მამას შეჰპურებდა და ხან უცხო კაცს.

— აბა რა გიპირთ; ეს ყმაწვილი თქვენია?

— დიახ, ჩემი შვილია, აი, ამის თაობაზედა ვარ წამოსული; ერთი საწყალი წვრილშვილი კაცი ვარ; მართალი გითხრათ, ძაან მიჭირს ოჯახის რჩენა, მაგ-



დემონსტრაციული კალათა ვარდებითა და ჰიზანთეზებით



პარლ უმპვილუბის გვარდით ვაზიც ბაზულაბულა

რამ ამ ბაღს სექციებში საგონებელში ჩამავდო, არაფერი ხელობა არ ეინტერესება, მარტო ყვავილებია ამის სიხარული; მთელი დღე იმაზე გადაგებული; დაძვრება კლდე-ღრეშია. იქნება თქვენთან ივარგოს, კვიციანი ბაღია.

ილია სკამიდან წამოდგა, ბიქს ხელი მოკიდა, ფანჯარასთან მიიყვანა და თვალწვედნელ ბაღში გადაახედა.

— აბა ვახედე, რამოდენა ბაღი და ეზო-ყურე გვაქვს!? ეს სულ თქვენი სკოლისაა, ვაზიც ბევრია, ხეხილიც მრავალგვარი, მარანიც დიდი გვაქვს. ვარდ-ყვავილებს ხომ ნულარ იკითხავ. თუ გიყვარს, სწორედ შენი საფერი ყოფილა ეს სკოლა; ფუტყარიცა მყავს, ყველაფერი.. ყველაფერი, რასაც ენა და პირი იტყვის და ისურვებს; არ მოგწონს განა?

— რატო არა, — გაბედულად ჩაულაპარაკა პატარამ.

— დარჩები აქა? ამხანაგებიც გეყოლებიან, განა მოგეწყინება — მერე ალექსას მოუტრიალდა და, — მამულაშვილო, ამ ბაღს მე დავიტოვებ, შენ კი ნმვიდობის გზა გქონია, არა იჯავრო რა, ვითომ სახლში გყოლიათ, მგონია ივარგოს და გული დაუდოს, არა და მცხეთამდე დიდი მანძილი არ არის.

— მაძი, ჩემ ყვავილებს წყალი დაუხსით, მიწა არ გაუშრეს ძალიანა.

— არა, შვილო, დედაშენი ხელს არ მოაკლებს, არ იჯავრო, — ტკბილად ჩაულაპარაკა.

— აბა ილიავ, თქვენ განარებასა, პატარაა და არსაით გაგეპაროთ.

— ნუ გეფიქრებთ, ამას იმისთანა რამეებს ვაჩვენებ, იმისთანა საქმეს მივეჩვენ, რომ, მგონია მცხეთაში ჩამოსვლაც კი გადაავიწყდეს.

• • •

...იმ დღიდან დამეგობრდნენ მასწავლებელი და მოწაფე. თითქოს, სულმა სული იცხო; ბევრი საერთო გამოინახა ამ ორ ადამიანში. ამისთანა გულისყურისანი და შრომისმოყვარული ყმაწვილი ბევრი არ ეგულებოდა ილიას. სწავლათაც კარგად სწავლობდა და შრომითაც ყველას ყურადღებას იქცევდა. მოუღლელსა და ხალისით სავსე ყმაწვილს, მასწავლებლები ხომ სულში იფრენდნენ. დინჯი, სერიოზული, სიტყვაძვირი და საქმიანი, მცენარისა და ყვავილის მესაიდუმლე გახდა. იმისი ხელით დარგული ნერგი და დამყნობილი ხე ერთითად იქცეოდა ხოლმე. მასზე მინდობილ საქმეს აღარც მასწავლებლის თვალ-ყური სჭირდებოდა და არც შემოწმება. რასაც ხელს მოჰკიდებდა და ითავებდა, ისე გააკეთებდა, რომ მასწავლებლებიც და მოსწავლეებიც განცვიფრებაში მოჰყავდა.

ამ სკოლაში უფრო გაუღვივდა ყვავილების უსაზღვრო სიყვარული. ილია წინამძღვრიშვილი ამბობდა: ამისაგან დიდი ადამიანი უნდა დადგესო, ამ ყვა-

ვილებმა უნდა აამაღლოს ცამდე, ამ შრომამ უნდა გახადოს საქვეყნოდ ცნობილი.

• მიზას იმ დღიდან თითებზე მიწა არ მოსცილებია, იმ დღიდან მიწისკენ იყურება ერთთავად.

წინამძღვრიანთკარის სამეურნეო სკოლაში მოსწავლე თეორიულ ცოდნას პრაქტიკულად იყენებდა. იქვე იყო თვალუწვდენელი ვენახი, ზეარი, ხეხილის ბაღი, ქვევრ-მარანი, სხვადასხვა მცენარისათვის გამოყოფილი სანერგეები. კვალსატბურები, სახელოსნოები და ყველაფერი, რასაც მეურნეობა ითვის-წინებდა.

ილია წინამძღვრიშვილი ისე ზრუნავდა, როგორც მამა საკუთარ შვილებზე. და განა მოსწავლეებს მარტო თავის სკოლაში ეხმარებოდა, განა მარტო იმხანად გრძნობდნენ მისგან მშობლიურ სითბოსა და ამავს. თუ გვონიათ იტყოდა: მე ჩემი ვალი მოვიხადე; დაამთავრე და საითაც გენებოს იქით წადიო; არა, ის სულ სხვა მასწავლებელი იყო; მას სულ სხვა გული და გრძნობა ჰქონდა; ის თავის მოსწავლეებს მერეც პატრონობდა; თვითონ თავისი ხარჯით მიჰყავდა სწავლის გასაგრძელებლად სხვადასხვა ქალაქში. მიხამამულაშვილმა ერთი წელიწადი ისწავლა წინამძღვრიანთკარის სასწავლებელში, მას საოცარმა ნიჭმა გაუხსნა გზა თბილისისაკენ.

ილიამ თვითონ ჩაიყვანა მიხა თბილისში და საბაღოსნო სკოლაში მიაბარა. არც ამის შემდეგ შეუწყვეტიათ მათ მეგობრობა. უფრო დაუახლოვდნენ ერთმანეთს, მეტი საერთო ნახეს და უფრო მეტად შეუყვარდათ ერთმანეთი. სისტემატური მიწერ-მოწერა ჰქონდათ.

როგორც კი მცხეთაში დაინახავდნენ მეზობლები, მოსვენებას არ აძლევდნენ:

— მიხავ. შვილო, შენ გახარებასა, პანტის ხეზედა ერთი კაი ჯიშინი მსხლის ტოტი დაგვიმყენე.

— შვილო, შენი ხელით დარგული მალე გაიხარებს ხოლმე, გაღმოდი ერთი, ჩაგვირგე რამე ამ გადამხმარ ეზოში.

მიზაც განა დაიხარებდა. ჯიბით დაჰქონდა სასხლავი მაკრატელი და სამყნობი დანა: სადაც წაასწრებდა თავისას თუ სხვისას, უშნოდ გაბარდნულ ხეხალსა თუ მწვანე ნარგავებს, ყველაფერს ალამაზებდა თავისებურად, დიდი გემოვნებითა და სიყვარულით. პატარა იყო, მაგრამ, უფროსებიც და უმცროსებიც დიდი პატივისცემით შეჰყურებდნენ. ხალსსაც უყვარდა. ახლავე ფუტკარივით მშრომელია ეს ბალღი და მერე რაღა იქნებაო, — იტყოდნენ ხოლმე. ყველა გაკვირვებული იყო.

ახლა სოფიო და ალექსა აღარ ჯავრობდნენ:

— ამ ბალღის ბედ-იღბალი ყურისძირშივე ყოფილა და ჩვენ კიდევასხვაგან. შორს დავეძებდით.

... ეს თავისი მასწავლებელიც რომ ეგრე დაუმეგობრდა!?! ძან კი უყვარს და ემადლიერება, ძლიერ კარგი ყმაწვილი გეჭრდებაო.

თბილისის საბაღოსნო სკოლაში სწავლისას დიდი ყურადღება მიიქცია მამულაშვილმა. სასწავლებლის ბაღშიც თავისი სასწაულებით აალაპარაკა ყველა. ამიტომ იყო, რომ, როგორც განსაკუთრებული ნიჭით დაჯილდოებული, სასწავლებლის უფროსმა გადაწყვიტა მიხას გაგზავნა ვარშაის საშეურნეო აკადემიაში.

აქ კი მამულაშვილს ბედმა არ გაუღიმა; გასამგზავრებლად გამზადებულს, სწორედ იმ დღეს დეპეშა მოუვიდა — მამა გარდაიცვალაო. აპრილის თვეში მამა დასაფლავა და ივნისის თვეში — დედა. მწუხარებამ თავგზა აურია მიხას. წასვლას ვინდა ჩიოდა, ასე ხელმოკლე ოჯახისათვის ორი აღამიანის დასაფლავება ადვილი ხომ არ იყო. უფროსი მიხა იყო. დანარჩენები იყვნენ საკითხავები; რა უნდა ექნათ ამ დასაზრდელებს, ხუთი და-ძმანი დაობლდა. ვალიც დიდი დაუტოვეს მშობლებმა.

სწორედ ამ ვალმა გაღუნა წელში ოჯახის უფროსი ვაჟიშვილი. ახლა სხვა საზრუნავიც დაემატა. ოჯახი დაინგრა, და-ძმანი დაიფანტნენ, გამოიქცა მამულაშვილების სახლ-კარი.

საბაღოსნო სასწავლებლის უფროსმა მიხა თბილისში მოაწყო მებაღედ-მეფისნაცვლის გალიცინის ბაღში (ახლანდელი პიონერთა სასახლის ბაღი). ბაღშივე ცხოვრობდა. ჯამაგირი ოთხი თუმანი დაუნიშნეს, ეს იყო და ეს. დაიწყო უფრო გაჭირვებული ცხოვრება. მებაღე მცენარესა და ყვავილებს თავს ევლებოდა, როგორც ჩვეოდა, დიდი სინაზითა და სიფრთხილით, მაგრამ განა ეს ეყოფოდა?

ბაღში ხშირად იმართებოდა ლატარია და სახალხო სეირნობა. შემოდდიოდნენ ყოველნაირი ხალხი — ბედნიერებიცა და უბედურებიც, მშვიერებიცა და მაძღრებიც.

მიხას გულს კი ადვილად აბა რა გაახარებდა, გლეხის მარჯვენას ფასი არა ჰქონდა და გულშივე იკლავდა ამ უსამართლობას.

ჰამის სიტყვები კარგად დაამახსოვრდა: — ყვავილები მდიდრებისაა, გლეხკაცს რა ეყვავილებო. ხშირად ჩაფიქრებული დადიოდა ტანაყრილი მუხებისა და ვერხვების ქვეშ; წუხდა ყმაწვილი, ნატრობდა: ნეტავი იმას ვინც იმ ღროს შეესწრება, როცა მშრომელის მარჯვენა დაფასდება... თანაც კარგა მოზრდილი იყო და დაოჯახებულადაც ფიქრობდა, ერთი ქალაქელ-გოგო ჩაუვარდა გულში და მოსვენებას აღარ აძლევდა მასზე ფიქრი. აი, იმ დღესაც მოსიერნე ხალხში კარგა ხანს უთვალთვალა მის გამოჩენას, ნახა და გაიხარა.

— მე და შენ ღმერთმა გვაპოვნინა ერთმანეთი, მაგრამ ეს ჩემი ურჯულო უფროსი რომ დიდ უარზეა ისევა!

— უარზეა?

-- უარზეა, მაგრამ შენ ნუ ინაღვლებ, შენთვისა ბალსაც მივატოვებ და ჯამაჯირსაცა.

— მერე სად წაგვესვლება, ორივე ობლები ვართ, სარჩენები კი ღმერთმა გვიმრავლა.

— მშიერი არაეინ მომკვდარა, მარჯვენა მაქვს და...

— მიხავ, იქნება ტკბილი სიტყვით დავითანხმოთ; შევეხვეწოთ.

— შევეხვეწო? აბა, ეგ როგორ მითხარი, ახლა კი ძაან გამაჯავრე... ეგ არ იქნება ჩემგანა. გაიგო თუ არა, რომ ცოლის თხოვას ვაპირებდი, ქვა ააგდო და თავი შეუშვირა: ეგ რომ ცოლს ითხოვს, აქაურობა სულ ამიოხრლებო; განა იმდენსა ფიქრობს ეს ვითომ ნასწავლი კაცი, რომ ადამიანი, როცა გულდინჯად იქნება, უფრო მეტი თვალი და ხელი ექნება ბალსა. აბა, იმ შაბათისათვის მზად იყავი, — მტკიცედ უთხრა და შუქიან თვალებში ჩახედა გოგოს.

მეორე შაბათს კი ისე გაიპარა ბალიდან, რომ ბალის პატრონს კი არა, ყარაულსაც არაფერი გაუგია. ერთი კვირის შემდეგ მეფისნაცვალს მოახსენეს: -- თქვენმა მებაღემ, მიხა მამულაშვილმა თავისი გაიტანა და ჭვარი დაიწერაო.

სიძეს ხელზე თორმეტი თუმანი გაჰყვა. ორი კვირა არა უშავდათ. მერე იყო სიკითხავი. ბალიდან გამოყოლილი შემოელიათ და ამის შემდეგ რაღა უნდა ექნათ ახლად ჭვარდაწერილებს.

ერთი მხრივ, დამშვიდდა, გულისტოლი რომ გვერდითა ჰყავდა, მაგრამ განა მშიერი პატარძალი საამო სანახავი იქნებოდა? დამხმარეც არაეინა ჰყავდა, არსად არაეინ ეგულებოდა, სახლში მისვლა ეხათებოდა, გულში კი ამბობდა: ვაი დედასა, რა დროა, ახლად ჭვარდაწერილთანა ცარიელა ხელით მ-გესვლება სიძესა? ვაი სირცხვილო, ვაი შენ, ჩემო თაო, — რა უხეირო დროებაა. — სწუნდა. ცოტა ხანს კი დარჩენენ ქალაქში და მერე მცხეთას მიაშურეს — იქ დაბინავდნენ. მიხას და მამოს როგორ დაავიწყდებათ ის გაკირვება და ის მადლიანი გაზაფხული, როცა მამულაანთ კარს, ხურვალეთიდან ხორბლით დატვირთული ურემი მოადგა. მეურმემ ოჯახის უფროსი იკითხა და პატარა ბარათი გადასცა:

„საყვარელო მამო და მიშა!

ძალიან შეუშინებხართ სიღარიბესა; ნუ გეშინიანთ, არც ამ გაკირვებაში მიგატოვებთ და დაგივიწყებთ. გული არ გაიტეხოთ, ახალგაზრდები ხართ, გიჯზავნით ერთ ურემ ხორბალს, ჭერაჭერობით იმყოფინეთ, შემდეგ კი ღმერთი ან კაცი ისევე მოგეშველებათ.

თქვენი მოსიყვარულე ნუცა უზნაძე“

წერილი და მოსაკითხი რამდენად სასიხარულო უნდა ყოფილიყო გაკირვებულ ოჯახისათვის, ამას თვითონ მიხვდებით. ძმა ძმისთვისა, შავი ღლისთვისა, — ტკბილად ჩაილაპარაკა მამომ.

— აკი გითხარი, ესენიც ჩვენისთანა საწყალი გულისანი არიან, თუკი რამე აქვთ, არას დაიშურებენ.

შემდეგ კი ოჯახის უფროსმა, მცხეთის ბოლოს, არაგვის ნაპირზე მიწა შეიგულა, ძმებმა ვალითა და ვახშით იყიდეს. დაიწერა თამასუქი, მყიდველი მოვალე იყო მიწის საფასური თანხა ნაწილ-ნაწილ, ნელ-ნელა ეხადა.

აი, მაშინ დაიწყო ნარეკავში ბალის გაშენება. ძმები ისევ ერთად შეიკრიბნენ. ცოლები მოიყვანეს, მეზობლებმაც ხელი მოახმარეს, ჭირკვებითა და ქვა-ლორღით სავსე ქალა ნელ-ნელა გაიწმინდა ეკალ-ბარდისაგან.

დაიწყო ახალი ცხოვრება, ახალი სიცოცხლით და ახალი ხალისით. მაშისა და მიხას ახლა შვილებმა გაუხარეს გული. მაშომ სამი შვილი აჩუქა მიხას. მშობლების სიხარულს საზღვარი არა ჰქონდა, გამოცოცხლდა მიძინებულს კერა, ახმაურდა ეზო-ყურე.

ნარეკავის ქალა ნელ-ნელა ბაღნარად იქცა. ოჯახი წელში მომაგრდა და შვილებიც წამოიზარდნენ.

თვითონ ბევრი გაკირვება და უბედურება ენახათ და შვილებისათვის ეს გზა ენანებოდათ, და აი, მიხელი, სიყრმისშვილი საშუალო სასწავლებლის დამთავრების შემდეგ გერმანიაში გააგზავნეს სასწავლებლად. ბერლინის გარეუბანში — დაღემში დაამთავრა მან მეცნიერების ინსტიტუტი.

პელაგია ლენინგრადში, ბიოლოგიურ ფაკულტეტზე სწავლობდა, მცენარეთა გენეტიკის განხრით, შემდეგ კი იქვე გააგრძელა სწავლა სამედიცინო ინსტიტუტში. უმცროსმა ვაჟიშვილმა გიორგიმ, გერმანიაში — მიტვადის ტექნოლოგიური ინსტიტუტი აირჩია.

ასე დაიფანტნენ მამულაანთ ოჯახიდან ახალგაზრდობა, შემოიარეს მთელი ევროპა; ნახეს და ისწავლეს თორემ, განა დიდი ხნით გული გაუჩრდებოდათ სადმე: — მცხეთური მიწა, მამაპაპისეული კერა, ჯვარი და სვეტიცხოველი, ზედაზენი და ბებრის ციხე, არაგვისა და მტკვრის სანაპირო, განა ადვილად დაეთმობოდათ?

ფერმილული ყვავილები

— შე საცოდავო, შე უბედურო, ვისმა მარჯვენამ გაგიმეტა, ვისმა ბორცმა სელმა მოგისპო უდროოდ სიცოცხლე; რა შეუბრალებელია ზოგიერთი ადამიანი, განა რაიმე გაუფუჭე? — ჩურჩულებს დაღონებული მებაღე და ვარდის ბუჩქზე დაკიდებულ მოტეხილ ტოტს შეჰყურებს.


მოხუცი მზრუნველი ხელით აგროვებს დაზიანებულ და ჩამოტეხილ ტოტებს, დაცვენილ ყვავილებს, ფოთლებს. საღამოს, როცა ბაღში ბილიკებზე ფეხის ხმა მიწყნარდება და ზედაზნის ტყიდან ბინდი შეეპარება ყვავილნარს, როცა მეზობლებ-მეგობრები „ღამე ნებისას“ უსურვებენ, მებაღე და მასი ქალიშვილი მართო რჩებიან, მოხუცი გრძელ მაგიდას მიუჯდება, წინ დაიწყობს ნაირ-ნაირ ყვავილებს, ფოთლებს, რტოებს; გააღამაზებს, გადაარჩევს და მათთვის საგანგებოდ შერჩეულ დიდ წიგნებში ჩაასვენებს, ჯერ იქ ინახავს, ზორმას მისცემს, გაახმობს და შემდეგ კი... სხვა გზას უჩვენებს, ვის რა ბედი ეწვევა, ეს უკვე მებაღის სურვილზეა...

იქვე აწყვია დიდი ალბომები სხვადასხვაფერისა; შიგნითა ფურცლები ზოგი თეთრია, თოვლივით თეთრი, ზოგი სპილოს ძელის ფერია, თითები კი ფრახილად, თითქოს ეპარებაო, ფრთხილად ეხება და არჩევენ მათ.. მამა-შვილი უხმოდ, უსიტყვოდ ჩაჰკირკიტებენ, განიცდიან, ხან უზომოდ უხარიათ და ერთმანეთს გამოელაპარაკებიან, ხან კი დუმილს არჩევენ... მაგადაზე გაბნეულია უნწმომოცილი, კისერმოტეხილი, ქარისაგან მოწყვეტილი, წვიმისაგან დაუეცილი ყვავილები. არჩევენ და შემოქმედებაც აქედან იწყება. ეს შესანიშნავი კომპოზიციები ხმელი ყვავილებისა, მხოლოდ ღამის მყუდროებაში ექმნება. ხანდისხან თუ დაარღვევს სიჩუმეს მებაღის ქალიშვილი:

— მამა, მოგწონს? — და სპილოს ძელისფერ ალბომის ფონზე გაბნეულ, ჩინური ვაშლის წვრილ-წვრილ ყვავილებს აჩვენებს.

მოხუცს ანკვიფრებს და უხარია პელიკოს მაღალი გემოვნება და ფანტაზია. სიხარულს ვერ მალავს.

— კარგია, შვილო, კარგია, — ტკბილად ეტყვის გულგახარებულნი. ორივე ჩუმად, უთქმელად მუშაობს, თითქოს ერთმანეთს ეჭიბრებიან.



მებალის სახლ-მუზეუმის კედლებზე სხვადასხვანაირი კალათებია ჩამოკიდებული.
კალათებში დღემიღეული, ფერმიღეული ყვავილები აწყვია.

არა, მებალეს უნდა შვილმა აჯობოს, მისი ნახელავი უკეთესი გამოვიდეს;
მალიმალ გადახედავს შვილს.

მებალეს უამრავი ყვავილები აქვს წიგნის ფურცლებში ჩატანებული და
განა მარტო ყვავილები? — რტოები, ხაფები, ფოთლები, ბალახები ველისა,
მთისა, ზალისა; ის ჯერ ასე გაამზადებს, გააშრობს და შემდეგ ახამებს ერთი-
მეორეს: ალამაზებს და ხატავს მათ.

განა მარტო მიწაზე იცის ცოცხალი ყვავილებით ხატვა. გამხმარი ყვა-
ვილებითაც კარგად მუშაობს. წინ უწყვია „საშენი“ მასალა, ყვავილები,
ალბომები, წებო და... თოვლივით თეთრი ალბომის ფურცლებზე ხან საუცხოო
სურათებს ხატავს, ხან კი ბარათების თავსამკაულებს ამზადებს.

— მამა, არ მოგწონს? — დაარღვევს ხოლმე მყუდროებას ისევ პელიკო.
მამა, ახლოს მიდის, დახედავს იაპონური ვაზის წვრილი, ძალიან წვრილი
რტოებისა და ფოთლებისაგან შესრულებულ შესანიშნავ ნახატს შემოდგომის
ფერებში, ხავსის რტოზე განლაგებულ მხვიარა ვარდებსაც გადახედავს —

ნაცრისფერი ავშნის ტოტებით რომ დაუმშვენებია და კმაყოფილებით ეტყვის: ძალიან ლამაზია, საუცხოოა ეს მარწყვის ფოთლებიც ჩემებურად წაღმა-უკულმა რომ ჩაგიკრავს თავისი წვრილი ტოტებით; ახლა კი შენ მაჯობე, ნამდვილად მაჯობე, — ეხუმრება შვილს.

ყავისფერ ფონზე ხავსია გაშლილი. ზედ ლამაზადაა განლაგებული მინდვრის ყვავილები. მებაღეს ძალიან უყვარს მთისა და ველის ყვავილები. ამიტომ, საითაც არ უნდა იმოგზაუროს, ცარიელი ხელით არ დაბრუნდება. ის ამ ალბომებისა და ბარათებისთვის უფრო მეტად მინდვრის ყვავილებს იყენებს.

• ალბომები ყვავილების მეორე სამყაროს ქმნიან. ალბომიც ბალია. აქაც თავისებურ სურნელებას გამოსცემენ, როცა ხმებიან. მებაღეს განსაკუთრებით უყვარს ხმელი ბალახის სურნელება, ამიტომ მის ოთახში ბევრია გამზმარი ყვავილი და მცენარე.

სტუმრები განცვიფრებაში მოდიან, როდესაც ხმელი ყვავილების ალბომებსა და შუშის ქვეშ მოქცეულ საუცხოო სურათებს ათვალიერებენ. ზოგიერთ ყვავილს შენარჩუნებული აქვს თავისი ფერი და ისე ცოცხლად იყურება, რომ ხანდახან დამთვალეირებლები სუნსაც უსინჯავენ. ქალები ხომ ალტა-ტებსა ვერ ფარავენ:

რა კარგია ამისთანა საკაბე, რა შესანიშნავია ასეთი ყვავილებით რომ დაიჩითოს ზაფხულის საკაბე...

მამა-შვილმა ყვავილებისაგან შესრულებული სურათები, ნახატები აბრე-შუმზედაც გადაიტანეს; შესანიშნავი, საუცხოო სანახავი იყო, სხვადასხვაფერის აბრეშუმზე შესრულებული კომპოზიციები. ამის შესახებ მრავალი შთაბეჭდილება ჩაიწერა ალბომებში:

აი, რას წერენ უზბეკეთის საფეიქრო კომბინატის მხატვრები: „ვნახეთ აბრეშუმზე შესრულებული ჰერბარიუმის განსაკვიფრებელი კოლექცია, ყვავილების ხლორთების, ფონების ასეთი გემოვნებითი გამა არ გვინახავს არც მუზეუმებში, არც გამოფენაზე.

ჩვენ, საფეიქრო კომბინატის მხატვრები, ჩვენი კავშირის ყველა ფაბრიკის მხატვარი ძალიან დიდი მადლობელი ვიქნებით, თუ თქვენ შექმნით ალბომს ფერადი რეპროდუქციებით. ეს იქნება უმდიდრესი სახელმძღვანელო საქსოვი ფაბრიკის ყველა მხატვრისათვის“.

მხატვრის ამ „სახელოსნოში“ იქმნება ყვავილების ჰერბარიუმი. მებაღეს განსაკუთრებით უყვარს ღობე-წნულები, ლასტები, გოდრები, კალათები, აგერ საწერ მაგიდას მაღალი სოფლური წნული ღობე აქვს შემოვლებული. მაგიდის ნათურაც წნულ ფეხზეა შემდგარი, წნული ქუდითაა დამშვენებული. იქვე, მარცხნივ, კედელზე ჩარჩოში ხმელი ყვავილებისაგან შესრულებული საუცხოო პეიზაჟია — მინდვრის ურო-ბალახი და ველური ყვავილები ისე ცოცხლად იყურებიან, თითქოს ოცი წლის წინათ გაკეთებული კი არა, აი,



Կի՛մ քեզից և լսե՛ր!
Ձեռքդ տվի՛ն ինձ,
Ձեր ձեռքը պահարկ ինձ համար...
Կի՛մ և քիչ և թշնամի լինե՛լուս
քեզից, որ ինձ և ինձ համար,
որ ինձի ձեռքը ձեր ձեռքից չի
կտրվի.

Կամ ինձ թ թանկ

Կի՛մ ինձից



წაშვივსყვეთ ვინაღვი!
მთელსავეთ რაძიყვან რაყს.
რესსხეოთ მღვარ ჟამიქ
ღვინა ქიან. ხარხან ზაყითარ რაყი.
თქინა მსიყვმე
მიხარ მაყარჭვი



ხმელი ყვავილების თაიგული



ალგომის ფურცელზე ამეტყველებული ხმელი ყვავილები

სულ ახლახან „დაუხატავთო“. იქვეა უამრავი, უთვალავი წერილები, ღია ბარათები, უცხოელი სტუმრებისაგან დატოვებული სადარბაზო ბარათები, საჩუქრები, სხვადასხვა ქვეყნიდან სხვადასხვა ენაზე მინაწერი; წერილები კი ვისგან არაა, საიდან არაა; ვისაც ერთხელ მაინც უნახავს ამ ბაღის ჯადოსნური სილამაზე, შორიდან ესიყვარულება, შორიდან ემუსაიფება მეზღეს, — როგორა ხართ, შენი ყვავილები როგორ არიანო.

იქვეა, ფანქრები, საწერ-კალამი. შაგიდის მარჯვნივ დიდი ტახტია, რბილი; ძველებური ხალიჩით. ტახტზე ჩიტის ბუდეა, შიგ ქრელი კენკები ჩაუწყვია მეზღეს; კედელზე სხვადასხვანაირი კალათებია ჩამოკიდებული, ოთახის მარცხნივ, კუთხეში, ქართული, ძველებური ბუხარია, ბუხარია წინ ნაირნაირი კუნძებია — მუხისა, თელისა, რცხილისა, როცა ზამთრის პირი მოატანს, მოხუც ძალიან უყვარს ამ ბუხართან ჯდომა; ნაძვის ტოტებს შეანთებს და ერთი მაშინ გაჩვენათ იმისი სიხარული, ბუხრის ხმაურზე, ცეცხლის ტკაცუნზე გული უტოცხლდება, უფრო ახლოს იწევს ცეცხლისკენ, ხელებს ითბობს და ოცნებას ეძლევა.

მარცხნივ, შუა კედელზე, მეზღის ყველაზე საყვარელი ადამიანების სურათებია: ილია წინამძღვრიშვილის დიდი სურათი ჩარჩოდან დაპყურებს თავის ნოწათის შემოქმედებას, მნახველს იქიდან უთვალთვალებს — აბა, ვის რა მოეწონებაო. სურათის ქვეშ თრიშლის ტოტები გადაუხლართავს. იმის გვერდით კი ილია ჭავჭავაძის სურათია. რამდენჯერაც იმ ოთახში შეაბიჯებს მოსუტი, იმდენჯერ ცოცხლად წარმოუდგება ამათი სახე. მოწიწებით და თავყანისცემით ეპყრობა ამ სურათებს.


...1919 წლის 3 მაისს, დილით, ილია წინამძღვრიშვილი მიხეილ მამულაშვილს მცხეთაში ესტუმრა. მუშაობაში გართულ მიხეილს შეუმჩნევლად მიუახლოვდა იგი და ვარდის ბუჩქთან დახრილს, მხარზე ხელის შეხებით მიესალმა. მიხეილი სწრაფად წამოდგა და ის იყო ხმამაღლა აპირებდა სიხარულის გამოხატვას, რომ ილიამ ჩაუჩურჩულა...

— ჩუ... ნურაფერს იტყვი, მე განგებ არ დავიღრვიე საუბარი, ყვავილებთან რომ გავიბამს. მეც ცოტა ხნით დამატკებ მათი სმენით — უთხრა ილიამ მასპინძელს და წალკოტის მყუდროებაში ჩაიძირა.

დიდხანს დადიოდა ბილიკებს შორის, ყოველ ხესთან, ბუჩქთან ჩერდებოდა. მიხეილი ალტაცებით შეპყურებდა ამ სურათს და ტკებოდა თავის ბაღში მასწავლებლის ხილვით.

ბოლოს სახლში შევიდნენ. კარგა ხანს ისაუბრეს; მასწავლებელს უხაროდა. რომ მისი მოწაფე სასარგებლო საქმეს აკეთებდა—ყველა გლეხკაცს რომ ასე ჰქონდეს თავისი კარ-მიდამო დამშვენებული, მაშინ ევროპის ბაღებს უკან ჩამოვიტოვებთო, — ალტაცებით თქვა მან.

...და როცა ბაღში, საცალფეხო ბილიკზე ფეხის ხმა მიწყდება, კიბის საფეხურზე ჩამოჯდება მოხუცი და ელოდება — როდის აინთება ოთახში სინათლე; თავისი ჯადოსნური ბაღიდან აიტანს ყვავილებს და ჯადოსნური თითებით ყველას შეეხება — ფერმიღებული, მიმკვანარი ყვავილები იწყებენ მეორე სიცოცხლეს...



ამ კალათში კი ჩხარის ტოტები და გამხმარი კატუსებია.

დიახ, ამ ოთახში ღამღამობით, მხოლოდ ღამღამობით მიუჯდება მაგიდას თმა-წვერ გათეთრებული, წელში მოხრილი მოხუცი და ხელს არ ასვენებს. მას კი მარჯვენას ულოცავენ ადამიანები, მარჯვენას ულოცავენ ბაღის დღემიღებული ყვავილები.

ბაღის სტუმრები

მოსული მებაღე ყველა სტუმარს ერთნაირი ხალისით უხვდება, ყველასთვის ერთნაირად გულგაშლილი მასპინძელია.

ოჯახში მოსული სტუმარი ღვთისაა; ეს ბაღი ჩემი ოჯახია, მოვიდნენ, ნახონ თუკი ისიამოვნებენ, — ამბობს ხშირად.

რომ ჰკითხოთ, რა დროს უფრო მეტი სტუმარი ჰყავს თქვენს ბაღსო, გიპასუხებთ:

გაზაფხულზე რომ დაიწყებენ მოსვლას, სანამ კარგა გეარიანად არ აცივდება, სტუმარი ჭარბად მყავს. საიდან არ მოდიან: შორიდან, ახლოდან, სოფლიდან, ქალაქიდან, ყველა მხრიდან. ზამთარში კი ბაღი ისვენებს, მაგრამ მებაღის საქმეს აბა რა გამოლევს.

იმ დღესაც ის იყო დამთვალეობების უკანასკნელი ჭგუფი გააცილა მეზობლის ბიჭმა და სადილს შემოუსხდნენ, რომ ლუქმის ჩადებაც ვერ მოასწრეს და ზარის ხმა გაისმა. ყველაზე პატარა ავთანდილი კი ადგომას არ ფიქრობს, პაპა ნერვიულობს:

— შვილო, შენ გაზრდასა, იქნება შორიდან მოსული სტუმარია, სირცხვილია, ადუ, ჩაირბინე — ტკბილად გადაულაპარაკებს. მოხუცს აბა უარს ვინ შებედავს, ავთანდილი მაშინვე დაეშვება კიბეებზე. წუთიც და ზევით ამორბის.

— რაო, შვილო, ვინ იყვნენ? — ეკითხება მოუთმენლად.

— თბილისელები არიან. სამი ხნერი ქალია. ბაღში გაუშვი, დაათვალიერონ. ნახონ ყველაფერი, სანამ კი ვისადილებთ და ჩვენც ჩავალთ.

— ჰო, ჰო, ეგრე უნდა, — ეპასუხება მოხუცი.

ზარი მეორდება... ისევ სტუმრები და სტუმრები, ახლა მებაღე დგება, მაგრამ მისივე ქალიშვილი ასწრებს:

— მამა, მოსვენე, მე ჩავალ...

-- პელიკო, შვილო, არ დაიზარო, თუ უცხო ვინმე იყოს, დამიძახე. ადამიანი საიდან სად მოდის ამის სანახავად და ჩვენ კიდევ დავიზაროთ ვამოჩენა? არ უთხრათ — დღეს არა მცალიან და ხვალ მოდიო, ეგრე არ იქნება,

შეილი, სანამ პირში სული მიდგას და ეს ბალი იარსებებს, ხალხიც შინდა; სტუმარი როგორ მომბეზრდება; მარტო ჩემთვის ვაკეთებ განა? ეს ხალხისაა; დეე თავისი თვალთ დაინახონ, რომ ამ ერთ მუჟა მიწაზე უთვალავი ხე და მცენარე შეიძლება ცოცხლობდეს...

კარის კრიალმა მიახვედრა მებაღე, რომ სტუმრები არცთუ ისე ცოტანი იყვნენ, დერეფნიდან გადახედა.

— პელიკო, ჩამოგეშველო?

— არა, მამა, არა, ნუ შეწუხდები, მე თვითონ გავუძღვები, ლენინგრაღელი ტურისტები არიან...

მასპინძელი, როგორც წესი, სტუმარს ჯერ მთავარ ბილიკზე გაატარებს, დიდრონ მცენარეებს აჩვენებს, აუხსნის, რა ჯიშისაა, საიდან არის, და თუ რაიმე განსაკუთრებული ნიშან-თვისება აქვს, იმასაც გააცნობს. რაკი მებაღე მოხუცია, ხშირად ქალიშვილს უხდება სტუმრის მიღება და გაცილება. თუ მასაც არ სცალია, მაშინ ბაღის მეგობრები, პაპას მეგობრები მასპინძლობენ. ხანდახან კი მასპინძლობა აეთანდილს შეხვდება ხოლმე, პაპასგან უთვალავ-ჯერ აქვს დასწავლილი და გაგონილი ყველა მცენარის სახელი; აეთანდილის მამა მიტა ყირიმელაშვილიც ხომ ამ ბაღში გაიზარდა და ამ ბაღში დაბერდა, შესავალში რომ რცხილის ჯაგია, იქიდან დაიწყებს და არაფერს გამოტოვებს, როგორც იცის, ისე უხსნის; ჯერ ორანჟერეის მხარეს მიიყვანს, იცის, სად რა დგას, მაგრამ განა მებაღეა, რომ ათასხუთასი სახის მცენარეს იცნობდეს და შეეძლოს ყველას ახსნა-განმარტება; ამას გაჭირვების დროს ახერხებს; თუ მოხუცი შეუძლოდ არის და პელიკოსაც არ სცალია, მაშინ კისრულობს მასპინძლობას, გაუძღვება წინ და რიხიანად გაიძახის სახელებს. თუ ქართველები არიან, ხომ კარგი, მაგრამ, თუ რუსულია საქირო, მაშინ, ჯერ ბოდის მოიხდის, არ დამცინოთ, რუსული კარგად არ ვიცო, შემდეგ კი იწყებს სტუმრებთან საუბარს.

სწორედ იასამნის ყვავილობის დრო იყო, ბაღს რომ ერთი უკრაინელი ქალი ესტუმრა. მებაღე სტუმარს ჩვეული სიხარულით შეხვდა, წინ გაუძღვა, სახლის წინ გადაყირავებულ დიდ ქვევრთან მიიყვანა, იქვე ახლოს ლამაზად მოყვავილე სურნელოვანი მიხაკის კვალთან გააჩერა. პატარა ყვავილნარს ფეხაკრფლით მიეპარა, ერთი მიხაკი შეაცალა და სტუმარს გაუწოდა:

— აი, ეს მიხაკი კი თურქულია, იშვიათი ეგზემპლარია, განირჩევა სილამაზითა და სასიამოვნო სურნელებით, თქვენ ამას სხვაგან ვერ შეხვდებით — უყვება ტკბილი, საამო ხმით.

ბევრი რამ აჩვენა სტუმარს ლამაზი და საინტერესო, შემდეგ ორანჟერეაში მიიპატიჟა. აქ კი მოხუცმა წინ გაასწრო, პატარა ქოთანს მიეპარა, ფრთხილად აიღო და ძირზე ხელით მიწა შემოაცალა. საუცხოო სანახავი იყო აპრილის თვეში ქოთანის ნაპირზე გადმოკიდებული მწიფე მარწყვი და ფოთლებშუა, ზევით ამართულ წვრილ ღეროებზე თეთრი ყვავილები. მებაღემ

სტუმარს ალალი გულით, ღიმილით გაუწოდა ეს პატარა საჩუქარი. სტუმარმა სიხარული ვეღარ დამალა, მიუახლოვდა და მოხუცს მხარზე აკოცა.

...მებაღეს ახარეს: — დღეს თქვენი ბაღის სტუმარი იქნება ჩეხი მწერალი იედლიჩკა თავისი მეუღლით. თან ისიც უთხრეს: ამ მწერალმა დიდი და საშვილიშვილო საქმე გააკეთა — შოთა რუსთაველის „ვეფხისტყაოსანი“ ჩეხურად თარგმნაო, მოხუცი სიხარულით მოელის სტუმრებს და აპბობს:

-- ის მარჯვენა დალოცვილი, ის კალამადლიანი, ერთი მალე გამოჩნდეს. ახლა ჩეხებიც გაეცნობიან ქართველი ერის დიდებას, საქართველოს ადრინდელ ცხოვრებას.

სკამზე ჩამომჯდარი ბილიკს გაჰყურებს, აი, კიდეც გამოჩნდნენ ნაენობი მხატვრები, მწერლები... მათ შორის ის ორი უცხოც იყო. მოხუცი კარზე შეეგება, მამაშვილურად მიიკრა გულზე, პკოცნის და სიხარულით ევსება ვულო, — თქვენ დიდი საქმე გააკეთეთ, ამით დიდი პატივი ეცით ქართველებსო.

სტუმრები ყვავილნარის მღელვარე ზღვამ ჩაძირა.

— პელიკო, შვილო, ერთი ის მოვერცხილი ყანწი გამომიტანე აქა, — გადაულაპარაკა ქალიშვილს, და აღფრთოვანებული ელაპარაკება:

— თქვენ დიდად პატივი გვეცით ქართველებს, საქართველოს, ათი სიცოცხლე რომ მქონდეს და შემეძლოს, ათივეს თქვენ გაჩუქებდით, აი, ეს მცირედი რამ გქონდეთ ჩემი ბაღისა და ჩემს მოსაგონებლად. მაპატიეთ ამ მცირედი საჩუქრისთვის. არაფერს არ დავიშურებ თქვენისთანა ხალხისათვისო, — და მოვერცხილ ყანწს გაუწვდის: წაიღეთ, წაიღეთ, ქართველები ოდითგანვე ამით ვსვამთ ღვინოს, როცა ყანწს შეხედოთ, ხანდისხან მაინც დალიეთ ჩვენი სწლდეგრძელო... ქართველები სტუმართმოყვარე ხალხი ვართ, -- ღვინის და ლხინის მოყვარულები. ვაზისა და ღვინის ქვეყანაა საქართველო და აბა უამისოდ როგორ იქნება.

აქვეა ქართველი აკადემიკოსების მიერ ჩაწერილი შთაბეჭდილებები. აბა ვადავუარცლოთ!

„აღფრთოვანებული ვართ თქვენი ოსტატობით. ის, რაც ჩვენ ვნახეთ, ნამდვილად დიდი ხელოვნებაა.

გისურვებთ ახალ წარმატებებს და გულითად მადლობას გიძღვნით“.

ხელს აწერენ აკადემიკოსები: ნ. მუსხელიშვილი, ელ. ანდრონიკაშვილი, რ. დვალი. პროფ. ვ. ბერიძე და სხვები.

...ყვაილები კი შრიალებენ და შრიალებენ... ახლაც ჩემი ჩურჩული მოედო ბაღნარს. მწერლები, კორესპონდენტები, ჟურნალისტები ეწვივნენ ბაღს, გაისმინ აპარატების ჩხაკუნის... და აი, დიდი რუსი მწერალი მიხეილ შოლოხოვი პაპასთან იღებს სურათს, თან იქვე მუხის ქვეშ ესაუბრება: წემო სეხნიავე. სიბერემ ხომ არ შეგაშინაო და ასეთ ჩანაწერს უტოვებს მოხუცს:

„უესურვებ ძვირფას სეხნიას ერთი ამდენი კიდეც ეცოცხლოს და კიდევე ბევრი რამ გაეკეთებინოს“.

მეორე სენხის, სახელგანთქმული მოკადრაკის ბოტენიკის ჩანაწერში კი ვკითხულობთ:

„ყვაილები გროსმაისტერს, მამულაშვილს უმდაბლესი სალამი, ყველანაშ დაბალი კვალიფიკაციის მეყვაილისგან“.

ცნობილ პიანისტ რიხტერს კი სანოტო ხაზებით დაუხაზავს წიგნის ფურცელი და ზედ მიუწერია:

„დიდი მადლობა მიღებული სიამოვნებისათვის“.

შთაბეჭდილების წიგნში კარგა ხანს ხატავდა მებალის პორტრეტს აზერბაიჯანის სახალხო მხატვარი მიქაელ აბდულაევი. და, აი, დაამთავრა თუ არა ჩანახატი, იქვე მიაწერა:

„გმადლობთ თქვენი მშვენიერი სამყაროსათვის, თქვენ დაინახეთ ის მშვენიერება, რაც ჩვენს გარშემო მხატვრებმა ვერ დავინახეთ, თქვენ თქვით სულ მთლად ახალი სიტყვა, ამისათვის ჭერ კიდევ ბევრი და ბევრი გეტყვიან დიდ მადლობას“.

აი კიდევ სტრიქონები შთაბეჭდილებათა წიგნიდან.

„ჩვენ, საქართველოს კომპოზიტორების მეხუთე პლენუმის მონაწილენა, აღტაცებულები ვართ, ღრმად პატივცემულ მიხეილ ალექსანდრეს ძის მრავალწლოვანი თავგანწირული შრომის ნაყოფით. ვუძღვნით უღრმეს მადლობას, იმ უდიდესი სიხარულისა და დაუვიწყარი შთაბეჭდილებისათვის, რომელიც ჩვენ მიგვაქვს ამ ჯაღოსნური კუთხიდან“. ო. თაქთაქიშვილი. მ. დავითაშვილი, ს. ცინცაძე, ბ. კვერნაძე“.

„მხანაგი მამულაშვილი ისეთივე დიდი სასწაულებრივი ჯაღოსანი მხატვარია, როგორც თვით ბუნება, მაგრამ ბუნებასაც შეუძლია შეშურდეს იმისი ხელოვნება“. ასე წერს აზერბაიჯანის მეცნიერ-მუშაკთა სახელით სულთანოვი. ჟურნალ „საბჭოთა ხელოვნების“ რედაქტორი ოთარ ევაძე თავის შთაბეჭდილებას ასე გადმოგვცემს:

„მიქეილ მამულაშვილს — პოეტებთან პოეტს, მუსიკოსებთან მუსიკოსს, მხატვრებთან მხატვარს, ადამიანებთან ადამიანს, მტერთან მტერს, მეგობრებთან მეგობარს, მცხეთელ მუხას, თბილისის სიამაყეს, ერის დიდებისა და სილამაზის ცხრა მთას იქით გამტანს“.

„როდესაც მამულაშვილის ხელოვნებას უყურებ, ძნელია კაცმა განიცადოს ამაზე უფრო უშუალოდ ბუნება და ის ხელოვნება, რომლითაც ეს ბუნება უღერს“. მამა-შვილი — კომპოზიტორი გრიგოლ კილაძე, დირიჟორი ლილე კილაძე.

„ჩვენ, სტუმრები უზბეკისტიანიდან, ვიყავით მამულაშვილის ბაღში და აღტაცებულები ვართ მისი შრომით და ენერჯით, რომელიც ჩაწნულია ამ უნიკალურ ბაღში“.

ხელის მოწერა ყვაილებივითაა აქა-იქ გაბნეული.

„ეს ჰემმარიტად ყვაილების მუზეუმი და ასე უნდა გადაეცეს საუკუნეებს“ — წერენ უკრაინელები.



ჩემო სეხნიავე, ერთი ამდენი კიდეე გეცოცხლოს და კიდეე ბეერი რამ
გაგეკეთებინოს — ეუბნება მიხეილ შოლოხოვი მებაღეს.

...თქვენნი ბალი ერთ-ერთი ყველაზე უფრო დიდი შთაბეჭდილებაა საქართველოზე“ — წერენ ლენინგრადელები.

ბალის სტუმრები მატულობენ. შთაბეჭდილების წიგნებიც მრავლდება. აქ ჩანს სხვადასხვა ეროვნების ხალხი, ერთი ენით — ბუნების სიყვარულის ენათ რომ ამეტყველებულა. მებაღე კი ყველას კითხულობს, — აბა ვინ რა ძალია: უყვარს ბალი და ყვავილები, ვინ როგორ გამოთქვა თავისი აზრით და თითქმის ზეპირად იცის რომელ ალბომში ვისი ჩანაწერია. რომ ჰკუთხოთ, რომელმე ხელნაწერი; უცბად იპოვის და გადაგიშლით.

უთვალავია სტუმარი — დღისით, მზისით, საღამოს; არც შაბათი იციან და არც კვირა, არც მზე ამინებთ და არც წვიმა. ვისაც რა დროს მოეპურება, იმ დროს მოადგება, ბალს. ბალის კარი ხომ ყოველთვის ღიაა. ისმის და ისმის ზარის წკრიალი, მებაღეს გული ხალისით ევსება. თითქოს მუხლშიც ღონე ემატება, მხნეობს და ხანდისხან ოხუნჯობს კიდევ.

საღამო ხანს კი, ზაფხულობით, როცა ბინდი შეეპარება ყვავილნარს, მოხუცი თავის საყვარელ ნუშის ხის ქვეშ ჩამოჯდება, გოდორთან, ბებერ ჯიხვის რქას შეკუთრებს, რქაში ჩარგულ მცენარეს წყალს ჩაუსხაპს და სინანულით ჩაილაპარაკებს: — რა ხარ, შე ოხერო წუთისოფელო, როგორ ჩქარა იცი სიარული... შენც ალბათ, ერთ დროს, ვინ იცის როგორ ღონივრად იქნევედი ამ რქასა? ახლა კი გიყურებ და მენანები. ბევრს მოსწონხარ, ზოგიერთი სიყვარულით ხელსაც გადაგისვამს ხოლმე, ზოგი კი შეტდომით კამერის რქას გეძახის; განა ფიქრობენ სად კამეჩი და სად ჯიხვიო, ჰა?

ეს ადგილი ქართველ მწერალთა საყვარელი ადგილია. ამ ბალის ხშირი სტუმარი იყო დიდი გალაქტიონი. აქ ხშირად მოდიან: კონსტანტინე გამსახურდია, გიორგი ლეონიძე, სიმონ ჩიქოვანი, იოსებ გრიშაშვილი.


არც ხელოვნების ხალხი ივიწყებს მოხუცს, მოდიან და მოდიან. განსაკუთრებით 14 სექტემბერს იციან თავის შეყრა, ეს დღე ხომ მებალის დაბადების დღეა! ულოცავენ, დიდხანს სიცოცხლეს უსურვებენ.

ფოტორეპორტიორებს რომ დაინახავს, აღარ იცის, საით დაემალოს.

— აი, თქვენ შეგაღონათ ღმერთმა, ჩემს შესაწუხებლად როგორ გაჩნდით ქვეყანაზედა, აღარ დამეხსნებით?

სურათის გადაღება არ უყვარს და უარობს — აბა რის მაქნისი ვარ, რა ჯავაკეთე ამისთანაო? დამეხსენით, დამეხსენით! თუ ღმერთი გწამთო.

მარტო ბაღში კი არა, იქ, ფართო ღია დერეფანშიც ხშირად იციან შეკრება; იმ დახუნძლულ რქაწითელის თალარს, განა მარტო ყურძნად ჩამოჰკრეფს, კარგ გემრიელ ღვინოსაც აყენებს და მერე... მარტო ხომ არ დალევს, ყველა სტუმარს ბალიდან ხომ არ გაისტუმრებს. ხანდახან ღამის მყუდროებაში ჩაძირულ ყვავილებს, მთვლემარე ყვავილებსაც ესმით ჭიქაზე ჭიქის მიჯახუნების ხმა, შემდეგ კი — ათასნაირი ზმა და ლექსები, სიმღერები და სადღეგრძელოები.



დეკორატიული კალათები



84.7836380

„უჩინარი“ მასწავლებელი

...დიდ მზადებაში არიან ბოტანიკური ბაღის მუშაკები. ყვავილებით განთქმული ქვეყნიდან, იაპონიიდან ესტუმრათ მეყვავილე კურამოტი.

...დიდ, ნათელ დარბაზში ზის უცხო სტუმარი, გამოწყობილი ნაციონალურ ტანსაცმელში. მას წინ უწყვია იაპონიიდან ჩამოტანილი სხვადასხვაფერის ბამბუკის ლარნაკი, ყვავილების საკრელი ორიგინალური მაკრატელი. თბილისელებს მისთვის ათასნაირი ყვავილი მოუტანიათ და სტუმარიც მადლობას უხდის. იქვეა მიხეილ მამულაშვილის გაკეთებული ლამაზი კალათა-წნულები, ბოტანიკური ბაღის მთის ყვავილების შესანიშნავი კალათები, ბაღის მხატვრული კუთხეების სურათები. სტუმარი კარგა ხანს ათვალეერებს სურათებს და იტოვებს... კალათებმა ხომ განცვიფრებაში მოიყვანა, მოწონება არც დაუმალავს.

სტუმარმა მუშაობა დაიწყო. ლითონის პატარა ფირფიტა ამოიღო; ფირფიტის ერთ მხარეს სადგისისმაგვარ ნემსებზე დაამაგრა სხვადასხვა ფერის ყვავილი და წყლიან ქილაში ჩაუშვა. ყველას მოეწონა; ცოტა ყვავილები დასჭირდა და ლამაზიც იყო. მერე წყალი დაასხა ლამბაქზე, ზაფრანა დასჭრა და შიგ ჩაყარა, გარშემო კი სატაცურის წვრილი ღერო ლამაზად შემოახვია. ესეც მშვენიერი სანახავი იყო.

— როდესაც სტუმარი მოგვივა და ვერაფერს ვიპოვით მისართმევს, — თქვა კურამოტმა, — აი, ამას გააკეთებთ და მაგიდაზე დაუდგამთ. ჩვენთან, იაპონიაში, ყვავილები უამრავია და როცა ვინმეს ნახვა გაგვიხარდება, ყვავილებს მივართმევთ ხოლმე.

იაპონელი ქალი ისევ სურათებს მიუტრიალდა, კლდე-ბაღის მხატვრული კუთხეები მოეწონა და იკითხა — ვინ არის ყოველივე ამის ოსტატიო. სტუმარს ოსტატიც გააცნეს — ბოტანიკური ბაღის დეკორატივი გიორგი მანაგაძე. ქალმა ჰკითხა — სად სწავლობდით ამ საქმესო. მანაგაძემ თავისი მასწავლებელი. სახელგანთქმული ქართველი მებაღე მიხეილ მამულაშვილი დაუსახელა.

სტუმარმა მამულაშვილის ბაღის ნახვა მოისურვა.

...გრძელ თეთრ კაბაში გამოწყობილი ქალი ლანდივით ეპარება ყვავი-
ლებს. ბილიკებზე ფეხაკრეფით დადის. მოხუცმა მებაღემ დაატარა თავისი
ბაღის ჭადოსნური კუთხე-კუნჭული. დაბლა, მუზეუმის ოთახში კი ერთი
ციცქნა კალათები უჩვენა. სტუმარმა ბაღში კარგა ხანს იარა, მაგრამ ისევ იმ
ციცქნა კალათებს დაუბრუნდა, მინდვრის ყვავილებით მოქარგულ კალათებს
ესიყვარულებოდა თვალებით.

— შესანიშნავია, შეტად ლამაზია ეს კალათები, — აღტაცებით წამოი-
ძახა მან.

ვინ მოსთვლის, რამდენი მებაღე, ყვავილების რამდენი ოსტატი აღუზრ-
დია მისეილ მამულაშვილს!

— დიდი ამაგი აქვს მიხა მამულაშვილს ჩვენზე, ყველა მებაღე-დეკო-
რატორზე; მაგის ხელში გავიზარდეთ, ყველაფერი მაგისგან ვიცითო, — მად-
ლიერების გრძნობით გვიყვება კიროვის სახელობის რაიონის გამწვანების
კანტორის უფროსი ალისა ფხაკაძე.

და, მართლაც, მის მიერ გაკეთებული კიროვის ბაღის მხატვრული
კუთხეები ხანგრძლივ გამოფენად გადაიქცევა ხოლმე.

აბა ახლა ორჯონიკიძის სახელობის კულტურისა და დასვენების პარკში
წეიხედეთ. იქაურ გამოფენაზე ყურადღებას მიაქცევთ შესანიშნავ ვარდებს,
რომლებიც გამოირჩევიან განსაკუთრებული სილამაზით, ელვარებითა და
ფერთა შერჩევით. სპეციალისტებმა ამ ვარდებს რომ დახედეს, თქვეს -- მათ
მიხეილ მამულაშვილის ხელი ატყვიაო.

და განა მართლა მხეილის ხელით იყო აქ რაიმე გაკეთებული? ამ ვარ-
დებს უვლის კალინინის რაიონის გამწვანების კანტორის უფროსი, გამოცდი-
ლი დეკორატორი სოფიო კვახაძე; ამ დეკორატორმა კარგად იცის მცენარის
მოვლა. მოხუც მებაღეს, როცა კი მისი გამოფენა დაუთვალე რეგია ან ბაღის
ტერიტორიაზე ექსპონირებული მხატვრული კუთხეები უნახავს, ყოველთვის
უქია — დაკვირვებული ქალია, გემოვნება კარგი აქვს და ცდილობსო...
მაგრამ სოფიოს რომ ჰკითხოთ, ვისგან ისწავლე ეს ხელობაო, მაშინვე გეტყ-
ვით:

— ჩვენ ყველას ერთი „უჩინარი“ მასწავლებელი გვყავს, ყველას ის
გვასწავლის; ნურავინ დაიტრაბახებს: მე ჩემით ვაკეთებ, არავისგან არ
მისწავლიაო, ჩვენ მისი მოწაფეები ვართ. არაერთი კონსულტაცია მიმიღია
შინჯილისაგან. ის ამ საქმის დიდოსტატია, იმასთან აბა როგორ მოვალთ, ჩვენ
იმის შეგირდები ვართო...

...მიხეილი შუა ეზოში შეხვდა სტუმარს. იქვე ჩამოსხდნენ. მოხუცმა ჯერ
შეთვალე რა, მოეწონა, მერე გამოკითხვა დაუწყო.

— რომელი რაიონიდანა ხარ?

— ქიათურიდან.

— რა გვარი ხარ?

— ცუცქირიძე.

— სად სწავლობ?

— თბილისის სამხატვრო სასწავლებელში.

— მცენარე და ყვავილი გიყვარს?

— ძალიან.

— რა ვიცი, მოღური შარვალი რომ ჩაგიცვამს. ამ საქმეს გულს დაუდებ ვითომ? — მოულოდნელად შეეკითხა და თან გაუღიმა.

ბიჭი გაწითლდა, შარვალზე დაიხედა, შერცხვა.

...ჩემ ყვავილებს ამისთანები არ უყვარს, იცი? ამ ბაღში რაკი შემოხვალ, მიწას ველარ გაიცლი თითებიდან, ტანსაცმლიდან, ფეხებიდან; აბა ეგრე მოძრანქული რომ მობრძანებულხარ, იეარგებს? კიდეე გაეხუმრა: — ბინად სად იქნები, თბილისიდან აბა როგორ ივლი!

— აქვე ვიცხოვრებ, მცხეთაში.

იმ დღიდანვე დამეგობრდნენ მოხუცი მებაღე და ეს თმაქოჩორა ბიჭი.

მებაღე გულისხმიერი მასწავლებელია, ღინჯად, გარკვევით უხსნის ქაბუკს ყველაფერს; მთელი დღე ერთად შრომობენ: — ხან რწყავენ, ხან თობნიან, ხან კი მოხუცი შეკითხვებზე გადადის:

— აბა, შეილო, ეს რა მცენარეა? ჯერ ქართულად მითხარი, მერე რუსულად და ბოლოს ლათინურად; ხომ იცი, სამივე ენაზე უნდა იცოდე სახელები, თორემ მცენარე — ყვავილი ეშმაკია; თუ შეგამჩნიეს, რომ სახელები კარგად არ იცი და ერთმანეთში აურიე, — პეტრეს თუ პავლეს სახელი დაუქახე — გგონია გაგებასუხებიან?! შეგიჯავრებენ, გულს არ გაგიხსნიან; იტყვიან: ეს უგუნური ვინ ყოფილაო და ფასი არ გექნება ამათ თვალში.

ყმაწვილს ეცინება. რა საყვარელი კაცია, როგორ უნდა, რომ შემასწავლოს ყველაფერი, რანაირად ცდილობს, თანაც ბავშვი ვგონივარ და როგორ მეფერება...

ბიჭი მხატვარია, მებაღეც მხატვარია, ორი მხატვარია ბაღში; ბიჭი ტილოზეც ხატავს; მოხუცი კი მარტო მიწაზე ხატავს თავის დაკოყრილი თითებით. ბაღის სამუშაოს რომ მორჩება, მოსწავლე არაგვის ქალას ესტუმრება. ნაეით გადაცურავს ლერწმიანს, მოსკრის ტირიფის ტოტებს, კორძებს იპოვის არაგვის ნაპირებზე, ქვიშას მოხვეტავს და ბაღში ამოიტანს, მებაღეს უხარია.

— აი, გაცოცხლა ღმერთმა, როგორ გულს გამიხარებ ხოლმე; ეგ კა მოწონს, რომ თქმა არ გინდა და ყველაფერს მალე ხვდება; ეს ქვიშა ამ ბლიკებზე უნდა გაიშალოს, რა კარგი ფერისაა, ამ ყვავილების ფერს ძალიან მოუხდება.

და მოხუცი თვითონვე შლის და აბნევს ბილიკებზე არაგვის მსხვილ ქვიშას. მთელი დღე ერთად ტრიალებენ მოწაფე და მასწავლებელი. ოსტატ

დინჯად, გარკვევით უხსნის, შეგირდი მალე სწავლობს.. მებაღეს უხარია, კიდევ კარგი, მონღომებული და ხალისიანი ემაწვილია, თორემ აბა რა უნდა მექნა, თან შეიღს გადაულაპარაკებს: კულტურის სამინისტროს იმ ჯილდოს, ეს მზითვად ვამოატანეს და ბიჭიკო ცუქტირიძეს „მწითვის ბიქს“ ეძახის ხუმრობით. კულტურის სამინისტრომ ხელოვნების დამსახურებული მოღვაწის სახელწოდებასთან დაკავშირებით მიხეილ მამულაშვილს ეს მოსწავლე გაუგზავნა თბილისის სამხატვრო სასწავლებლიდან: „გიგზავნით და აბა თქვენ იცით, შეასწავლეთ, მოიხმარეთ, და თქვენი გამოცდილებით გამოზარდეთო...“

მებაღეს გაეხარდა ეს დავალება თუ თხოვნა, კარგად მიიღო სამხატვრო სასწავლებლის მოსწავლე. მესამე წელიწადია, რაც ჭაბუკი მასთან არის. დიდ კმაყოფილებას გამოთქვამს მოხუცი, თავაზიანია, ხალისიანია, ყველაფერი ეინტერესება და გემოვნებაც კარგი აქვსო... მის სასწავლებელსაც უხარია, რომ მოწაფეს სიყვარული დაუმსახურებია მებაღის გულში.

ბიჭიკო ახლა უკვე დამოუკიდებლად აკეთებს კალათა-წნულებსა და მხატვრულ კუთხეებს. მებაღეს ეხმარება — ხან ლასტებს და კალათებს დაუწნავს, ხან გოდრებს; თითქმის ყოველ საღამოს შეიბრუნს, დახედავს შიხტეს, საქმეს გამონახავს, ჩაუჯდება. ხოლო საღამო ხანს, როცა წასასვლელად ემზადება, მოხუცი ხშირად ეტყვის ხოლმე.

— აქ დარჩი, შეილო, აბა რაღას მიღიხარ; ჩემთან იცხოვრე, სანამ სასწავლებელს დაამთავრებ...

მოსწავლეს კი ეს თრება, ერიდება შეწუხებისა. ის იქვე, ახლოს, ზემო უბანში ჩასახლდა.

დილიდან საღამომდე ბაღში აღამებენ ორივენი. პაპას ცოტა გულოც კო სტკივა და ამბობს:

— აბა, რა არის, შევეჩვიე და... ახლა კი დაამთავრებს, თავის გზაზე წავა... და ნატრობს მებაღე: — ნეტავი კიდევ გამომიგზავნიდნენ ვინმეს. სანამ შემიძლია, კიდევ გამოვზარდო, შევასწავლო, რაც ვიცი.

ბიჭიკოს კი ხშირად ეტყვის:

— შეილო, არ დამივიწყო. ამ საქმეში მაინც შენი მასწავლებელი ვარ. შეილავით მიმაჩნიხარ. არ დაიზარო, ხშირად ჩამოირბინე ხოლმე.

...უფრო ადრე კი ბევრი გაზარდა. ბევრს ასწავლიდა ბაღის ავსა და კარგს. ამიტომ შეარქვეს მიხეილ მამულაშვილს „უჩინარი“ მასწავლებელი. მისი სტილით აფორმებენ ქალაქის დეკორაციული ბაღის კუთხეებს, მისი სტილით კეთდება მინიატურული მხატვრული ნაკეთობანი...

და ყველა, ვინც ემსახურება ხელოვნების ამ შესანიშნავ უბანს, ჩვენი მოხუცო მეყვავილის მოსწავლეები არიან. მათი გზის მაჩვენებელი — ეს მოხუცია.

ქველი და ახალი ბარათები

„თბილისი, კოტე მესხის ქუჩა, № 15, ნუცა ანანიაშვილს“ — აწერია კონვერტებს. ისინი მრავალია: ძველი და ახალი, ერთი ზომისა, ერთი ფერისა.

...წელში მოხრილი მოხუცი ქალი მოუთმენლად ხსნის წერილს და ამბობს:

— რა კარგია, როგორ მესიამოვნა, გული გამიხარა! — სახე წამით უნათდება და კვლავ განაგრძობს:

— რა კარგი კაცია ჩვენი მიშა! ვნახოთ, რას იწერება!

კონვერტი იხსნება, წერილის გამომგზავნის იაუჯუუნას ოთხი ყვავილი ახლო-ახლოს, ლამაზად ჩაუქრავს ბარათში, — მარტო ამის შეხედვა გაუნათებს ადამიანს სულსა და გულსა — ლაპარაკობს მოხუცი, შემდეგ კი წერილს ხმამაღლა კითხულობს:

„ჩემო საყვარელო ნუცა! როგორ ხარ, რატომ არაფერს არ იწერები, რათ დამიგვიანე წერილი. როგორ ფეხი ამოიკვეთე და მცხეთაში არ ჩამოდიხარ!.. ჩემო ნუცა, ჩამოდი, გაბედე, რაც იქნება, იქნება, ნუ შეუშინდები სიბერეს. თორემ გაჯობებს... მეც რომ დავდივარ, ჯობს ვიშველიებ, მაგრამ წერილებს მაინც გწერ ან კი რა შუაშია ყავარჯენი და სიზარმაცე. შენი მოსიყვარულე მ. მამულაშვილი“.

მოხუცი ნუცა რბილ ტანტზე განაბულა, ვერ გაიგებ, სძინავს თუ ოცნებაშია წასული. დიდხანს კი ვერ ისვენებს ასე, ტრიალებს და ტრიალებს, მერე წამოდგება, გაივლ-გამოივლის და ხმამაღლა ამბობს:

— შვილო, ქეთო, როდის ნახე ბოლო დროს მიშა? მართლა ჯობით დადის?

--- არა, დედი, მიშა ძია ორანეერეაში ვნახე, მშვენივრად დადის...

--- დახე, დახე, მამ სიბართლე არ მოუწერია ჩემთვის, — ღიმილით ამბობს და სახე უნათდება.

ვინ მოსთვლოს, რამდენი ასეთი ახლობელი ჰყავს მიხეილ მამულაშვილს, რამდენ წერილს ღებულობს.

კითხულობს ხან ძველებს, ხან ახლებს — ყველას ერთნაირი ხალისით, ყველას სიყვარულით და სიხარულით. მოკითხვის წერილმა დაძველება არ

იცის. ის მუდამ უამს ტკბილად გასახსენებელი და დროგაუსვლელი მოსა-
უბრეა...

მოხუცი მებაღე, საღამოობით, მთვლემარე ბაღნარს რომ დაემშვიდო-
ბება, მიუჭდება ხოლმე მაგიდას და იმ დღის ფოსტას სინჯავს. მაგიდაზე სევე-
რი წერილია — თბილისიდან, მოსკოვიდან, სოხუმიდან, ბათუმიდან და ვინ
მოსთვლის. ზოგს ლამაზად აწერია მისამართი, ზოგს კი — გაკრული ხელით.

მოხუცი ათრთოლებული ხელით ხსნის კონვერტს. ეს უკრაინიდანაა გა-
მოგზავნილი რაია პლუენიკოვასგან.

— ნეტავი ვინ არის, აღარ მახსოვს... — ფიქრობს და წერილს დასცქე-
რის:

„ჩვენ წავიკითხეთ თქვენზე წიგნი, ძალიან მოგვეწონა თქვენი ბაღის ყვა-
ვილები. გთხოვთ, თხოვნაზე უარს ნუ გვეტყვიან და გამოგვიგზავნეთ ცოტ-
ცოტა თესლები იმ ერთწლიანი ყვავილებისა, რომლებიც ჩვენთან კარგად
გაიხარებს. იქნება ქრიზანთემის რამდენიმე ბოლქვიც გამოაყოლოთ. ძალიან
გთხოვთ. უარს ნუ გვეტყვიან.“

მებაღეს გაეხარდა, რომ უცნობი ქალი ყვავილების მოყვარული ყოფილა.

— პელიკო, ერთი შენ გახარებას, მონახე და გაამზადე ხვალისთვისა
ყვავილების თესლები; აი უკრაინელი ქალი მთხოვს და, აბა, უარს როგორ
ვეტყვიან.

და იმ ღამესვე მზადდებდა. ამანათი, მაგრამ განა მარტო უკრაინელები
სოხოვენ თესლებს? საიდან აღარ მოდის წერილები და ისიც აგზავნის და
აგზავნის და როცა მებაღეს შემოეღებოდა გასაგზავნი თესლები, მაშინ თბილი-
სის ბოტანიკურ ბაღს მიმართავს, ესა და ეს თესლი გამომიგზავნეთო...

კითხულობს და პასუხსაც მაშინვე წერს, საბარათო ქაღალდები ხომ
ყოველთვის მზადა აქვს.

ასალი წერილების კითხვას რომ მორჩება, მოხუცი ახლა ძველ ბარათებს
გადმოწლის, მოიგონებს საყვარელ ადამიანებს და გულით ხარობს...

აი, ერთი ძველი წერილი:

„ნიერფასო ბ-ნო მიხეილ!“

ვიგზავნით მარწყვის თესლს, იგი ორწლიანია, მაგრამ ჰყვავის და
მსხმოიარობს პირველსავე წელს. გაღივების უნარი ძალიან კარგი აქვს. თქვე-
ნი მოცემული ზამბახი დღესაც ჰყვავის ორანჟერეაში, მას შემდეგ რაც მაცი-
ვარში გვექონდა, ამავე ზამბახის მეორე პარტია ამოვიღე მკათათეში (როდესაც
გვეგეტაცია დამთავრდა და ფოთლები გაუხმა) და აქე მქონდა დღემდე.
ახლა გადავრვი ქოთნებში. ნაწილს მარტში გადავრგავ, ნაწილს — აპრილში,
როგორ გგონიათ, აყვავდებიან? როდის?

რა ამბავია თქვენ ორანჟერეაში, ახლა უკვე გამოირკვევა, რა გავლენა
იქონია ზამთარმა. ჩვენ ბევრი რამ დაგვეღუპა, მაგრამ თქვენსავე გულს არ
ვიტებთ თქვენი მოსიყვარულე ა. მაყაშვილი. 1950 წ.“

ახლა მისივე მეორე წერილი გადაშალა:

„ახლიან მინდა თქვენი ნახვა და ნუ გაგიკვირდებათ, რომ მცხეთაში და-
მინახოთ თქვენს ოჯახში რამდენიმე საათით.

როგორ გაუძლო ამდენ ყინვებს თქვენმა მცენარეებმა. ჩვენ ბევრი რამ
გაგვიფუტდა, მაგრამ არაფერია, გულს არ ვიტყბთ...

ბათუმის ბოტანიკურ ბაღში ვიყავი. მაჩვენეს მარწყვის პლანტაცია, რო-
მელიც მთელი ზამთრისა და გაზაფხულის განმავლობაში ჰყვავის და მსხმოია-
რობს; ჩამოვიტანე რამდენიმე მსხმოიარე ტოტი; ეს იყო 4 დეკემბერს.
მრავლდება მხოლოდ თესლით, რომელსაც ჩამოვიტანთ. მაჩვენეს ავრეთვე
იზაბელას ვაზისა და ალექსანდროული მუსკატის ჰიბრიდი. ეს ჰიბრიდი მშვე-
ნიერ ვარდისფერ მტევნებს ისხამს. ვნახე ავრეთვე უეკლო ვარდი, — ესეც
ძალიან კარგია.

როდესაც დათბება, უსათუოდ უნდა წამობრძანდეთ ბათუმისკენ. ბათუ-
მის ბაღში მუშაობს ნიციდან ჩამოსული ქალი, რომელმაც ბევრი რამ ჩამო-
ტანა ახალი.

თქვენი მოსიყვარულე ა. მაყაშვილი. 1950 წ.“

პროფესორი ალექსანდრე მაყაშვილი თავისი დარგის დიდი სპეციალის-
ტი იყო. იგი მოხუც მებაღეს ხან რჩევა-დარიგებას ჰკითხავდა, ხან კი თავის
აზრს უზიარებდა.

კითხულობს მოხუცი მის ძველ წერილებს, კითხულობს და გული სინა-
ნულით ვესება: ცოდო არ არის იმისი სიკვდილი?.. აფსუსს, რა მეგობარი
დავკარგეო...

ხელში ახლა მეორე საყვარელი ადამიანის წერილი ხვდება, ლამაზად და
გამართული ხელით დაწერილი. ვინ მოსთვლის მერამდენედ კითხულობს მო-
ხუცი იმ ბარათს, რომელიც 1918 წელს მოუწერია მისთვის ილია წინამძღვრი-
შვილს.

„ჩემო სულიერო შვილო მიხა, ღმერთსა ვთხოვ შენს ჯანმრთელობას.
შენს შრომას ფასი არა აქვს საქართველოს მოზარდი შვილებისათვის... შენი
შრომა ყველა მეურნისათვის თვალსაჩინოა, არავის ჩვენში ეგეთი საქმე თა-
ვისი დაუდალავი შრომით და ცოდნით არ გაუკეთებია. არავისგან ნივთიერი
შემწეობა არა გქონია. მე ეს სულ ვიცი და აღტაცებული ვარ სულყოველთ-
ვის შენი კეთილის წარმატებით და მოქმედებით, ამისათვის მიყვარხარ, ჩემო
სულიერო შვილო და ვარ მეგობარი შენი ოჯახისა.

შენ წმინდა, უანგარო კაცი ხარ. ღმერთმა ჰქნას, საქართველოში გამ-
რავლდეს შენისთანა ადამიანები, მოსიყვარულენი სამშობლოსი. გისურვებ
კიდევ, რომ შენი სავაჭრო დარბაზი ყვავილებით უფრო გასაპეტაკდეს“.

მერე მოხუცი წარსულის მოგონებებს თავს ანებებს და იწყებს წერალებ-
ბის წერას თავის მეგობრებთან. სწერს ბარათებს კონსტანტინე გამსახურდიას,
ლადო ჭელიძეს, ელენე ახვლედიანს...

მიიჩქარიან, მიფრინავენ ნაირ-ნაირი კონვერტები, შიგ კი გულწითელა ყვავილები აწყვია. არავის სტოვებს უყურადღებოდ, უპასუხოდ — ულოცავს დღეობებს, ბედნიერ დღეებს...

შუადღის ხანს კი...

— პელიკო, შვილო, ფოსტალიონს ჯერ არ შემოუხედავს?

--- არა, მამი.

— რათ იგვიანებს ნეტავი, — ამბობს მოხუცი და ბადის საცალფეხო ბილიკზე ფეხაკრეფით მიდის ყვავილებისაკენ. ცალი თვალი კი მაინც კარისაკენ უჭირავს, გაიგონებს თუ არა ფეხის ხმას, გამოცოცხლდება, შეტრიალდება და მწვანე ტოტებით დაბურულ ბილიკზე სტუმარს დაეძებს თვალით.

— ხატისაანთ ქალო, მოხვედი?.. აი, შენ გაგახარა ღმერთმა, რით მასიამოვნებ დღესა.

— გაზეთებით, ჟურნალებით, წიგნებით... კიდევ რა გინდათ?

--- სულ ეგ არის? წერილებსაც ველოდი და... სწუხს...

დამტარებელი მეტი სიყვარულით, ხანდახან ასე ეშმაკურად გაეთამაშება ხოლმე, მაგრამ მალევე ამოიღებს ჩანთიდან ყველას ერთად — ხუთს, ათს და ხშირად მეტსაც.

— ესეც შენი ბარათები, — ეტყვის და თან გაუცინებს.

— აი, შე ეშმაკო, შენა, აკი არაფერიაო, არა უშავსრა, ამ საღამოს მეყოფა -- და სათითაოდ გადასინჯავს. განა წაიკითხავსი დღისით აბა წერილისათვის როგორ მოიცილის, ღამე კითხულობს და ღამითვე იწერება ამ ბარათების პაპუხიც.

გაჭირვების ტალკვესი

„სიკეთე ჰქმენ, ქვაზე დადე, გაივლი და წინ დაგხვდებაო“ — ეს ხალხს ნათქვამია. პო და, სწორედ ამისთანა სიკეთეს სთესავდა მცხეთელი მამულა-შვილის ოჯახიც. მათ სხვისი გაჭირვებაც გულზე ხვდებოდათ და სხვის დაღ-ხინებასაც შეჰხაროდნენ.

შრომით მოუღლელებს ზარმაცი და უქნარა არ უყვარდათ, მშრომელი გლეხის მარჯვენის ფასი კარგად იცოდნენ. მცხეთაში თუკი ვინმეს გაუჭირდებოდა, მისას კარს მიადგებოდა. იცოდნენ — თითონ ლუკმას მოიკლებდა და მოძმეს ღელს გაუმართავდა. გაუყოფელი ოჯახი ჰქონდა სამივე ძმას, და ხალხი გაცოცხლებული იყო: იშვიათია, რომ სამმა რძალმა, სამმა ძმამ, სამმა ოჯახმა ასე შეხმატებილებულად იტხოვროსო. იმათი ხმამაღალი სიტყვა არავის არ გაუგია.

სამეურნეო საქმიანობაც გეგმიანად ჰქონდათ განაწილებული. ყველამ თავ-თავისი გასაკეთებელი იცოდა. ნარეკეავის ბაღში ჩაბინავდა კოლა თავისი ოჯახით, მეურნეობას განაგებდა; საშუალო ძმას — ალექსანს პირუტყვი ჰყავდა ჩაბარებული — ძროხასა და ხარ-კამეჩს უვლიდა. მიხა კი ბაღს ველებოდა თავს. მისმა მარჯვენამ შეჰმნა ეს ამოდენა სანერგეები, სათბურები, ვეება ორანჟერეები. ხეხილის ბაღიც ჩქარა იზრდებოდა, არავის პირზე მოდებულ ჩირგუნარსა და უსარგებლო ეკალ-ბარდით დაფარულ მიწაზე შრომისმოწყვარე აღამიანებმა სამოთხესავეთ ბაღნარი გააშენეს. ყოველდღე აქედან ათასნაირი ხეხილის ნერგები გაჰქონდათ. უთვალავი კალათა-წნულები გადიოდა, ამასაც ისევ ოჯახის უფროსი მიხა ხელმძღვანელობდა.

...თბილისში თამამშევის ქარვასლაში ყველას ყურადღებას იპყრობდა ერთი შუშისკედლებიანი მაღაზია, მასში ჩვენი მიწის მთელი სილამაზე იყო გამოფენილი. ქალაქის მოზინადრეები, გამვლელ-გამომვლელები, ჩამოსული სტუმრები ისე როგორ ჩუქვლიდნენ ქარვასლას გვერდით, რომ ამ გემოვნებით გაფორმებულ საყვავილეში არ შეეხვდათ. აქედან გადიოდა სადღეობო კალათები, სასიხარულო და მისალოცი თაიგულები.

უტნობებსაც და ნაცნობებსაც ეგონათ ამ მაღაზიის პატრონი მამულაშვილი მილიონერიაო. ბევრმა არც იცოდა, რომ მას თბილისში ბინაც არ ჰქონდა,

დაქირავებულ ოთახში ცხოვრობდა — ბოტანიკური ბაღის მახლობლად, ასოსპირელის ქუჩაზე. რაც შემოსავალი ჰქონდა მალაზიას, ბაღს უნდებოდა. მამულაშვილი არც ყოფილა დაინტერესებული სიმდიდრის მოხვეჭით, მებაღეს განსაკუთრებით უჭირდა პირველ წლებში, როდესაც ნარეკავის ბაღი ახალი გაშენებული იყო, რამდენჯერ უთქვამთ ზოგიერთებს მიხასათვის:

— რას აკვდები აქაურობას, ხომ ხედავ, ვერა ცხოვრობ, ადექი და წადი საზღვარგარეთ, იმისთანა შემოსავალი გექნება, რომ უცბად გახდები მილიონერი...

მამულაშვილი მუდამ ასეთ პასუხს იძლეოდა:

— რა ჯანდაბად მიწდა ფული; ჩემი სიმდიდრე — ჩემი მიწა-წყალია; ჩემი ქვეყნის ერთი მტკაველი მიწა მირჩვენია სხვა ქვეყანაში შეძენილ მიწონებს. მე ფულისთვის კი არა ვშრომობ, საქმის სიყვარული მაცოცხლებსო.

იმ ხანებში, როდესაც მამულაშვილს ძალიან უჭირდა, მის მალაზიაში მივიდა ერთი ნაცნობი კაცი, თუმცა მან იცოდა, რომ მიხა დიდი ფულის პატრონი არ იყო, მაინც უთხრა:

— ერთ უცნობს საიდანღაც ხელში ჩაეარდნია რუსთაველის ძველისძველი სურათი. თუ ფულს მივცემთ, დაგვიტოვებს, თუ არა და... უცხოელსა ჰგავს და... თან წაიდებს... იქნება როგორმე მოახერხო სურათის შეძენა...

მამულაშვილი დიდად დაინტერესდა ამ სურათით და მაშინვე იმ უცხოელის სანახავად წავიდა. სურათი ძველის-ძველი იყო. მიუხედავად გაჭირვებისა, სურათი შეიძინა. კარგა ხანს სახლში ჰქონდა, არ ემეტებოდა გარეთ გასატანად. შემდეგ სურათს უკან მიწერილმა ტექსტმა დააფიქრა, ვინ იცის, ეს სურათი უნივერსიტეტისათვის უფრო საჭირო იყოსო, და რექტორ ივანე ჯავახიშვილთან მიიტანა:

— პატივცემულო ივანე, ეს სურათი ჩემს სახელზე გქონდეთ, უნივერსიტეტსა ვწირავ.

მამულაშვილისეული სურათი ჯერ უნივერსიტეტის სიძველეთა მუზეუმში ინახებოდა, შემდეგ კი ხელოვნების მუზეუმში გადაიტანეს; აი რას ვკითხულობთ მის შესახებ პაველ ინგოროყვას წიგნში „რუსთაველიანა“:

„შოთას ის სურათი, რომელიც დღეს საყოველთაოდ არის გავრცელებული, პირველად გამოსცა გრ. გაგარინმა თავის ცნობილ ალბომში (1847 წელი, პარიზი); ხოლო საიდან გადმოიღო ეს სურათი? თვით გაგარინი თავის გამოცემის განმარტებაში წერს, რომ მის მიერ დაბეჭდილი შოთას სურათი გადმოხატულია ვეფხისტყაოსნის ერთი ძველი ხელნაწერის მინიატურიდან: ეს ხელნაწერი, გაგარინის სიტყვით, ძველად ერისთავიანთა გვარეულობას ეკუთვნოდა (რევაზ ერისთავის სახლს). შემდეგ კი იგი შეადგენდა ერეკლე მეფის ასულის თეკლე ბატონიშვილის საკუთრებას, ვისგანაც იგი გადავიდა მის შვილზე ალექსანდრე ორბელიანზე (პოეტ ვახტანგის ძმაზე). გაგა-

რინისათვის ხელნაწერი გადაუცია და სურათის გამოქვეყნების ნებაც დაურთავს ალექსანდრე ორბელიანს.

ეს ძველი ერისთავისეული ხელნაწერი, შოთას პორტრეტით, ხელთა კქონია ამავე ხანებში ისტორიკოს პლატონ იოსელიანს. იგი თავის გამოცემის შენიშვნებში წერს:

„აქა ტფილისს შეფის ირაკლის ასულს თეკლას აქვნდა ძველად ნაწერი ვეფხის-ტყალისანი. სახით ანუ პორტრეტიურთ თვით რუსთველისა, ერისკაცისა სამოსით, უფრო ყიზილბაშთა წესით, ესე წიგნი და პორტრეტი წარუდგინე კნიაზს მ. ს. გორონცოვს და ამან წარგზავნა სახე ესე ხელითა აქ ყოფილის ფრანცუზის მოგზაურის ფლესისა, საფრანგეთისა ქალაქსა პარიჟსა, რათა გარდაბეჭდონ იგი მრავალ-რიცხვად ეგზემპლარებად ხრომოლიტოგრაფითა“.

„ვეფხისტყაოსნის“ ეს ძველი ხელნაწერი და თვით შოთას პორტრეტი, საიდანაც გადმოუღია გაგარინს თავისი გამოცემის პირი, წარსული საუკუნის სამოციანი წლებიდან სადღაც უკვალოდ დაიკარგა: არც ერთ ქართველ მუზეუმში იგი დღემდე არ შემოსულა და არც მისი ადგილმდებარეობის შესახებ არაფერია იცოდა. ამიტომ ზოგს ეპყვიც კი ეპარებოდა: — ხომ არ იყო მოგონილი ეს „ძველი ერისთავისეული ხელნაწერი“. და თუ ეს ხელნაწერი მართლაც არსებობდა, ყოველ შემთხვევაში საძიებელი რჩებოდა, თუ რა დროს ეკუთვნოდა იგი, ამასთან, რამდენად სწორად არის გადმოღებული გაგარინის მიერ სურათის პირი, ხომ არ არის აქ დაშვებული სტილიზაცია.

დღეს ეს სურათი — გაგარინის გამოცემის ორიგინალი — უკვე აღმოჩნდა, და ამით ყოველგვარ გაურკვევლობას ბოლო მოეღო“.

მიხეილ მამულაშვილის ეს კეთილი საქმე არსად არ ჩაუწერიათ. მოხუცს არ უყვარს სიკეთის დამადლება, მაგრამ ჩვენ აქ მოვიყვანთ ერთ წერილს, რომელსაც მოხუცი სათუთად ინახავს თავის კარადაში.

„მოქალაქე მიხეილ მამულაშვილს. სახელმწიფო უნივერსიტეტის გამგეობის სახელით უღრმეს მადლობას მოგახსენებთ თავ. გაგარინის ხელში ნაქონი შოთა რუსთაველის ძველი სურათის შემოწირვისათვის. რექტორი, პროფესორი ი. ჯავახიშვილი“.

როცა მოხუცი მებაღე ამ პატარა ქალას გიჩვენებთ, ღიმილით დასძენს ხოლმე:

— ახლა რაღას იტყვით, არც ახლა გჯერათ? რა დაუჯერებლები ხართ ზოგიერთები...

...მადლიანი ოჯახიანო, — ამბობდნენ მცხეთელები მამულაშვილებზე. ერთხელ მიხას მომდევნო დამ — ლიზამ თქვა:

— რა საცოდავია ზემოუბნელი იმერლიანთ კაკილო, საწყალს ექვსი ბალლი ჰყავს, ექვსივე შიშველ-ტიტვლები დადიან.

— რაკი-და მასეა, — უთხრა მიხამ დას, — ადექი და ის შენი მოსახელე გოგო რომ ჰყავთ, შოუნათლე, ნათლია იქნები და აბა შენ იცი...

თქმა და შესრულება ერთი იყო.

კაკილოანთ პატარა ლიზას სიხარულს საზღვარი არა ჰქონდა, დარბოდა ბავშვი მეზობლებში და ყველას ახალ ტანსაცმელს აჩვენებდა: — აი, ნათლიამ რეები მიყიდა, რა კარგი ნათლია მყავსო...

შემდეგ კი მამულაშვილებმა კაკილოს ექვსივე ბავშვი მოუნათლეს, დანათესავდნენ, დამეგობრდნენ. წელიწადში ორჯერ, — აღდგომას და ახალ წელს მიხა მამულაშვილის ოჯახიდან უსაზღვრო სიხარულს და ლხინს ელოდებოდნენ კაკილოანები. ექვსივე ბავშვისათვის ერთნაირად ყიდულობდნენ ტან-ფეხზე ჩასაცმელს. ერთი სიტყვით, მარტო ამ ოჯახის მადლიც ეყოფათ მამულაშვილებს...

ახლაც სიამით იგონებს ლიზა იმერლიშვილი:

— მიხა ნათლიამ დაგვზარდა, დაგვაბინავა და ადამიანებად გვაქცია... არც ლხინში და არც ქირში ახლაც არ დავავიწყდებით ხოლმე; ქალი დავბერდი, ამდენი ხნისა ვარ და ყოველი ჩემი დღეობის დღეს, დილა აღრიანად, იმისთანა ლამაზ კალათს მიგზავნის, რომ მომსველელ-წამსველენი თვალს ვერ აცილებენ...

და განა მარტო იმერლიანთ კაკილოს ბავშვებს ეხმარებოდა მიხა მამულაშვილის ოჯახი; შვიდი წლისა დაობლდა ზემოუბნელი ყირიმელაანთ მიტა. ობოლი ბიჭი მიხამ წაოიყვანა; ისე შეაყვარა შრომა და ისე შეეთვისა მიტა ამ საქმეს, სიცოცხლის უკანასკნელ დღემდე ბაღს არ მოშორებია. ახლაც ამბობს მოხუცი მებაღე:

— ეგ ერთადერთი კაცი იყო, რომელსაც სიცოცხლესაც კი მივაბარებდი; ისე იცოდა დროზე მიხედვა, რომ არაფრის თქმა არ სჭირდებოდა.

როცა მიტა გარდაიცვალა, მოხუცმა მებაღემ გულით დაიტირა იგი, — მარჯვენა ხელი დავკარგეო, — იძახოდა.

განა მარტო ეს ორი ოჯახი ემადლიერებოდა მიხას! ვინ მოსთვლის, რამდენი გაჭირვებული და უპატრონო მისდგომია მის ბაღს, რამდენისთვის უცია პატივი, რამდენის გული გაუხარებია, რამდენი უპატრონო მკვდარი დაუმარჩავს. სოფელს როგორ დაავიწყდება უპატრონო მოხუცი ანანა. განა მამულაშვილმა არ დაასაფლავა თავისი ხარჯით? ან ის, ოსის გოგო — ობოლი ნინა — ვინ გაათხოვა, ესეც ამათ, ამათ გაუწყეს მზითვიც და ლხინიც გაუმართეს. აი, ამისთანა მადლსა და სიკეთეს სთესავდნენ მეზობლებში.

იქნება იფიქროთ: — ჰქონდა და აძლევდაო. მაგრამ გაიხსენეთ ხალხისგანვე ნათქვამი: — ვისაც ბევრი აქვს, ის უფრო ხელმოკერილიაო...

მამულაშვილს კი დიდი ქონება არც სახლ-კარზე ეტყობოდა და არც ჩაცმა-დახურვაზე, მაგრამ რამდენი რამ შეუძლია კეთილ გულს. ხალხიც ამიტომ იძახის — ჩვენი მიხა გაჭირვების ტალკვესიაო...

ბალის მეზობრები

— ერთი შენ გახარებასა, ნუ დაგეზარება, ხვალ დილით ჩემსკენ ჩამო-
იბრინე. ეს თუთის ხე ძალიან გალალდა; ისე თამამად გაუშვა ტოტები
აქეთ-იქით, გეგონება ეს არის და მარტო მე ვარო; უნდა მოვქრა, თორემ
სულ დამიჩრდილა ამოდენა მცენარეები — წუწუნებდა მოხუცი.

— მიხა პაპა, როცა გინდათ, მზად ვარ; თუ გინდათ, ახლავე ავუგებ ანდერა-
სა — ტკბილად უპასუხა ვანომ.

— აბა, შენ იცი, შვილო, რაც ღროზე მომახმარ ხელსა, უფრო მეტად
მასიამოვნებ...

ბალში მთელ დღეს გაისმოდა ცულისა და წალღის კაკუნი, იჭრებოდა და
იხერხებოდა მებალის მიერ „ათვალწუნებული“ ხეები.

მეორე დღეს კი მოხუცი ჯოხს უკაკუნებდა კუნძებად ქცეულ თუთის ხეს,
სათითაოდ სინჯავდა, ადგილს ურჩევდა, სად უფრო მოსახერხებელი იქნება
სტუმრების ჩამოსაჯდომადო.

— აი, ეს მოზრდილი კუნძი აქეთ მოათრიეთ, ამ ადგილს უფრო მეტად
დაშვენდება. — და ჯოხის კაკუნით ანიშნებს. შალიკო და ვანოც თვალებში
შესცქერიან, თქმა და შესრულება ერთია. კუნძებს აწყობენ, მიწაში ამაკრე-
ბენ და თან მებალეს შეჰყურებენ — აბა პაპას მოსწონს თუ არაო.

— ემაგრე სჯობია ვითომ? — სიტყვა ნელა შეაპარა ბიჭებს და თან
ტკბილად გაუღიმა.

— აკი გონიერი ვარო, აბა, ერთი ამ კუნძს ფულურო ბილიცისაყენ
მოუტრიალე, ეგრე არ აჯობებს?

შალიკო და ვანო იცინიან, მიუხედავად, ალბათ ჩიტის ბუდე უნდა აქ
მოაწყოსო.

— თქვენს ხელში გავიზარდეთ და... ვერა და ვერ იქნა, რომ ჩვენ თვი-
თონ მიხვდეთ ყველაფერსა.

მე რასაც გულში გავიფიქრებ, ყველაფერს რომ უთქმელად მიხვდეთ
ხოლმე, მაშინ თქვენც მებალეები იქნებით — ეხუმრება მოხუცი.

ორი-სამი დღე მოუწინა ვანო და შალიკო ბალის მილაგ-მოლაგებას;
ზამთრის პირი იყო, ბიჭებს საქმე ბევრი არაფერი ჰქონდათ და მებალეც ეს
დრო შეარჩია.

ხშირად იციან ბიჭებმა ასე შემოვლა. ბაღს გადახედავენ, მოხუცს მოიკითხავენ ხომ არაფერი გიჭირსო, და ხელს მოატრიალებენ; თქმაც აღარ სჭირდებათ, რასაც დაინახავენ და შეამჩნევენ — უთქმელად აკეთებენ. ხან სამტრედეს გამართავენ, ხან ფუტყრის სკას მოუტრიალდებიან, მეზალე კი დაფუსფუსებს გულგახარებული და ტკბილად ჩურჩულებს — იცოცხლეთ, გაიხარეთ, იცოცხლეთ, როგორც მე დღეს მასიამოვნეთ თქვენი მარჯვენითა.

შემოდგომობით, თითქმის ყოველ კვირა დღეს, სოფელ წინამძღვრიანთ-კარიდან დილაადრიადად გამოდის მაღალ-მაღალი კაცი. ჯერ სოფლის შარბუხას აყვება, ორლობებში ჩერდება, თითქო რაღაც დაეკარგა და ეძებსო, შეამჩნევს წვრილ, წითელი ნაყოფით დახუნძულ ღიქას, ფრთხილად შეაპარებს ხელს და სკრის გრძელ ტოტებს, ხან კი წითელი, ჯერ დაუმწიფებელი ნაყოფით დამშვენებულ მაყვლის ბარდს შეაცლის ტოტებს. ასე იცის ხშირად პავლემ. თან კალათისათვის ტირიფის ნორჩ ტოტებს გამოაყოლებს, ასე ხელსავსე ჩამოვა ხოლმე მცხეთაში. სტუმართმოყვარე მოხუცი ღიმილს შეაგებებს, გაიხარებს. თან იტყვის:

— მეკითხებიან, პავლე რატომ გიყვარსო; აი ამიტომა, თქმა არა სჭირდება... დახე, დახე, ეს თავშავა და შავბალახაც რომ გამოუყოლებია.

პავლე კი უთქმელად გაუყვება ვიწრო ბილიკებს. ჯერ ბაღს შემოივლის, გადახედავს, სად რომელი ყვავილია დაყვავილებული, თესლმომწიფებელი, შემდეგ კი თიხის ჯამს აიღებს და თესლის შეგროვებას შეუდგება. ფრთხილად შეაგლებს ხელს დამწიფებულ თესლს, თან ჯამს შეაშველებს — თესლი არ დაეკარგოს, იქვე ჩაიშვლებს, სუფთა ძველმანში გამოხვევს ცალ-ცალკე, მერე კონვერტებს გააკეთებს, ჩააწობს და დააწერს, რომელი ყვავილის თესლია. შემდეგ კი მებაღის ოთახში დააბინავებს. ამ მოხუცისაგან ისწავლა პავლე წინამძღვრიშვილმა ბაღის მოვლა, ამან შეაყვარა ყვავილები, ახლა რომ სიცოცხლეს ურჩევნია; პავლესაც კარგი ბაღი აქვს სოფელში, მის კარმიდამოზე თვალი რჩება გამვლელ-გამოვლელს, ისე ლამაზად, ისე გემოვნებით აქვს გაფორმებული.

მოხუცს უცებ ხმა ჩაესმის.

— მამა, ფასანაურიდან მანქანა მოვიდა.

— კოლას მანქანა?

— ჰო, მელიქიშვილს გამოუფეხავნია ნაკელი, სავსე მანქანაა, წელს ამდენი არც კი დაგვეჭირდება.

— იყოს, შვილო, იყოს, რაც ძველია, მით უკეთესი. აბა ახალი სასუქი რის მაქნისია. რა კარგი კაცია, გახსენებაც არ სჭირდება; ეგრეა, შვილო, ზოგმა სიკეთის მიხედვით მალე იცის, მაგის ბაღს ჩემი ხელი მუდამაც სჭირდება. არც დავზარდები; ხელმა ხელი დაბანა და ორივემ პირიო; ის თუ სასუქს მიზიდავს, არც მე ვიშურებ დროსა და ხელსა, — ჩაილაპარაკა მოხუცმა და ბაღის კარისაკენ გაეშურა, ჯერ შოფერი შეათვალიერა, იცნო.

— ისევ შენ გამოგვზავნა? როგორა ხართ? როგორ არიან ჩემი დარღული ვარდ-ყვავილები, ხომ არაფერი ზარალია ბალში?, ვიცი, გზის პირზე ხართ. ათასი გამვლელ-გამომვლელს ფეხი და ხელი ხედება იქაურობას.

— არა, პაპა, თქვენს გაშენებულ ბაღს განა ვისმე გავაფუქებიანებთ? ისე უფრთხილდებიან ფასანაურელები იმ ბაღსა, რომ..

— უნდა გაუფრთხილდეთ მამ, ყოველ კვირა იქ ხომ არ ვივლი?

— აბა, საით ვადმოვცალოთ მანქანა?

— საითა და ბაღის ბოლოში მიაყენე, ვალავანთან არის მაგისი ადგილი.

როგორც კი გზაზე გასულ მებაღეს დაინახავენ მეზობლები, მაშინვე მიხვდებიან, რომ რაღაცა უქირს მოხუცს. ახლაც დაინახეს თუ არა სასუქით სავსე მანქანა, მაშინვე, უთქმელად შემოესივნენ. თან კი გაიძახიან:

— ასეთი დაუზარელი ხელი და დაუზოგავი გული აქვს მიხა პაპასაცაო.

— მიხა პაპა, რომ იცოდე, რა მოგიტანე დღესა... ნამდვილად გაგიზარდება ვიცი...

— გამოხარდება?.. — აბა მაჩვენე და მერე გეტყვი...

— აი, მანქანაში მაქვს, ახლავე შემოვიტან — და ბალიდან გავიდა, არ გასულა ხანი და საჩუქრებით ხელდატვირთული დაბრუნდა ზაქრო, — აი, პაპა ეს მაჩინჯი ქვაა, ფეხს არა ჰგავს? ეს კიდევ გულგაზვრეტილია.

— ჰო, კარგია მაშა, არც ეს მრგვალი ქვაა უხეირო; ეშმაკი ხარ, ეშმაკი, საღ რას წააწყდები ხოლმე.

— კი არ წაეაწყდები, ვეძებ, პაპა, ვეძებ და სადაც რას შევხვდები, მაშინვე თქვენ გამახსენდებით. ამისთანა რამეები რომ გიყვართ, განა არ ვიცი?

— ძალზე ლამაზია ეს რქასავით დაგრებილი ქვა; საღ ნახე, საღ იყავი?

— ბულაჩაურის მშენებლობისათვის არაგვის რიყეზე დავდივარ, იქიდან ვეზიდებით ქვასა და ქვიშას; ხვალ კიდევ ქვიშას ამოგიტან, არ გინდათ?

— როგორა, ჩემს ბაღსა მიწა და ქვიშა მოსჭარბდება? მაგრამ როგორ შეგაწუხო ახლა ამისათვისა, ისედაც დავალბებული ვარ შენი პატივისცემით, — ტკბილად ეუბნება მებაღე.

— პაპა, იმისთანა ლამაზი კუნძები შევიგულე, რომ მეტი არ იქნება, ხვალ ჩამოგიტან იმასაც.

— აბა უარი როგორ გითხრა; ეშმაკი ხარ, იცი, რომ მესიამოვნება.. აბა შენ იცი.

დიდი ხანია, რაც ბაღისა და მებაღის მეგობარია ეს შოფერი — ზაქრო მარტოლეკი. სადაც რას იპოვნის ლამაზსა და მებაღისათვის მოსაწონს, აქ მოარბენინებს, ხან კი მგზავრებით სავსე მანქანას შემოაქროლებს ხოლმე არაგვის ქუჩაზე და ეტყვის:

— მობრძანდით, ნახეთ პატარა ბაღი, მთელი სოფლის სიამაყეა, აბა, ისე როგორ უნდა გაიაროთ მცხეთა, რომ მამულაშვილის ბაღი არა ნახოთ! --

მერე პასუხსაც არ დაუცდის, ისე შემოატრიალებს მანქანას არაგვის ქუჩაზე. ბალის კართან გააჩერებს და მიმართავს: — „ჩამობრძანდით, აბა გარედან რას დაინახავთ, შიგნითაა საკვირველი და საინტერესო, ნახეთ და მერე დამლოცავთ, მაღლობასაც მეტყვით. უფრო უთამამდება და ამ დაუპატიებელ სტუმრებს წინ მიუძღვება.“

მცხეთელები ერთმანეთს ეჯიბრებიან, აბა ვინ მეტ სიყვარულს დაიმსახურებს მიხა პაპას გულშიო. სხვებს არც ლაღო ბეჯანიშვილი ჩამორჩება. ბალის სტუმარი რომ ქართული კერამიკის ცქერით ისიამოვნებს, განა ამაში ლაღოს კი არ მიუძღვის წვლილი? მცხეთა ხომ ოდითგანვე კერამიკითაა განთქმული, ახლაც ბევრი რამ მზადდება მცხეთის კერამიკის ქარხანაში, ხანდახან გამოსაწვავად შეწყობილი ჭურჭელი ლუმელში დამახინჯდება; ფორმას დაკარგავს, ერთმანეთს მიეწებება და ასე გაშრება. ასეთი ჭურჭელი აბა რა მოსაწონია ოჯახისათვის, ბალისათვის კი პირდაპირ მისწრებაა, მოხუცი მებაღე ამისთანებს იყენებს. აი, სწორედ, გვერდმობრეცილი ქოთანი და ერთმანეთზე მიწებებული რამდენიმე კრამიტის ნატეხია რომ ამკობს, ალაშაზებს ბალსა. მექოთნე ლაღო მოხუცდა, ათასნაირი ჯამ-ჭურჭლის ოსტატია, და აკი ბაღსაც ეტყობა მისი ნახელავი. აქ ნახავთ უამრავ ქოთნებს, ფიალებს, ცალყურას, ხელადას და ვინ მოსთვლის...

არც შოთა ამირანაშვილი შორდება ბალს, როგორც კი სასკოლო არდადეგები დაიწყება და დროს იპოვნის, მაშინვე ბალს მიაშურებს, ის მცხეთის სკოლის ბიბლიოთეკის მასწავლებელია და ხშირად მასპინძლობს ბალის სტუმრებს; ზაფხულში ხომ ბალს ბევრი სტუმარი ჰყავს. ისიც კონსულტანტობს, უხსნის, აცნობს სტუმრებს მრავალწლიანებსა და ერთწლიან მცენარეებს, ბალახოვანსა და მერქნიანს. ხანდახან კი მოსწავლეებსაც მიაშველებს ხოლმე, ასწავლის და აჩვენებს საქართველოში გავრცელებულ სამკურნალო მცენარეებს.

— გეორგინები გადარგე?


— არა, პაპა, ჯერ არ გადაამირგავს, იმისათვის ჩამოვედი, რომ თქვენთვის მეკითხა, საით აჯობებს, რომელი ადგილი შევარჩიო?

— ჰადართან, გზის პირად, ორივე მხარეს ჩამწკრივე; სადაც ბზები ამოვიღეთ, აი იქ დარგე. მე მუხლი აღარ მომდევს, ვეღარ ამოვედი და აბა შენ იცი, არ შემარცხვინო; ისე მოაწყე და გაალამაზე, როგორც ეკადრება იმ ბალს. ცოტა დათბება და ამოგხედავ, განა მარტო შენს ამარა დავტოვებ ილიას ბალსა?

საგურამოელი მიტო მოძღვრიშვილი საგურამოში ილიას სახლ-მუზეუმის ბალის ყარაულად მუშაობდა, მამულაშვილი იქ ხშირად ადიოდა ბალის გასალამაზებლად და მიტოსაც იშველებდა, ასწავლიდა — აი, ეს აქ დარგე, აქედან უფრო ლამაზად გამოჩნდება; ის იქით აჯობებს, ყვავილს ხელი და თვალი არ მოაკლდება; აბა შენ გახარებასა, სანამ ამოვალ, არაფერი გაახმო;



ასე ლამაზად იმუჩიება ბაღის უმცველი კუთხე



ისევ დემონსტრაციული კალათები

ეს მცენარეები ჩემს ბაღში დიდ პატივში მყვანან, კარგ თვალ-ყურს არიან დაჩვეულები და არ დამიჩაგროთ, — ასე შეაპარებდა ხოლმე ყვავილებზე ზრუნვას, ასე შეაყვარა მათი მოვლა. ახლა მიტო მოძღვრიშვილი ხშირად ჩაუვლის ხოლმე მოხუცს და რჩევა-დარიგებას ჰკითხავს, ხან კი თან წაიყვანს ხოლმე პაპას ილიასეულ ბაღში. რომ ჰკითხოთ შიტოს — ვინ გასწავლათ მებაღეობაო, — ტკბილად გაიღიმებს, თავს ჩაუღუნავს და გაჩუმდება, მოხუცს გახედავს ქვეშ-ქვეშ, მიხა პაპა კი დაასწრებს და ეტყვის:

— ვინ უნდა ასწავლოს, განა პატარაა!? თითონ იცი ყველაფერი, თავისით ხვდებო, — მიტო კი სიტყვას როგორ შეუბრუნებს, თავს გააქნევს და თითით გვანიშნებს — აი, ამ მოხუცმაო...

არც მიტო ჩამოდის პაპასთან ხელცარიელი; რაც მოხვდება და ნახავს, ვე-ლის ყვავილსა თუ სხვა მცენარეს, ყველაფერი აქეთ მოაქვს.

ახლა არსენას ბაღშიაც შევიაროთ, იქ ვინლა მუშაობს... იქაც პაპას გაზრ-დილი ყმაწვილია, მოხუცი რომ „ვითომ მებაღეს“ ეძახდა — ავთანდილი, — ამ ბაღში აიღვა ფენი; აქ გაიზარდაო იტყვის ხოლმე მოხუცი მებაღე. ავთან-დილიც ხშირად მოდის ხელსავსე; არაგვის ქალიდან წნელი მოაქვს; ხან ციქ-ნა კალათებს დაწნავს, ხან ციქნა გოდრებს, არც ჩიტის ბუდე დაემალება სადმე; რასაც იპოვის პაპას მოსაწონს, ყველაფერს აქ მოარბენიებს, პაპას სი-კეთეს აბა როგორ დაივიწყებს ავთანდილი. ოდესღაც მას ღვინის სიყვარული სძალავდა და კინაღამ ლოთის სახელიც შეარქვეს მცხეთელებმა. აქაც პაპამ დაიხსნა, უშველა, — შეილო, ახალგაზრდა ბიჭი ხარ, მოდი და ხელი გაანძრიე, რას გამოარჩები ღვინის სმას, იმუშავე; აი ბაღი, შენც ისიამოვნე და მეცაო. მებაღე ასწავლიდა, უხსნიდა. იმდენი ელაპარაკა, რომ მართლაც შეაყვარა მცენარისა და ყვავილის მოვლა; ღვინის სმასაც გადააჩვია; ახლა მებაღეა არსენას ბაღში, მოხუცს უხარია და ამბობს — ეგრე არა სჯობიაო?

— დილა მშვიდობისა, — ბინდბუნდში გაისმის ქალის ხმა. მზით გარუჯუ-ლი, ეშხიანი ქალი ჯერ ყვავილებს მიესალმება, შემდეგ კი მებაღის ოთახებს ბიაშუტებს, გულში კი ერთი წადილი აქვს, არ ამბობს, მაგრამ როგორ უნდა, რომ მოხუცს საწოლში მიუსწროს და უთხრას — ახლა ხომ მე გაჯობე ადგომა-შიო, გადახედავს ლოგინს და ისევ ცარიელი დაუხვდება. უხარია, რომ დილის ჰაერზე გასვლა დაუსწრია მოხუცს. ჯერ მის საწოლ ოთახს მიალაგ-მოალაგებს, სამუშაო ოთახში ფრთხილად შეიპარება, ხმელ ყვავილებს თავ-თავის ადგილს მოუხანავს, მერე ბაღში დაეძებს მებაღეს და მიესალმება.

ის კი ტკბილად გაუღიმებს და ბავშვივით მიაშიტი კილოთი შესძახებს.

— მოხვედი? ვერ გაგიძლია უჩვენოდა... რაკილა დრო მოგიპარავს ოჯახი-სათვის, ერთი შენს გახარებას დღეს გემრიელი სადილი გაგვიკეთე. იქნება ლო-ლოს შექმანდი მოხარშო, ხორცეულ კერძს მიარჩენია, ეს გლეხური ძველებუ-რი შექმანდი.

მანიამ იცის, რომელი შექმანდები უფრო უყვარს მოხუცს და ხშირად არცკი შეეკითხება ხოლმე, რა გავაკეთო.

— გააკეთე, შვილო; შენც ჰამე და ჩვენც გვაქამე, თორემ ეს მატრაკვეცა ყვავილები საქმლის გასაკეთებლად არ მოგვაცლიან. გაკეთება კი არა, ხშირად ჰამაც გადაგვავიწყდება ხოლმე; შენ რომ არ გვყავდე, აბა რა გვეშველება მე და პელიკოსა... ყირიმელაანთ პატარძალი მანია კი ილიმება და ამბობს: — ოლონდ კარგად იყავით და ვინ დაგამადლებთ მოხმარებასო.

ბალის გადადმა, არაგვის ქუჩიდან, გაუთენებელზე მოისმის კარის ჭრიალი, მაღალ-მაღალი გამხდარი ქალი ნიავევით გადაუბრუნს ბალს და ჩუმად იცის შემოსვლა; გასაღებს მონახავს და ორანჟერეას მიიადგება; იცის, ჭერ რომელი ღუმელი აანთოს; ფიჩხის ხმელ ტოტებს მონახავს და ააგიზგიზებს ცეცხლს, თან კედელზე ჩამოკიდებულ თერმომეტრს შეხედავს, იცის როგორი ტემპერატურა სჭირდება ამ ორანჟერეას.

ესე იცის შემოდგომის პირიდან გაზაფხულამდე, მთელი ზამთარი რომ ღუმელს ათბობენ, ეს ყურისმეზობელიც ხშირად შეაშველებს ხოლმე ხელს. ამიტომ პაპაც ხშირად ეუბნება: — ბალის ნახევარ მხარეს, თქვენ მხარეს, რაც ყვავილებია, თქვენ უნდა მოუაროთო. ლომაური მანანაც, სანამ ქმარ-შვილს გაედვიძება, ჭერ აქეთ გადმოირბენს, დახედავს აქაურობას, დაასუფთავებს და კარებს გამოსურავს, მოხუცი მებალე ხშირად ამბობს — მარტო ეს მასწრებს ადგომასაო.

სალამო ხანსაც ხშირად იცის შემოვლა, მებალე კი, სადაც მოასწრებს, ტკბილ სიტყვას არ დაიშურებს — აი, შენ გაგახარა ღმერთმა. მეზობლები მეუბნებიან, რათ გიყვარსო, აბა ამოდენა საქმეს სხვა ვინ გამიკეთებდა, — შეგარჩეს მარჯვენა, იცოცხლე.

თან სინანულით ჩაილაპარაკებს:

— აბა, რა არის ორი და სამი შვილის გაზრდა? მრავალშვილიანი ოჯახი არა სჯობია? ორი ვაჟიშვილი მყავს; ერთი თბილისში ცხოვრობს, მეორე — გორში; ყველას თავთავისი საქმე აქვს, აბა როგორ დავემდურო; შვილიშვილებიც ხშირად ჩამომივლიან ხოლმე, მაგრამ ბაღში საქმეს რა გამოლევს. ამ ერთი ქალიშვილის ამარა დამტოვა ბედმა, კიდეც რომ მყოლოდა შვილები, კარგი არ იქნებოდა? მაშინ საქმე მაჯობებდა განა?

მართალი ნათქვამია — „ბევრი შვილი ბევრი სიხარულიაო“.

კიდეც კარგი, ამისთანა კარგი მეზობლები და მეგობრები რომ მყავს, ისინი მახმარებენ ხელს, თორემ მარტოს რა უნდა გამეკეთებია.

როცა მებალეს წინასწარ დაუტყვევენ, ესა და ეს სტუმარი მოგვეყავსო, ერთი მაშინ გაჩვენათ ბალის მეგობრები და მებალე, როგორი სიხარულით ტრიალებენ ბაღში. ალაგებენ, ალაპაზებენ. ნუ გგონიათ გამხმარ ყვავილსა და მცენარის მოტეხილ ტოტს გააჰკანებენ არემარეზე. ამას ხომ თვალ-ყური და



მამა, არ მოგწონს? — ხშირად ეკითხება ქალიშვილი პელიკო.

ტრიალი უნდა, ერთი თუ გაიგებს — პაპას ბევრი საქმე აქვსო, მაშინვე ბაღში გაჩნდებიან. მებადისა და ბაღის მეგობრებს აბა, რა დალლით.

პაპის კვალზე

— პაპა, რა ჰქვიან ამასა?

— ორქიდეა...

— არა, მაგისი მეორე სახელი მითხარი, პაპა!

— ვენერას ქოშები.

— ქოშები, ქოშები! — შემოჰკრა პატარამ ხელი ხელს და საამო კისკისი დაიწყო. ყვავილის ტოტებს პაწია თითებს უტყაპუნებდა და პირმოტეხილი თიხის ჯამი საცოდავად ქანაობდა. მართლაც, ქოშის მოყვანილობის ყვავილი პირდაღებული ეკიდა.

— ნინო, შენ გაზრდასა, ეგ ხელები დააყენე, — სთხოვა მოხუცმა, მაგრამ ნინოს კი თითქოს არც კი ესმოდა.

— აბა ერთი, სანამ არ ჩამოაგდებ, არ დაეხსნები? პელიკო, შვილო, ეს ბალლი გამაცალე აქედან, თორემ მოხვდება.

პატარა ნინოს ამ ორანჟერეაში შესვლა განსაკუთრებით უყვარს. შესასვლელში, მაგიდაზე, ქოთნით ერთი მცენარე დგას განცალკევებით, იმასთანაც მივა, პაწაწა თითს ნელა მიუახლოვებს, ფრთხილად შეეხება ფოთოლზე, კისკისებს და იძახის:

— ეს მცენარე რა ბუტიაა, რა ნებიერია, სულ მარიკასა ჰგავს.

მცენარეც მართლა გაბუტულივით განზე გაიწევეს და კარგა ხნის შემდეგ „შეურიგდება“.

პაპამ უთხრა: — ამას მორცხვი მიწოზა ჰქვიანო. ბავშვს ეს მცენარეც ძალიან უყვარს: — კარგად მეთამაშებო, — გაიძახის.

ეს კი არის: ნინო არასოდეს არ გააფუჭებს ყვავილსა და ფოთოლს, არც კოკორს შეეხება, მოფერება კი იცის, შეძერება ქოთნებშუა და თავის სიმაღლე ვარდებს გვერდში ამოუდგება, ღრმად ჩაისუნთქავს და თან პაპასავით გაიძახის:

— ვიშ, ვიშ, რა სურნელოვანია, რა საამოა...

თუ მოწყვეტილი ყვავილი ან ფოთოლი სადმე იპოვა და პაპამ შეამჩნია, ის მაშინვე თავის მართლებას დაიწყებს:

— პაპა, მე არა... მე არ მომიწყვეტია...

მებაღეც იცინის; იცის, რომ ნინო არას გააფუქებს და გამოაჭყერებს:

— მე არა, მე არა...

— პაპა, აი, ამ ყვავილს რა ჰქვია?

მოხუცი განა დაიზარებს; რაც უნდა საჩქარო საქმე ჰქონდეს, თუკი ბავშვი შეეკითხება, პასუხს არ დაუგვიანებს; ტკბილად ეტყვის — ეს მიხაკია, — და ასე ყოველდღე ახალ-ახალ სახელებს სწავლობს, თანაც პაპას ეხმარება; ყოველ მცენარესა და ყვავილს ხომ ლათინური და ქართული წარწერა აქვს გაკეთებული პატარა დაფაზე და ჯობითაა დამაგრებული მცენარესთან. თუ სადმე, რომელიმე წარწერა ჩამოვარდნილია, წაშლილია, არ ჩანს, ნინო მაშინვე პაპასთან მიიბრუნებს და ეტყვის: პაპა ამ ყვავილს სახელი დაკარგვიაო.

...ნინო გაიზარდა, ახლა თითქმის ყველა მცენარისა და ყვავილის სახელი იცის. განცვიფრებულნი რჩებიან სტუმრები, როცა ეს ერთი ციცქნა გოგონა წინ გაუძღვება და დინჯად ასახელებს ქართულსა და ლათინურ სახელებს.

ბაღის მეგობრები, ნინოს მეგობრებიც არიან. მცხეთელი პიონერები თითქმის ყოველდღე შეუვლიან ბაღსა და ნინოს, ისინი ნინოსაგან სწავლობენ მცენარეებს, აბა მოხუც პაპას როგორ შეაწუხებენ ყველაფერზე. ნინო ხელებში შეპყურებს პაპას, — როგორ უცვლის მიწას, როგორ ჩარგავს მცენარეს, როგორ ჩააბარებს წყალს და როგორ უწმენდავს მტვერსა და ქუქყს ფოთლებს. პატარა მებაღე უხმოდ, უთქმელად, ლანდივით დაჰყვება მოხუცს და დიდ ცნობისმოყვარეობას იჩენს; პაპას უხარია, რომ ამ ბავშვში, ახლავე ასეთი სიყვარული იღვიძებს მცენარისა და ყვავილისადმი. სკოლაშიც ყოჩალია ნინო; კარგად სწავლობს; პიონერი გოგონა მებაღის მეგობარია და აკი იტყვიან ხოლმე:

— იქნება პაპის კვალზე ეს მაინც წავიდესო.

და როცა სკოლაში არდადეგები დაიწყება, პაპას გვერდიდან არ სცილდება ნინო; თვითონ გაუძღვება სტუმრებს და თვითონვე მასპინძლობს, აცნობს თვითეული მცენარის ხასიათს, თვითეული ყვავილის ისტორიას.

...სალამო ხანია, პაპა ნუშის ქვეშ ისვენებს, ზარის ხმა გაისმის, შვილიშვილი არავის აცლის, კარებისაკენ გარბის. მებაღე კი მაშინვე გასძახებს:

— რაო, ნინო, ვინ არიან?

— პაპავ, თბილქელი ქალები არიან, ცოტაოდენი ყვავილები გვინდაო.

— გვინდაო, და აბა შენ იცი, დატრიალდი: მე ნულარ ამაყენებ, შენ გაზრდასა.

— აბა საით მოვკრიფო, პაპა?

— აი, იქით, გზის მხარეზე რომ დიდი კვალია, იქიდან ამოარჩიე; აბა შენ იცი, უხვიროს კი ნუ მოუკრეფავ, არ შემარცხვინო.

— რამდენი პაპავ?

— ახლა კიდევ რამდენიო, თუ ეგრე შემალონებ, ისევე მე ავდგები და ეგ იქნება, — გაებუტა შვილიშვილს. — რამდენი და რამდენიც ჩაგეტიოს მუქაში, იმდენი.

ნინოს ესმის ყვავილები ენა; პაპის გულისა და სურვილებისა, ნიავეით გადაურბენს შინდვროს ყვავილებს, პატარასთან პატარას შეარჩევს და გვერდში ამოუყენებს, დიდთან დიდს, მაგრამ გემოვნებით.

მერე მოურბენინებს და აჩვენებს:

— აი, პაპავ, არ მოგწონს?

მონუცს კი სიამოვნებით ელიმება. გოგონას უხარია, პაპას მოეწონაო და კარებისკენ მიარბენინებს.

— მიირთვით, მიირთვით.

...მონუცი ღერეფანშია, ბალიდან ფეხის ხმა ისმის. ვაზის ფოთლებს გადასწევს და ეზოს გახედავს.

— პელიკო, შვილო, ვინა ხმაურობს იქა?

— ჩვენი გოგოები მოვიდნენ.

— მერე, რას აკეთებენ თუ იცი.

— ცოცხს მოარბენიებენ, ალბათ დაგვიან.

— ჰო, მაგათ ძაან უყვართ ცოცხის ტრიალი, კარგი, ყოჩალი გოგონები არიან...

გოგონები მართლაც კარგად უვლიან ბაღს. მონუცი ტკბილად ეკითხება მათ:

— თქვენ რომ ამდენ პატივსა მცემთ, მე რაღა გასიამოვნოთ, რა მოგართვათ, რა გაგეხარდებათ?

— პაპავ, ოღონდ ეს ყვავილები კარგად იყვენენ, და თქვენც არაფერი იჩაევროთ და რასაც გვეტყვით, ყველაფერს გააკეთებთ; მასწავლებელიც სულ მუდამ გვეუბნება: აბა, თქვენ იცით, პაპა არ გააჩაევროთო...

— თქვენ მე აბა რით უნდა გამაჩაევროთ, არც ერთი აღარა ხართ ისეთი პატარა, რომ დაამტვრიოთ და გააოხროთ რამე; მე კი მართო იმით მიბრაზდება გული, როცა ვინმე უხეშად, დაუნდობლად მოექცევა ჩემს ბაღს.

გოგონები კვირაში ორჯერ მიდიან და ნახევარ დღეს რჩებიან ბაღში. ალაგებენ, ასუფთავებენ, ოთახებში ალბომებსა და შთაბეჭდილებათა წიგნებს ყურადღებით ექცევიან. თვითონაც კითხულობენ, ვინ დაათვალიერა ბალი და რა ჩაწერეს. იქ ბევრია პიონერმოსწავლეების ხელნაწერები, პიონერები ხომ ხშირად ნახულობენ... აქ უამრავი გააართობია — ლამაზ და პაწაწინა. ჩიტის ბუდეში კვერცხები, პეპლები, თოჯინები, უცხოელებისაგან დატოვებულნი საჩუქრები.

...აი, რა ჩაუწერია ერთ პატარა ბიჭს — გივი გელენიძეს:

„დავათვალიერე მიხა პაპას ბალი, ძალიან მომეწონა ყვაილი და პატარა ურემი... „— წერს ბატიფეხურად, დაფანტული ასოებით.

...ბავშვებს რალაცის თქმა უნდათ, მაგრამ მორცხვობენ, ერთმანეთს შეკუურებენ და ვერ მოუხერხებიათ, პაპა მიუხვდა, რომ რაღაცა აწუხებდათ, რალაცას მალავდნენ.

— რას გვიბრძანებთ, ახალგაზრდებო, იქნება რამე გნებავთ?

და ისევ მანანა ბელუქიძემ გაუბედა:

— პაპავ, ჩვენ გვინდა, სკოლაში შეხვედრა მოგიწყოთ...

— აქ არა ხართ, აი შემხვდით და ეგ იქნება. რათ გინდათ, ნუ შეწუხდებით, არ მიყვარს მაგისტანა რამეები...

— ძალიან გეხვეწებით...

— ეგ არ იქნება, არ მიყვარს ხალხის შეწუხება. რამდენი დრო უნდა გააცდინოთ მაგისტის; არა, შვილო, სხვა რაც გინდათ, მთხოვეთ, არაა დავი-შურებ თქვენთვის, ზედმეტებს კი თავი გაანებეთ...

— პაპა, სხვებს რომ უარს არ ეუბნებოდით, ჩვენ განა ნაკლებად მოვემზადებით?!

— არავისაც არ დავთანხმდები მაგისტანებზე.

— აბა, მაშ, ეს ბარათი როდინდელია.

— ეს ბარათი? — გაუკვირდა, — ეს ბარათი კარგა ხნისაა, კაი რვა-ცხრა წლის წინ გახლდათ, მაშინ კიდევ ყოჩაღად ვიყავი; ახლა აღარ შემიძლიან, შეი-ლო, აქეთ-იქით სიარული.

მოხუცმა ბარათს დახედა და გაახსენდა:

— მაშინ ეს ბავშვები ხშირად ჩამოდიოდნენ თბილისის პიონერთა სასახ-ლიდან, ბევრი რამე შეისწავლეს, ძალიან უყვარდათ მცენარეებთან ყოფნა და მათი მოვლა. და აქი ბევრმაც შეიყვარა ეს დარგი, რამდენიმე შემდეგში მეც-ნიერ-მუშაიკიც გახდა, იმათ მასწავლებელმა მიაშბო ამას წინათ. ისე ძალიან საინტერესო კი იყო ის შეხვედრა; კარგად მომზადებულიყვენ, არასოდეს დამავიწყდება იმათი საღამო. — და თვალწინ უტოცხლდება ის დაუვიწყარი შეხვედრა... ბარათს დახედა, წაიკითხა:

„ძვირფასო ამხანაგო!

თბილისის პიონერთა და მოსწავლეთა სასახლის ნორჩ ნატურალისტთა და მხარეთმცოდნეობის განყოფილების ბიოლოგიის კაბინეტი, კვირას, 1954 წლის 31 ოქტომბერს, დღის 3 საათზე, თეატრალურ დარბაზში ატარებს ნორჩ მეყვავილეთა მე-2 საქალაქო კონკურსის შემაჯამებელ სხდომას, მიძღვნილ გამომჩენილი ქართველი მიჩურინელის — მიხეილ მამულაშვილისადმი“.

მოხუცის თვალწინ ტოცხლდება იმ შეხვედრის სურათი. რა ამბავი იყო პიონერთა სასახლეში — ბავშვები სინარულით დაფეთებულები დარბოდნენ, ყველა კუთხეში ისმოდა მხიარული გადაძახილები.

— დღეს ჩვენთან პაპა მოდის, ყვავილების პაპა.

ბიჭუნები გოგონებს აფრთხილებდნენ:

— აბა, ვოგობო, არ ჩაფლავდეთ, თქვენ იცით! დარბაზი თქვენ გაბა-რიათ და თვალი არ მოაცილოთ, არაფერი დაგრჩეთ უყურადღებოდ...

— თქვენ-თქვენ თავს მიხედეთ, ის გირჩევნიათ; ხომ იცით, არ შეგეშა-ლოთ; სწორედ იმ დროს უნდა დაიწყოთ, როცა პაპა მადლობის სათქმელად წამოდგება.

— აბა თქვენ იცით. — მგონი მეათედ უმეორებს მასწავლებელი — ქეთო. ანანიაშვილი; ბიოლოგიის კაბინეტის გამგე თამარ ჭიჭიძე კი ცოცხალ ყვავილებს ასწორებს, პაპას ყვავილების სავარძელს ულამაზებს.

და აი, მებადემაც შემოალო კარი. მოხუცი ნელა აუყვავ ვარდ-ყვავილებით დაფენილ მარმარილოს კიბის საფეხურებს. მასწავლებელი წინ მიდის, ატარებს ოთახიდან ოთახში; მალე — სასახლის დიდ თეატრალურ დარბაზში, სასიამოვნოდ გაისმის ყელსახვევიანი გოგონას წკრიალა ხმა. მან საღამო გახსნილად გამოაცხადა... შემდეგ დაიწყო მოხსენებები და სიტყვები.

ნორჩი მეყვავილეები ჰყვებოდნენ — რას აკეთებენ პაპას ბაღში, რას სწავლობენ, როგორ უხმარება მცენარეების ცოდნა სკოლაში, და როგორ უხმარება მათ პაპა...

დარბაზში უამრავი ყვავილები იყო, უამრავი ბავშვები იყვნენ, სხვადასხვა სკოლისა, სხვადასხვა ქალაქისა, რაიონისა... სხვადასხვა კლასელი...

სცენის სიღრმეში, შუა ადგილას, ყვავილების სავარძელში იჯდა მსცოვანი მეყვავილე, საპატიო სტუმარი — მიხეილ მამულაშვილი.


გასაოცარი იყო, როცა სტუმარი ფეხზე ადგა და მადლობას იხდიდა ამ დიდი პატივისცემისათვის, ამ დროს წამოვიდა თოვლი. დიდი თეთრი ფანტელები აირ-დაირია; მოხუცი დაიბნა, გაუთეთრდა თმა, სახე, ტანსაცმელი, თოვდა თავგამეტებით, ათოვდა სტუმარს; ათოვდა თეთრი ლამაზი ყვავილის ფანტელებით; რაღაც საოცარი ზღაპარის საღამო იყო, თითქოს სადღაც ვარსკვლავებიც ციალებნო, ისე ლიცლიცებდნენ ფერადი ელნათურები, და ლამის შუქზე თეთრი თოვლი, თოვლი ყვავილებისა ზღაპარსა ჰგავდა.

მოხუცს თვალები სიხარულის ცრემლებით აევსო. თავი სიზმარში თუ ეგონა, ბავშვით ხან იმ ჯადოსნურ ფანტელებს დასდევდა თვალებით, ხან კი ბავშვებს დაეძებდა. მოხუცმა დაჯდომა ვეღარ მოახერხა... თოვლი კი უფრო მატულობდა. ათოვდა ზაყვარელ სტუმარს, კარგ მოხუცს — სახეზე, თავზე, მთლიანად... თოვლის პაპას დაემსგავსა მოხუცი. განცვიფრდა: ნეტავი, რა ყვავილია შერჩეული და ახლოს გასინჯა. რას არ მოიფიქრებს ბავშვის გონება — ქრიზანთემებით მოთოვილაო.


— აი თქვე კუდიანებო, თქვე ეშმაკებო, თქვენა, მაჯობეთ? — ჩურჩულებდა მოხუცი და სიყვარულით შეჰყურებდა პატარებს.

ბავშვებს კი უსაზღვროდ უხაროდათ, რომ პაპას ძლიერ მოეწონა ეს შეხვედრა.

მას შემდეგ ხშირად იგონებს მოხუცი იმ საღამოს, იმ სილამაზეს, ბავშვების გულკეთილობას და სიყვარულს. რამდენი იმათგანი გამოვიდა კარგი, რამდენი დაადგა მეცნიერების გზას.



მცხეთური კალდის-ღუბა



დემონსტრაციული კალათა



მის ბაღში ალგო იწყება გაზაფხული



მეპალე ორანჟერიაში

ყვავილების ფიროსმანი

ლადო გუდიაშვილმა ჩვენს მოხუც მებალეს ყვავილების ფიროსმანა უწოდა.

„მიხეილ მამულაშვილი, — წერს გუდიაშვილი, — როგორც მხატვარი, პალიტრაზე არ ეძებს და არ აზაფებს ფერთა ჰარმონიას, არამედ ის თავისი მაგიური თითებით ქმნის სურათებს... დამტყრეულ ჭურჭელსა და მახინჯ ქვაში პოულობს სილამაზის საიდუმლოებს“.

როდესაც მის ბაღში შევდივარ, განცვიფრებული ვრჩები და ვამბობ, რომ ის მე მასწრებს სურათის დახატვას.

ამას წინათ მცხეთას ვესტუმრე. მინდოდა შემოდგომის ფერებში გადამეხედა ბალისათვის; შესანიშნავი სურათი ვნახე, კერამიკაში დახატული. სახლს წინ ჩიტავაშლა ჰყვაროდა. მის ქვეშ, ფოთლების ფონზე ლამაზად მოჩანდა სიძველეთა ფერით დახაზებული პირდახრილი ქვევარი. ქვევარს ფერშეცედილ ტანზე „იზაბელას“ კუპრივით შავი მტევნები ეყარა, დაბლა კი — მიწაზე ნატეხი ფიალებით აქა-იქ გაბნეულიყო საუცხოო ფერის ყვავილები. ეს სურათი ისე მომხიბვლელად იყო შესრულებული, რომ მხოლოდ გვარის მოწერა აკლდა და ვამბობ, მამულაშვილი ხატვას მასწრებს, მე რომ ჩავეფიქრებ, ის უკვე ხატავს“...

ამ დღეებში ვიყავი მწერალ კონსტანტინე გამსახურდიასთან და ვთხოვე გამოეთქვა თავისი აზრი ჩვენი სახელოვანი მებალე-დეკორატორის — მიხეილ მამულაშვილის მუშაობის შესახებ.

არ, რა მიაბზო მან:

„მე მაკავშირებს მიხეილ მამულაშვილთან ოცდაათი წლის მეგობრობა. მე, ლეო ქიაჩელი და გალაქტიონ ტაბიძე დავდიოდით მასთან, როცა ვმართავდით ილია ჭავჭავაძის, აკაკი წერეთლის, ივანე მაჩაბლის იუბილეებს. ვთხოვდით ყვავილები მოეყიდა ჩვენთვის, იგი განაწყენებული მოგვიგებდა: ამ საქმეში მეც თქვენთანა ვარ, არავითარი ფული მე არ შესაჭიროებო.“

მე ყველას დიდ პატივსა ვცემ, ვინც თავის საქმეს კარგად ეუფლება. სიტყვა „კარგად“ ცოტაა ამ შემთხვევაში. ჩვენი ძვირფასი მიხეილი არის დიდოსტატი ყვავილთმცოდნეობისა, რადგან მან კარგად იცის, საქართველო

არის არა მარტო მწერლებისა, მეცნიერებისა, ხუროთმოძღვრებისა და პოეზიის ქვეყანა, არამედ მთლიანი ბალნარია, დამშვენებული თავისი ულამაზესი ადამიანებით და ულამაზესი ყვავილებით“.

აი, რა აზრისაა რეჟისორი მიხეილ ჭიაურელი:

„ის დიდი რეჟისორია, მის ყვავილების სამყაროში მრავალი მშვენიერი დადგმა მინახავს. მისი ატელიე წარმოადგენს გასაოცარი სილამაზის სამყაროს. მისი დეკორაციები ყვავილებისა და მცენარეებისაგან შედგება.“

ფერების შერწყმა გასაოცარი გემოვნებითაა შესრულებული. ამ რეჟისორს თავის დარგში ბაღალი არა ჰყავს...“

სსრ კავშირის სახალხო არტისტი ვერიკო ანჯაფარიძე ასე გადმოგვცემს: „მამულაშვილის ყვავილებში სიცოცხლე ჟღერს. მისი ყვავილების სამყარო გათვითცნობიერებულია. შეიძლება ითქვას, მისი ყვავილები ცეკვავენ, მღერიან, თითქოს ცოცხალი არსებანი არიან“.

თბილისის აბრეშუმის საქსოვი ფაბრიკის ახალგაზრდა მხატვრები ხშირად იყენებენ მიხეილ მამულაშვილის საბაღოსნო მოტივებს. ისინი თავის ძირითად ესკიზებში, ნატურალურ აბრეშუმზე ნახატის შედგენის დროს სარგებლობენ ამ მოტივებით, როგორც ერთ-ერთი კომპონენტით.

აი, ნიკო კეცხოველის აზრით:

— „მეკითხებით, რა აზრისა ვარ მიხეილ მამულაშვილზე? — გეტყვით მოკლედ:

ქეშმარიტი მგოსანი ყველგან სილამაზეს ხედავს. ხშირად სიბ ქვასა და გორბს ისე დასდებს, რომ ჩრდილების ციმციმმა მოჭრას თვალი. გამხმარი ტოტი შეიძლება იმგვარად გამოიყენო, რომ იგი სიცოცხლის სიმბოლოდ გადაიქცეს და არა სიკვდილისა. ჩვენი მიხეილი სწორედ ამგვარია, „ყვავილების ჯაღოქარი“ შეარქვეს; არა, ყვავილებისა კი არა, ჩვენი ბუნების ჯაღოქარია, მესაიდუმლე და ტრფიალი. ბუნების ნამსხვრევს და ნამტვრევს ყვავილით ისე დაამშვენებს ხოლმე, რომ მასში მთელ ჩვენ ქვეყანას დაგვანახებებს — მისი სულის სილამაზეს, სინაზეს, ლაზათს, მის ომახიანობასა და ვაჟაყაცობას. ეს კი შეუძლია იმას, ვინც მგოსნად დაბადებულა და ზეგარდმო ნიჭი მასში ჩვენი ქვეყნის სილამაზით აფერადებულა და აელვარებულა, მიხეილი ასეთია, იგი განუმეორებელია“.

ქართველი მხატვარ-პეიზაჟისტი ელენე ახვლედიანი გულის ტკივილით ამბობს:

„ძალიან სამწუხაროა, რომ მისი შემოქმედება არ არის შემოჭრილი ჩვენს ცხოვრებაში; მისი ყვავილების ალბომის ფურცლები ბრწყინვალე ნიმუშებია ქსოვილებსათვის. ქართველი მხატვარ-პეიზაჟისტები ნამდვილად ვალში ვართ მიხეილ მამულაშვილის წინაშე, რომ დღემდე ტილოზე არ აღვბეჭდეთ მისი ხელოვნება“.

მამულაშვილის ბაღს ერთხელ გამოჩენილი მოქანდაკე ნ. ვ. ტომსკი

ესტუმრა. ის მთელი გატაცებით ძერწავდა მებაღის ეტიუდს. შემდეგ იქვე თაბაშირში ჩამოასხა და მებაღეს წინ დაუდგა. მიხეილი ტკბილად ილიმებოდა და განცვიფრებით ამბობდა: ესე ჩქარა, საოცარია, როგორ მოასწრო ჩემი სახის ნაკვეთების შესწავლაო.

ამის შემდეგ ტომსკიმ ეს ბიუსტი თან წაიღო მოსკოვში. იქ მან ბრინჯაოში ჩამოასხა და მოსკოვის ერთ-ერთ გამოფენაზე გაიტანა. მოხუც მებაღეს კი, პატივისცემისა და სიყვარულის ნიშნად, თავის ეტიუდი გამოუგზავნა. მოხუცს ბუხრის თავზე უდევს ეს საჩუქარი და მოქანდაკეს ყოველთვის ტკბილად იგონებს.

მებალის ვარსკვლავი

თანამედროვე პროგრესული ფრანგი მწერალი პიერ გამარა ჩვენი ქვეყნის, ჩვენი ხალხის მეგობარია.

პიერ გამარამ სსრ კავშირის მწერალთა კავშირის ორგანოს — „ლიტერატურნაია გაზეტას“ — თხოვნით მიხეილ მამულაშვილზე დაწერა ნარკვევი, რომელიც ამავე გაზეთმა საოქტომბრო ნომერში დაბეჭდა.

„...ორი წლის წინათ საქართველოში ვიყავი, ათასი რამ ვნახე, მრავალი ადამიანი, წარსული და აწმყო, ძველთაძველი, გარდასულ დრო-ყამზე მოღალადე ქვეები და თანამედროვე ნაგებობანი. ერთხელაც „ფიქრთ გასართველად“ ვეწვიე იმ ადგილს, პოეტები ესოდენ რომ აფასებენ, სადაც ღვიძლი ღებვიით გულში იკრავენ ერთმანეთს მობუტბუტე მტკვარი და არაგვი.

ჩავედი მცხეთაში და ვცადე წამით მაგნტ წარმომედგინა ამ ძველი ადგილის სახელოვანი წარსული. ჩემს ირგვლივ რაინდების, ხუროთმოძღვრებისა და მამაცი ადამიანების აჩრდილები აღიმართნენ.

იმავე დღეს პოეტმა იოსებ ნონეშვილმა წამიყვანა ერთ ნამდვილად არსებულ, მაგრამ თანაც ზღაპრულ ბაღში, სადაც გულგაშლილი მასპინძელი — ბებერი მებალე მიხეილ მამულაშვილი ფუსფუსებდა. იმ დღის მერე აღარაფერი მსმენია მიხეილზე. იმედი მაქვს, კვლავ ჯანმრთელად არის და თავსაც კარგად გრძნობს, ალბათ კარგად არიან იმ ბაღში დარგული ხეებიცა და ყვავილებიც. ოქტომბრის რევოლუციის ორმოცდამეხუთე წლისთავის გამო დაწერილი ეს სტრიქონები გარკვეული აზრით ამ ბებერ მებალეს მიეფძღვენ.

ცხელოდა, მიწას ცეცხლი ეკიდებოდა. უძირო ცით დასცქეროდა ქვეყანას ზაფხულის მზე, — კარგა მანძილი გვქონდა გავლილი და წყურვილი გვკლავდა. ნეტავი სადმე ჩაგვამუხლებინა, ვამბობდი, ცივ წყალს შევისხამდით და გავგრილდებოდით-მეთქი.

ჩეროში ჩამოვსხედით. გემო გავუსინჯეთ ყურძენს „მუსკატნაპოლონს“. მერე მებალემ თავისი საყვავილის იღუმალი კუთხე-კუნჭულები შემოგვატარა; გვაჩვენა კაქტუსები, მიმოზები, ძვირფასძვირფასი ყვავილები. ჯერ დააცქერდებოდა ხოლმე „მიუჯარებლებს“, მერე ფოთლებისკენ თითს წაიღებდა, და, შეშინებული ყვავილები რომ შეიკუმშებოდნენ, ილიმებოდა.

თავისი სახლის ერთ-ერთ ოთახში, სადაც ბალახის, საზამთროსა და ყურძნის სუნი იდგა, მამულაშვილმა პერბარიუმის ყვავილებისაგან შექმნილი კომპოზიციები გვიჩვენა. კედელზე რუსთაველის სურათი ეკიდა და თითქოს ისიც უსმენდა მებაღის საუბარს. გამოთხოვებისას მიხეილმა პატარა ქვევრი მაჩუქა, ძველებური ქართული ქვევრის უმცირესი ვარიანტი. აი, ის ახლაც წინ მიდევს ქალაღებსა და წიგნებს შუა.

ამ წლების ტვირთით დამძიმებულ, მრავლისმნახველ, წელში მოხრილ ხნიერ მებაღეს გარდასულ ბრძოლებზე ვესაუბრებოდი, ხან უმიწაწყლო გლეხთა ქირ-ვარამსა და ადამიანის მარჯვენის სიძლიერეზე ჩამოვარდებოდა სიტყვა. ვლამბარაკობდი იმ უამრავ ბაღზე, ადამიანებს რომ შეუძლიათ შექმნან, თუ ძმურად გაერთიანდებიან ყველანი.

...არც ის არის შემთხვევითი, რომ საბჭოთა კავშირში მოგზაურობის დროს შეგვხვდი მოხუც მებაღეს მიხეილ მამულაშვილს, რომელსაც თავს ურჩევნია ყვავილები. საქმე, — ეს კერძო ამბავი როდია. ოქტომბრის რევოლუციის ქვეყანაში თავიანთ ნაამაგარს თვითონ იპოიან ადამიანები — მებაღენი ზორბლისა და ტყისა, მებაღენი აგურისა და ცემენტისა, მებაღენი აზრისა, მებაღენი ცისა, კოსმონავტების გზა ზღაპრული და თანაც ნამდვილი ვარსკვლავებით რომ მოუფენიათ.

თქვენზე ძალიან ბევრს ვფიქრობ, ძმებო, მებაღეებო! ჩვენცა გვაქვს ბაღები, რომლებიც უნდა შევინარჩუნოთ და მოვიპოვოთ ჩვენი ხალხის ყველა მებაღისათვის.

თქვენი ვარსკვლავის წყალი უკვე გადაგვესხა!“

...მაშინ ზაფხული იყო. ცხელი ზაფხული. ახლა შემოდგომაა, ოქტომბერი.

მცხეთაში, მამულაშვილს ბინაზე დაურეკეს. — დღეს „ლიტერატურ-ნაია გაზეტას“ ფურცლებზე თქვენს შესახებ წერილია დაბეჭდილიო, მეორე დღეს კი გაზეთი თვითონ წაიკითხა. გაუხარდა და სიამით თქვა მოხუცმა:

— დახე, დახე?! თუ ეგონა მოკვდებოდაო; იცოდეს, რომ სიკვდილი ვერას დამაკლებს; მე არ მოკვდები. იმდენი მლოცველი მყავს და იმდენი მეძახის: — იცოცხლე, იცოცხლეო, რომ მე არასოდეს არ მოკვდები; არა, არ მოკვდები; ეგრე ამბობენ ჩემი ყვავილებიც. გააგებინეთ იმ ინტერესიან კაცსაც ჩემი ამბავი: ცოცხალია და კარგად არის, ისიც და იმისი ყვავილებიც თქო. დანე, დახე, ის ჩემი ნაჩუქარი პატარა ქვევრი მართლა თავის ქვეყანაში არ წაუღია?! იმასაც კი იწერება — ის ქვევრი, ახლა, აჲ, წიგნებთან მიდევსო...

* * *

„ოჰ, მე ვიპოვე ჩემი მასწავლებელი, მე ვიპოვე ჩემი მასწავლებელი... მე, ფრანგული გობელენების ოსტატს ნოკაუტი გამიკეთა ამ სილამაზემ“. — აღ-

ტაცებით გაიძახოდა ფრანგი მხატვარი ჟან ლუკსა. შემდეგ იგი მიუბრუნდა
ლადო გულიაშვილს და უთხრა:

„— გმადლობთ, გმადლობთ; მე თქვენ ისეთ დიდ ტაძარში შემეყვანეთ,
რომ ყოველგვარი ცოდვისაგან განწმენდილი გამოველ, სულიერად დავისვენ-
ე“, — მხატვარი წასვლას ველარ ახერხებდა, უთვალავჯერ მოუტრიალდა და
გადახედა პატარა გორაზე აბიბინებულ მინდვრის ყვავილების ლამაზ „გობე-
ლენს“, თითქოს თვალებით იხატავდა, იხსომებდა ფერთა სილამაზის იმ შესა-
ნიშნავ სურათებს, ცოცხალი ყვავილებით საუცხოოდ რომ დაეხატა მებაღეს.

მამულაშვილის ბაღმა აღტაცება გამოიწვია. მევენახეობისა და მეღვინეო-
ბის მეთავე საერთაშორისო კონგრესის დელეგატთა შორისაც.

„ჩვენი გულითადი მადლობა თქვენი მშვენიერი ხელოვნებისათვის, უცნა-
ური ხელოვნებისათვის, რომელიც დღეს პირველად ვნახეთ. დაე, გაგრძელდეს
თქვენი სიცოცხლე და მშვიდობა იყოს ამ სახლში.“

ამერიკელი მხატვრები: — სალი და როკუელ კენტი“.

„გამოვთქვამ ჩემს სიმპათიასა და აღფრთოვანებას საუცხოო არტისტისა-
დმი, რომელიც ასე ნიჭიერად აერთებს ბოტანიკას ხელოვნებასთან“, — წერს
მექსიკის ხელოვნების მუზეუმის დირექტორი — ფერნანდო გამბოა.

„თუმცა ჩემს სამშობლო ვიეტნამში ძალიან ბევრი სხვადასხვა ყვავილე-
ბია, მაგრამ არსად არ მინახავს ჯერ ისეთი საკვირველი და ლამაზი ბაღი, რო-
გორც ეს“, — წერს ვიეტნამის სამხედრო მინისტრი ხოან ფე.

უფრო ადრე კი ინდოელი მწერალი კრიშან ჩანდრი მოხიბლა ამ სანახაო-
ბამ; მწერალი სრულიად შემთხვევით, მოხუცი მებაღის დაბადების დღეს — 14
სექტემბერს მოხვდა მცხეთაში.

ბაღი ზემოდა მოხუცის 85 წლისთავს; მაშინ, მართლა ზღაპრული და
საოცნებო იყო მისი წალოტი.. და აი, დიდმა მწერალმაც თავისი ჩანაწერი
დატოვა.

„მე მქონდა ნამდვილი პატივი ვყოფილიყავი თქვენი 85 წლის დაბადების
დღეს. საღამო ინდოელებისაგან — თქვენი დიდი შემოქმედებითი მუშაობისა-
თვის. გისურვებთ ხანგრძლივ სიცოცხლეს, რათა გააგრძელოთ ეს საქმე, რო-
მელსაც აკეთებთ“.

„შესანიშნავია, ბუნებრივია, რათ უნდა მოღბერტი, რათ უნდა პალიტრა,
ეს დიდებული ადამიანი სიმშვენიერეს კმნის იმით, რაც მოუტია ბუნებას.
სილამაზე შექმნილია მხოლოდ მცენარეთა და ყვავილთა მიერ. თქვენ შესანიშ-
ნავი მხატვარი ხართ, თქვენ მშვენიერად ხატავთ მიწაზე ყვავილებით“;
ამბობს საფრანგეთის ნაციონალური სახვითი ხელოვნების კომიტეტის თავ-
მჯდომარე პიერ შიგო.

საერთოდ, უცხოელი სტუმრები აღტაცებას ვერ მალავენ; ან კი რა დასა-
მალა მოხუცი მებაღის ესოდენ დიდი გემოვნება და ნიჭი, ხალასი ნიჭი
მხატვრისა... ხანდახან ადამიანს უმალღესი სიამოვნება ამუწეებს; ამიტომაც
მოკლედ ჩაუწერია სორბონის უნივერსიტეტის პროფესორ კარდელანსს:

„მე ნამდვილად მოხიბლული ვარ ამ სიმშვენიერის ნახვით“.

უნგრელი უფრონალისტი წერს:

„რაც მე ვნახე აქ, სამუდამოდ დარჩება ჩემთვის, როგორც დაუვიწყარი შთაბეჭდილება. აქ, ქალაქ თბილისის გვერდით, ხანდაზმული კაცისაგან მე გავიცანი რას ნიშნავს ბუნების სიყვარული, მე ვუამბობ უნგრელ ახალგაზრდებს, როგორი შესანიშნავი ადამიანები ცხოვრობენ საქართველოში. ზეღე ფერენცი“.

შემოდგომის ყვავილთა ფერებში მღერიან ვაზის ლერწები, დამწიფებულ მტევანზე მოშრიალე ფოთლები. მერე რა საოცარია მწიფობის თვეში ყვავილებთან ამღერებული ვაზი. სწორედ ამ დროს ესტუმრა მცხეთას სამხრეთ ამერიკის მხატვარი — დრამატურგი სესარ რენხიფო.

..და აი, ამ ბაღში ვაზის ლერწოვით ამღერდა მისი კალამიც! „მშვენიერია სტუმრობა ამ ყვავილთა სამეფოში, სადაც მიხეილ მამულაშვილი ყვავილების ფურცლებიდან და სურნელებიდან ქმნის შესანიშნავ პოემებს“.

შთაბეჭდილების წიგნებში ყველა ქვეყნის წარმომადგენლის ხელნაწერს შეხვდებით, რომლებშიც ამ საოცარი ბაღის ხილვით გამოწვეული გულწრფელი აღტაცებაა. აქ არიან ეგვიპტელები, იტალიელები, ჩინელები, კორეელები, ფრანგები, გერმანელები... და ვინ მოთელის კიდევ რომელი ქვეყნისა თუ ეროვნებისა.

ორი მარჯვენა

აი, ესეც მცხეთა, საუკუნოვანი ბრძოლებით მოქანცული სიმაგრეებითა და ფრთამოღულუნე ტაძრებით დამშვენებული, ქართველი ხალხის კულტურის უძველესი აკვანი; უცხო სტუმარი მასპინძელს გულდასმით უსმენს და შეკითხვას შეკითხვაზე აყრის.

— მაშ ეს არის საქართველოს პირვანდელი დედაქალაქი?

— დიახ, ეს გახლავთ. აქ ერთხელ დედლა სიცოცხლე, შემდეგ კი ურჯულო მტრის ხელს დაუნგრევია ყველაფერი... მცხეთის ეს მწარე ბედი გამოხატა დიდმა პატრიოტმა ილია ქავჭავაძემ თავის პოემა „აჩრდილში“. ეს ნაწარმოები მან წინამძღვრიანთქარის სამეურნეო სკოლის დამაარსებელს ილია წინამძღვრიშვილს უძღვნა.

მასპინძელმა გადახედა მრავლისმოწმე კლდედქვეულ მთებს, სიძველეთა მიწაყრილ ნანგრევებს და ილიას პოემის ადგილები გაიხსენა:

— აგერა მცხეთაც — საენე გმირთა,
დიდი აკლამა დიდი ცხოვრების,
სად პირველ ქართლის მორკმულთა შვილთა
ღრმად ჩარგეს ძირი თავისუფლების:
— სადაც ჰყვოდა ხე ცხოვრებისა,
ქართლის გულიდამ აღმოცენილი,
და წყარო იგი წყაროდ შებისა,
სჩქედდა იმ გულით გარდმოდენილი;
...აწ აღარა სჩქედს წყარო ცხოველი,
ხე ცხოვრებისაც იგი დამქენარა,
და იგი დედა — ქალაქი ვრცელი
აწ სამიკიტნო დაბად გამხდარა.
ნგრეულან მისნი დიდნი პალატნი,
დიდი ცხოვრება მის დაცემულა,
დღეს იმ ცხოვრების წმინდა ალაგნი
პირუტყვთა ქელვით შეგინებულა.

ასეთი იყო მცხეთა მე-19 საუკუნეში. ძველი დედაქალაქი, მართლაც, სამიკიტო დაბად იყო გადაქცეული. ჩვენს დროში ის აღორძინდა, კვლავ დაიბრუნა ეზბი და სილამაზე.

— როგორ საუკუნემდე იყო აქ დედაქალაქი? — იკითხა სტუმარმა.

— მეხუთე საუკუნის ორმოცდაათიან წლებამდე...

— საკვირველია, რატომ შეურჩევიათ ეს მთაგორიანი ადგილი დედაქალაქად? — უკვირდა სტუმარს. მასპინძელიც გულდინჯად უხსნიდა ყველაფერს.

— მცხეთის ქალაქად და შემდეგ დედაქალაქად გადაქცევას ხელი შეუწყო მისმა მოხერხებულმა მღებარეობამ. ქალაქი აუგიათ მდინარეების შენაკადთან, სავაჭრო გზების ჭვარედინზე. აქ გადიოდა მთავარი გზა მტკვრის გაყოლებით აღმოსავლეთიდან დასავლეთისაკენ, აქვე ჩამოდიოდა გზა ჩრდილო-კავკასიიდან არაგვის ხეობით, აი, რას ამბობს სახელოვანი ვახუშტი ამ ქალაქზე:

„...მცხეთა არს ორს მდინარეს შორის: სამხრით უდის მტკვარი, აღმოსავლით არაგვი და მუნ შეკრბებიან. აღაშენა მცხეთოს, ძემან ქართლოსისამან, და მან უწოდა სახელითა თვისითა. შემდგომად იქმნა ქალაქი დიდი, რომელსა უწოდებდნენ დედა-ქალაქსა“.

„...აღმოსავლით აქუს მთა ჭვარ-ზედაძნისა, დასავლით მთა სარკინეთისა, სამხრით მთა ქართლისა და კარსნისა“.

საინტერესო ისიც არის, რომ თბილისი, როგორც ციხე-ქალაქი (ასე უწოდებს მათიანე), მცხეთის მისასვლელ გზაზე გააშენეს ამ ქალაქის დასაცავად, გასამაგრებლად. შემდეგ კი თვით თბილისი დაწინაურდა არა მარტო ეკონომიურად, არამედ პოლიტიკური ცენტრიც გახდა. გადახედეთ ამ გზას, ვინ მოსთელის რამდენი ქარავანი შემოდიოდა ამ გზით ახლო თუ შორეული ქალაქებიდან. ათასნაირი საქონელი შემოჰქონდათ აქ მექარავნეებს. საქართველოდან სხვადასხვა საქონელი გაჰქონდათ არა მარტო ხმელეთით, არამედ მდინარეებითაც. მტკვარი ძველი დროიდანვე იყო გამოყენებული სანაოსნოდ. ძველი ბერძენი ისტორიკოსების ცნობით, ინდოეთის საქონელი კასპიის ზღვით შემოჰქონდათ ალბანიაში (აზერბაიჯანი), ხოლო შემდეგ მტკვრით იბერიაში (ქართლში), აქედან იგი ჭერ სანმელეთო გზით — ლიხის გადასასვლელზე, შემდეგ კი მდინარე რიონით ქალაქ ფაზისამდე (ფოთი) ჩაჰქონდათ.

ერთი სიტყვით, ეს მდინარეები მარტო სილამაზით როდი იპყრობენ ყურადღებას. ესენი დიდი და უტყუარი მოწმენი არიან საუკუნეებისა. ამიტომაც არის, რომ ასე ბევრი რამ იწერება მტკვარზე და არაგვზე. ეს ჩვენი პოეტების შთაგონებაა, ყველა აქ მოდიოდა „ფიქრთ გასართველად“... ამ პატარა მიწა-წყალს რაღაც უცნაური მადლი აქვს მოფრქვეული.

— ზომ არ მეტყვით, ვინ გადაიტანა დედაქალაქი მცხეთიდან თბილისში?

— როგორც მათიანე მოგვითხრობს, მეფე ვახტანგ გორგასალს დაუწყია

ეს საქმე. მასი სიკვდილის შემდეგ კი მსამა შვილმა დაჩიმ განაგრძო ციხე-
ქალაქის ზღუდეების გამაგრება და გაფართოება.

„ამან, დაჩი მეფემან შემდგომად სიკუდილისა ვახტანგისა... განასრულნა
ზღუდენი ტფილისისანი და ვით ებოდნა ვახტანგს, იგი შექმნა სახლად სა-
მეუფოდ...“

მეფემან (ქართლის კათალიკოსს) მიათუალა მცხეთა, რამეთუ ეგრე ებრძა-
ნა მეფესა ვახტანგს“.

ამრიგად, ვახტანგ გორგასალის მეფობის დროს გადადის დედაქალაქი
თბილისში. მცხეთა კი ქართლის უმაღლეს საეკლესიო ხელისუფლებას — კა-
თალიკოსს მისცეს („მიათუალეს“) სამკვიდროდ.

სტუმარი აღმოსავლეთით, მაღლა მთაზე აღმართულ ჯვრის მონასტერზე
მიუთითებს:

— ეს როდინდელი ნაგებობაა, რა საოცრად მოჩანს, თითქოს სივრცეშია
ჩამოკიდებული!

— ეს დიდებული ჯვრის მონასტერია, — უპასუხა მასპინძელმა, — ახლოს
რომ ნახავთ, ნამდვილად განცვიფრდებით; მისი შესანიშნავი ჩუქურთმები
ქართული ხუროთმოძღვრების იშვიათი ნიმუშია, მეექვსე საუკუნის დასაწყის-
შია აგებული...

ახლა მცხეთის ჩრდილოეთით, არაგვის მარჯვენა მხარეს, მაღალ გორაკზე
აღმართულ ციხის ნანგრევებს გახედა მასპინძელმა და თქვა:

ეს კი ბებრის ციხეა, ქალაქს ჩრდილოეთის კარიდან რომ იცავდა ქვის
მკერდით. ფიქრობენ, რომ ეს ანტიკური დროის ნაგებობაა.

აი, შეხედეთ, მტკვრისა და არაგვის შესაყართან, მცხეთის შუაგულში
აღმართულია დიდი ტაძარი — სვეტიცხოველი, ამაზე მერე გეტყვი... ახლა
კი გაიხედეთ ტაძრის ჩრდილო-დასავლეთით, დაბის განაპირას, ბებრის ცი-
ხემდე, — ფერდობზეა აშენებული სამთავროს მონასტერი. ესეც ქართული
ხუროთმოძღვრების შესანიშნავი ძეგლია. საერთოდ ამ ტერიტორიამ მრავლად
შემოინახა ქართული შატერიალური კულტურის სხვადასხვა ხასიათის, მიწის-
ზედა თუ მიწისქვეშა ძეგლები.

მასპინძელმა სტუმარი ახლა არმაზის მთისაკენ გააჩედა.

— ეს მთა ოდესღაც გაუვალი ტყით ყოფილა დაფარული. მთის წვერზე,
ყველაზე უმაღლეს ადგილას იდგა არმაზის კერპი, ქართლის გაქრისტიან-
ებამდე ამ კერპს თაყვანს სცემდა ერი. არმაზის კერპს ეწირებოდა სიმდიდ-
რე — ოქრო და ვერცხლი, კერპი მდიდრულად იყო მორთული.

შემდეგ მასპინძელმა არმაზის ხევის ნაკრძალზე ჩამოაგდო სიტყვა. მან
უამბო სტუმარს, თუ რაოდენ ბევრი რამ ნახეს აქ არქეოლოგიური გათხრების
დროს; აქ სხვადასხვა დროის სამარხები აღმოაჩინეს; ამ სამარხებში მრავლად
იპოვნენ უძველესი ხანის ოქრომჭედლობის ნიმუშები — ბეჭდები, ოქროს
ყელსაბამები, მოთვალული აბზინდები, მარგალიტიანი ყელსაბამი და საერთოდ,
მრავალგვარი სამკაული.

სტუმარი სულგანაბული ისმენს მასპინძლის ნაამბობს და უფრო მეტი ინტერესით ათვალეობს მცხეთის მიდამოებს.

— იცით, კინალამ დამავიწყდა, ერთ სამარხში თურქე ოქროს ბიჭედს. ბავშვის გამონაცვალ კბილი ჰქონდა თვლად. საინტერესოა, არა? სამარხებში მრავლად იპოვენ ქართული კერამიკის ნიმუშები. მათ შორის ორი ხელადა უნახავთ, მოვარდისფროდ გამომწვარი, ზედ თავთავიანი ღეროების გამოსახულებაა ამოკაწრული. ბევრგან ყოფილა გიშრის მძივები, როგორც ჩანს, გიშრის მძივები იმ დროს საქართველოში ფართოდ ყოფილა გავრცელებული.

— ჩანს მცხეთას ძველადვე ჰქონია აგურისა და კრამიტის გამოსაწვავი ქურახანები.

— დიახ, ოდითგანვე მისდევდნენ აქ ამ საქმეს. ახლაც, ავერ არავცის მარჯვენა მხარეს, ბებრის ციხის ვადალმა, კარგად მოზრდილი ადგილი უქირავს კერამიკის ქარხანას. ვინ იცის, რამდენი რამ მზადდება: ქოთნები, ქვევრები. ჯამები, კრამიტი, აგური და ვინ მოთვლის, — ყველაფერი რაც კი აუცილებელია ოჯახისათვის.

მცხეთის მიდამოები საერთოდ სავსეა ისტორიულ-არქეოლოგიური ნაშთებით. სოხრიან და ეძებენ. მაგრამ ვინ იცის ჯერ კიდევ რამდენი საუნჯე იმალება ამ ნანგრევებში. იცით, აქ ყოველ პატარა წერილმანს, ყოველ ნანგრევს, ყოველ ქვის ნაშალს თავისი საინტერესო და ჯერ კიდევ კარგად წაუკითხავი ისტორია აქვს. ვადახედეთ ამ მდინარეს! აი, ეს ხიდი ახალია. უწინ მტკვარზე ძველი ხიდი ყოფილა; დაუკვირდით, ნანგრევები მოჩანს, როცა წყალი იკლებს. ხალხი ამ ხიდს პომპეუსის ხიდს ეძახის.

ასეთი საინტერესო ისტორია აქვს „ოდესღაც ფართოდ განფენილ ციხე-ქალაქსა, ვიდრე არაბთა სარდალი მურვან ყრუ არ მოაოხრებდა მას“.

აქ, ირგვლივ დაბურული ტყეებია, სადაც ხალხის გადმოცემით, ხშირად ჰქონდა ბინა არსენა ოძელაშვილს. ეს საიმედო თავშესაფარი იყო.

სტუმარი უფრო თამამდება და მასპინძელს ეკითხება: იქნებ ისიც იცოდეთ, ამ მდინარეს რატომ ჰქვია არაგვი?

— როგორც ვიცი და წამიკითხავს, ისე გეტყვით, — და ტკბილმოუბარი მასპინძელი განაგრძობს:

„— და ეწოდა სახელი ესე ამ მდინარეს თვისთავე, ვინათგან დის ჩქარად, მოგვის და იმღვრევის“.

„ხედავ, არა გვის ეს წყალი ამ ხევთა“.

— ეს კი არ ვიცოდი, მაგრამ არაგვზე ბევრი რამ გამოგონია, ბევრი რამ წამიკითხავს.

— ახლა კი ყველაზე საინტერესოს და განსაცვიფრებელს გაჩვენებთ, აბა, მომყევით; აი, ამ ტაძრის შესახებ ბევრი ლეგენდაა ხალხში, მაგრამ ყველა ერთმანეთს წააგავს..

აი, ეს ქვის ქონგურებიანი და სათოფურებიანი გალავანიც მრავლის მოწ-

ბეა; ვიხ იცის, რაძღვნი სისხლი დაღვრილა აქ, რამდენი უძილო ღამე გაუთენებია ამ ტაძრის ამშენებელს. აბა, შეხედეთ, კარგად დააკვირდით, ჯერ ტაძრის პერანგი შეათვალიერეთ, — ქვის ფერიც კი საოცარია...

მასპინძელმა სტუმარი სვეტიცხოვლის ტაძართან მიიყვანა.

— ახალი წელთაღრიცხვით IV საუკუნეში, მირიან მეფის დროს, როცა მოხდა ქართლის გაქრისტიანება, მცხეთაში დღევანდელი ტაძრის ადგილას აშენებულ იქნა ხის პატარა ტაძარი, შემდეგ ეს ტაძარი დაიწვა და აშენდა ქვისაგან, რომელიც არაბების შემოსევისას დაინგრა.

XI საუკუნის დასაწყისში, მეფე გიორგი პირველის დროს აშენდა სვეტიცხოვლის ტაძარი. აბა, ჯერ შიგნით დაეთვალიეროთ, ბევრი რამაა საინტერესო.

მასპინძელმა სტუმარი პირველად ტაძრის შიგნით, მარმარილოს დიდ ლოდთან მიიყვანა; გადმოცემით აქ უნდა ემარხოხს საქართველოს სახელოვანი მეფე ვახტანგ გორგასალი. სვეტიცხოვლის თაღებქვეშ განისვენებენ საქართველოს თავდადებულნი, — უთხრა და ტრაპეზის წინ, მარჯვნივ, საფლავის ქვის მთელ სიგრძეზე გადადებულ ხმალზე მიუთითა, რომელსაც ზედ დიდი ლითონის ფარი ედო. ხმლის ტარზე კი ნისკარტმოკაუჭებული არწივის თავი გამოეკვეთა ოსტატს. — ეს მეფე ერეკლე მეორის სამარხია, — თქვა მან. აქვე გვერდით განისვენებს მისი ახული — თეკლე ბატონიშვილი. ეკლესიის მარცხენა მხარეს, თითქმის მთლიანად ბაგრატიონთა საფლავებია; ტრაპეზთან, საკურთხეველის კედელზე, წმინდანების სურათებია. ახლა გარედან შემოეუაროთ ტაძარს, ერთ საინტერესო სურათსა და წარწერას გაჩვენებთ.

ტაძარი დასტოვეს და გარედან, ჩრდილოეთ მხარეს შემოუარეს.

— შეხედეთ! აი, იმ დეკორატიული კამარის თავზე არაფერს ამჩნევთ? ხოპ არაფერს ხედავთ კედელზე გამოკვეთილს?

სტუმარი კარგა ხანს უყურებდა დეკორატიული კამარის თავზე გამოკვეთილ ხელის მოხაზულობას, მერე წარმოსთქვა:

— ადამიანის ხელსა ჰგავს... თითებში რაღაც უჭირავს.

— დიახ, კაცის მარჯვენა გამოკვეთილი, გონიოთი.

— რას ნიშნავს ყველაფერი ეს? — არ ისვენებს სტუმარი...

— ეს მარჯვენა, უბრალო მარჯვენა არ გეგონოთ, მის ირგვლივ მრავალი ლეგენდა შეიქმნა.

ყველა მათგანი თავისებურად მოგვითხრობს ამ ტაძრის ამშენებელზე. ამ დიდოსტატის მარჯვენას მიუძღვნა თავისი შესანიშნავი რომანი კონსტანტინე გამსახურდიამ.

ამ ტაძრის ხუროთმოძღვარს და მეფე გიორგის, რომელზედაც მათიანე ამბობს „უშიშარი იყო, ვითარცა უხორცო“, ჰყვარებიათ ერთი ქალი, ქალს ოსტატი ერჩივნა, ამიტომ ის მეფესთან დაასმინეს: კირითხურო სიყვარულში გეცილებათ. მეფე გიორგი განრისხებულა... ლაზი სიყვარულში როგორ გამე-

ტოლად და მარჯვენა მოუკვეთია დიდოსტატისათვის. მაგრამ მაინც უკვდავად დარჩენილა ამ ოსტატის სახელი. ამ უკვდავებაზე მოგვეთხრობს მწერალიც. მოგვეთხრობს, როგორ შენდებოდა ეს განსაცვიფრებელი ძეგლი, აღბეჭდილი ქართული გენიის მადლითა და შუქმოსილებით. ალბათ, აქ იყო ის ქვის სახელოსნო, სადაც ოფლში გაწურული ხუროთმოძღვარი თეძამის ქვაზე სჭრიდა ფრთოსანი ლომის ხატებას, — თქვა მასპინძელმა და ღიმილით გადახედა ტაძრის მიდამოებს. მერე თან წამოღებული წიგნის ფურცელა დაიწყო, ალაგ-ალაგ ხმამალა კითხულობდა. აი, ის ჩაჰყვა სტრიქონებს, სადაც ხუროთმოძღვრის სიყვარულზეა ლაპარაკი, დიდოსტატს ხომ ორი უყვარდა — სვეტიცხოველი და შორენა.

„სალამოდე იხეთილა არსაკიძემ ჭალებში, მზვარეში დამწვარი, ქარცემული მობრუნდა მწუხრისას მცხეთაში. უამრავი ყაყჩოები და თავთუხის თაველები მოიტანა თან. ისევ დაიწყო წვიმა. პირქვე დაემხო ტახტზე. ყურს უგდებდა წვიმის შხაუნს. აჰას ფიქრობდა, ამ წვიმაში თუ მოვაო შორენა? .

მოვიდოდა? რა ეთქვა მას თავად?

ერთ სასწორზე ორი უძვირფასესი ქმნილება დაჰკიდეს. ეს სალამო გამოარკვევდა რომელი მათგანი გადასწონდა:

სვეტიცხოველი თუ შორენა?

ორივენი ერთსა და იმავეს მოითხოვდნენ მისგან: სიცოცხლეს.

განა მართო სიცოცხლეს მოითხოვდა ქალი? ვაჟკაცური სიტყვის გარეხას, პატიოსნებას და ოსტატობის ნაყოფს უძვირფასესს... „... — რას დაბობღავ ამ ტიალ ხარაჩობებზე, უტა, ერთხელ ძლივს გადაარჩი სიკვდილს, ხომ დაასრულე ტაძარი, აკი?“

მცირე ხნის შემდეგ დასძინა:

„მეფე გიორგი და მელქისედეკ კათალიკოსი ისეთი გულბოროტი აღამიანებია, სულ ერთია, მაინც არ დაგიფასებენ ღვაწლს“.

„— განა მეფისა და კათალიკოსის წყალობის მოლოდინში შევალე სვეტიცხოველს ჭანი?“

მე ჩემი ხელოვნება სიცოცხლეზე მეტად შემყვარებია. ჩემო, ამიტომაც განწირული მაქვს თავი“.

„მამ შენ სიცოცხლე ქვაზე ნაკლებად გყვარებია. უტა?“ განა ქვაა სვეტიცხოველი, ჩემო? ქვაყოფილია იგი ამჟამად. უფრო უკვდავი, ვიდრე ასიათასი მოკვდავის სული“.

„მაინც სვეტიცხოველი გირჩევნია შენ ყველაფერს, უტა“, — გაბზარულივით გაისმის ეპეიანი ქალის ხმა.

ბოლოს მიადგნენ წიგნის იმ ადგილს, სადაც შორენას დაღუპვა აღწერილი.

სასახლის კორებმა და აკრძალულმა სიყვარულმა აიძულეს ქალწული მონასტერს შეხიზნებოდა. იქაც ხომ არ უსვენებდნენ ენაქარტალა მოლოზნე-

ბი. სიკოცხლეს უწამლავდნენ მითქმა-მოთქმით. აი, იმ მონასტერში მოხდა ეს ამბავიც.

„...ერთხელ საღამოს ლოცვის შემდეგ, კვიპაროსის ქვეშ ისხდნენ ეფემია და შუშანიკი.

მომორებით ალვის ხე იდგა ქარაფის კიდეს, კბოდეს გადაღმა თვალშეუღდამი უფსკრული იყო.

მღუმარედ შესცქეროდნენ ჩამავალი მზის სხივთა თამაშს სვეტიცხოვლის გუმბათზე.

ოქროს ფურცლებით იყო გადახურული ტაძრის ზეფავი მაშინ, და ეს სანახაობა დიახაც ახარებდა თვალს.

ვიღაც ენაქართალა მონაზონი უციოთხავად მიეკედლა ამ ორთა. მათ ფერხთით დაუტყდა, სვეტიცხოველს გადახედა, ამოიოხრა და ეუბნება უფროს მონაზონს:

„იცი, დედაო ეფემია, რა მომხდარა გუშინ მცხეთაში?“ ეფემიას ყოველგვარი კავშირი ჰქონდა გაწყვეტილი ამ ცხოვრებასთან, გულგრილად ეუბნება ცნობისმოყვარეს:

— რა მომხდარაო, დაო?

— ამ ტაძრის ხუროთმოძღვარს, ვიღაც ლაზს შეჰყვარებია ერისთავის ასული, ძალუმად ლამაზი ყოფილა მაგ დიაცი, ქა, მეფე გიორგის ნდომია იგი საცოლედ, ხუროთმოძღვრის სიყვარული არჩია თურმე მაგ სულელმა დედოფლობასა.

ეს მეფეს გაუგია, მერმე წაუსწრეს თურმე შეყვარებულებს, ქა, დიაცი გაქეულა, მაგრამ საწმერთული დარჩენია ხუროთმოძღვრის სასათაულს ქვეშ, განრისხებულა მეფე გიორგი, ქა, მკლავი მოუჭრიათ იმ ლაზისათვის ბოლოს“.

შორენას მიწისფერმა გადააქრა ამის გამგონეს, სავსებით ჩაეფერფლა თვალები.

მოაგონდა: მართლაც რომ დაიკარგა საწმერთული ხოხობის ყელისფერი, ამ ორი კვირის წინათ. მცირე ხანს გატვრინული იქდა, მერმე წამოდგა, მთვარეულივით წაბარბაცდა ქარაფისაკენ, ალვისხემდის რა მიაწია, ეფემიამ მიამახა:

— სად მიხვალო, შუშანიკი!

— ახლავე მოვალო, დედაო ეფემია.

ესა სთქვა, პირჯვარი გადაიწერა, გარღვეულივით დაბარბაცდა და გადაეშვა ქარაფიდან შორენა.

„...და როცა კლდის ქიმზე დაეცა თავქვე, მიწამდის არ დაჰყოლია სული.

...სწორედ მეორე დღეს დიდ დარბაზში შემოვიდა მთავარეპისკოპოსი რაუდენი, მეფე ნარგილეს მიჯდომოდა და თრიაქსა სწევდა. მიმოიხედა ვიგრამა, რა დარწმუნდა, არავინ არისო სხვა, ამცნო შორენას დალუპვის ამბავი გიორგის.

უსიტყოდ წამოდგა მეფე, საწოლის დარბაზში შევიდა, მესაწოლე და-
ითხოვა, კარები გადაიკეტა თავთ. ინით შეილება წვერი, მდაბიორის სამოსი
ჩაიცვა კვლავ.

შემდგომ ამისა, „მისი მნახველიც ვერავე იპოვნეს. ერთადერთი ნუგეში
ეს იყო: მადევარი ძაღლიც აღარსად იყო — ყურშია.

...როცა ქუთაისში ასაფლავებდნენ მის ცხედარს, საშინელი წვიმა იყო და
ქარი ჰქროდა.

პირველად ერთ მესაფლავეს წამოსცდა სიმართლე მისი უთავჯამო და
ბობოქარი ცხოვრების გამო. როცა მოტირალნი, დიდებულები და მოსიერ-
ნი წავიდ-წამოვიდნენ, მოხუცმა მესაფლავემ ეს უთხრა ახალგაზრდას:

— „არც სიკვდილში ჰქონია გიორგი მეფეს ბედი“. რატისეულ სასახლე-
ში კი სწორედ ამ დროს ნონაი ბალახებს ხარშავდა თავის სამყოფლოში და
როცა ცრემლი მოზღვავდებოდა, კაბის კალთით იწმენდდა თვალებს. აქ დიდ-
ოსტატი კონსტანტინე კვდებოდა.

„წუხდა ნონაი, არც ბოდვითა სჩანდა სადმე, აღარც დედა სულთმობრძა-
ვისა. ისევ აიღო ავადმყოფმა თავი, ასე ეჩვენა კონსტანტინეს: ...შორენა ჩა-
მოვიდა კედლიდან, ხატური ფარჩის კაბა ეცვა შავი, ოქროსფერი თმები გად-
მოდვრილიყვნენ მხრებზე, მოდიოდა ყაყაჩოების ველზე, თავთუხის თავე-
ლებს ესროდა უტას, ყაყაჩოებსა და თავთუხის თაველებს.

დაუჩოქა სამგზის სანატრელმა, სთხოვა დიდოსტატს სული. ცრემლმა
იწვიმა კონსტანტინეს თვალთაგან, მაგრამ ვერც საყვარელს მისცა მან სული,
რადგან სვეტიცხოვლისთვის შეეწირა იგი“.

— ხომ გახსოვთ, — მეფე რომ ფარსმანს შეეკითხა: „— რას იტყვი
ახლად აგებულ ტაძრის შესახებ?“

ფარსმანმა გესლიანად უპასუხა:

„...არც ახლადაგებული ტაძრის გამო ითქმის ამაზე მეტი, სანამ ათასი
წლის მიწისძვრები არ გამოსცდიან ნაგებობას მისას“.

— დიახ, ათასი წლის მიწისძვრებმა გამოსცადა, მტერმაც ბევრჯერ სცა-
და დანგრევა მისი, მაგრამ ამაოდ.

თავისი არსებობის ცხრა საუკუნის განმავლობაში ტაძარს არა ერთხელ
დამუქრებია მოსპობის საფრთხე. თემურლენგმა შენობის დასავლეთის მხრის
თაღების ბურჯები შთანგრეინა, მაგრამ ტაძრის დანგრევა მაინც ვერ შეძლო.

სტუმარმა და მასპინძელმა კიდეც შეათვალაიერეს ვაზის მტევნები სვეტი-
ცხოვლისა, ოსტატის ზელით ამოჭრილი თეძამის ქვაზე.

შემდეგ ისინი ქონგურებიან გალავნის შემოსასვლელ ბჰე-ქარს გასცდნენ
და იქვე, დებალ გალავანთან მივიდნენ, — მე თქვენ ისეთ ადგილს გაჩვენებთ,
რაზედაც პოეტებმა უნდა წერონ, მხატვრებმა უნდა ხატონ...

ძველი ისტორიკოსის — ლეონტი მროველის ცნობით, შირიან მეფის
დროს, სვეტიცხოვლის ტაძრის გარშემო ბალი უნდა ყოფილიყო, რადგან

ლეონტი წერს: „ხოლო მირიან აღაშენა ეკლესია მოციქულთა, ხისა, სამოთხე-სა შინა თვის, სადაც არს კვართი უფლისა“. აქ ეს სამოთხე ნიშნავს ბაღს, ბაღნარს, წალკოტს.

ისე, ჩვენში რომ დარჩეს, ხალხში რამდენი ბრძნული ნათქვამია გაბნეუ-ლი, არა? ხალხს ნამდვილად უთქვია — „ფუქემ მოითხოვაო“ — ასეა, საუკუ-ნეების წინათ ამ ადგილს მირიან მეფისა და ნანა დედოფლის წალკოტი ყო-ფილაო. აქ ამ „სამეფო ბაღში ირანული ვარდები გაშლილიყვნენ, სისხლივით წითელი, ზოგნი — ნუშისგულივით თეთრნი, მოყვითალონი; სხვანი, ყვითელი კი არა, ძველთუძველესი სპილოსძვლისფერისანი. ჰყვაოდნენ ბაღის ყაყაჩოე-ბიც. სუსამბარები და ნარგიზები, ნაირ-ნაირი მიხაკები, რომელთა ფერების ასაწერად წამალი არ ეყოფოდა აღამიანის სიტყვას“.

განვლეს საუკუნეებმა და ამ აოხრებულ, გავერანებულ, ქვა-ლორდიან მიწაზე, თითქოს მართლაც „ფუქემ მოითხოვაო“, საუკუნემ შვა დიდი ხელო-ვანი, დიდოსტატი ყვავილებისა.

მცხეთაში ისევ აყვავდნენ სუსამბარები და ნარგიზები, აყვავდნენ ბაღის ყაყაჩოებიც. ამ ბაღში განა მართო ჩვენი ქვეყნის ვარდ-ყვაილები ჰყვაიან? აქ მრავლად არიან სხვადასხვა ქვეყნის ბაღის დედოფლები. აქეთ ფრანგული და ინგლისური ვარდებია, იქით გერმანული და პოლანდიური; ვინ მოსთვლის, ვინ აღწერს, ბაღის სილამაზეს; აბა როგორ დაიხსომებთ ამ მშვენიერი ვარდ-ყვაილების ელვარებასა და სურნელებას. განა ცოტაა — უთვალავია, უამრავ-ია.

ეს პატარა ბაღი, ციკქნა მიწა, საოცრად მოქარგულა ბუნების მრავალ-ფეროვანი მცენარეულობით.

აქ დიდ პატივში არიან ტყისა და ველის ყვაილებიც.

ბაღში შევიდნენ, მოხუცი მებაღე ლანდივით ეპარებოდა ყვაილებს. დრო და დრო კი ტკბილად გაუღიმებდა და შესცინოდა.

იცნობდეთ: აი, ესეც მებაღე — მიხეილ მამულაშვილი. კარგა ხანს ათვლიერებენ ბაღს. ბაღის სტუმარი ქართულ კერამიკაში ამეტყველებულმა ხელოვნებამ მოხიბლა და აღტაცებას ვერ მალავს.

— დიახ, მე დღემდე საქართველოს მიწის მადლი არ მცოდნია, დღემდე არ მინახავს ქართული ხელოვნება. ამ ბაღში თვითეული ყვაილი ხომ ლექსის სტრიქონია, აი, ამისთანა ადგილს ეტანება მუზა! შემოქმედი აქ აივსება შთა-გონებით...

სტუმარი ახლოს მივა მოხუცთან, მოკრძალებით აკოცებს მხარზე, მარჯვე-ნას ულოცავს და ეუბნება:

— თქვენ დიდოსტატი ხართ ყვაილებისა, დიდზე დიდი ხელოვანი ხართ. თქვენი ხელოვნებაც უკვდავია სვეტიცხოველივით. განა ხელოვნება წარმავა-ლია? — იცოცხლეთ, იცოცხლეთ კარგო მოხუცო... ის კი მორცხვად გაიძახის თავისას:

— აბა, მე რა ვაგაყეთე ამისთანა საკვირველო. დასალოცი და საქებარი! აი, ის მარჯვენა არისო და სვეტიცხოვლის კედლისაკენ გაიშვერს ხელს.

— იმას ჰქონია მარჯვენაც და მარცხენაც, ცოდო არ იყო იმისი მოკვეთა? — სინანულით ამბობს მოხუცი და ნაღვლიანი სახით გაპყურებს იქვე ახლოს ბაღის გადაღმა აღმართულ სვეტიცხოვლის კედელზე გამოკვეთილ მარჯვენას, მოკვეთილ მარჯვენას, ხელთ რომ გონიო უპყრია.

დიახ, აქ ყველაფერი შეტყვევლია; თითქოს ქვებიც კი ლაპარაკობენ. ჩურჩულებენ ყვავილები, შრიალებენ მუხის ტოტები, თავს იწონებს ქართული ზამბახი, კეკლუცობენ იისფერი ამაყი შროშანები. ირხევიან ქადრის ტოტები და ამ შრიალში გაისმის ყვავილების ჩურჩული.

— საქართველო მთლიანად ბაღნარია, ხოლო ეს ბაღი უმცირესი ნაწილაკია საქართველოს ლამაზი ბუნებისა.

— საოცარია, საოცარი, არასდროს დამავეწყდებოდა საქართველო; მცხეთა, მართლაც გმირთა სავანე ყოფილა. მე აქ ვნახე ორი მარჯვენა, კონსტანტინე არსაკიძის ქვასთან მებრძოლი მარჯვენა, მარჯვენა მოკვეთილი — „რატომ კარგი აგიგიაო“. და, მეორე, ოთხმოცდაათი წლის მოხუცი მეზაღის მიხეილ მამულაშვილის მიწიანი მარჯვენა — მარჯვენა დალოცვილი, მაღლიანი და დაფასებული.

შიოს მარანი

ისევ ბალში ვარ. ზოგი რამ კიდეც დამრჩა საკითხავი და ვფიქრობ, თუ როგორ შევაპარო მებაღეს კითხვები. ეს კი არის, რომ ძალიან მეძნელება, არ ვიცი როგორ დავიწყო. მოუსვენრად ვტრიალებ. ხან ბალში დავდივარ, ყვავილებს ვეფერები და ვესაუბრები, — მოხუცმა ასე მიმაჩვია, — ხან კი მის სამუშაო ოთახებს ვათვალიერებ. ვნატრობ: ნეტავი, რომელიმე ყვავილს ან მცენარეს შეეძლოს ჩემი გულის წადილის გაგება. აღარ მინდა მოხუცის შეწუხება, მაგრამ რა ვქნა, ისევ უნდა ავედევნო „ყვავილების პაპას“. უსიტყვოდ დავყვები უკან, ვატყობ მიმიხვდა, მაგრამ ალბათ განგებ არაფერს მეუბნება, კარგა ხნის შემდეგ მომიტრიალდა და მითხრა:

— ნეტავი, რა ფეხდაფეხ დამდეგ, აღარ დამეხსნები?

მოულოდნელმა ხმამ შემაკრთო, მოხუცმა შემამჩნია და ორივეს გაგვეცინა.

— ნეტავი, გამაგებინა რისთვის გინდა, რისთვის გჭირდება ეს ჩემი ავანჩავანი, ყველაფერი რომ ეგრე გაინტერესებს, ყველაფერში რომ შიგ გინდა ჩაძვრე. აბა, არაფერი დაგჩრჩეს უკითხავი. აი, დავწყველა ღმერთმა, ვითომ გონიერი ხარ... რამდენჯერ უნდა გითხრა; აი, ბაღი. თუ შეგიძლიან წაიკითხე, აქ ყველაფერი წერია... ერთი მაცოდინა რასა წერ ასე გაუთავებელს, რომ ვერ იქნა და ვერ დაასრულე.

მოხუცი წიფლის კუნძს მიუტრიალდა, ხმელ ტოტზე ქოლგასავით გადაშლილიყო აბედა სოკო, ადგილი შეუცვალა მას. ხის გადანაჭრებითა და კუნძებით მოწყობილი სკამ-სავარძლები ყვავილებისაკენ შეაბრუნა. იქვე, ვითომ და დეჟორაციული „უწესრიგობით“, ხავსმოდებული, დაგრებილი ხის ტოტი მიაგდო. ტოტთან ქვევრისა და კრამიტის ნატეხები დააწყო, ამ ნამტვრევებში კარგა მოზრდილი ქვა ჩალო; ქვაზე ყვავილი ჰყვავოდა; გამიკვირდა, ახლოს მივედი და აი, რა ვნახე: ქვის ჩაღრმავებულ ადგილს მიწა ჩაეყარა და შიგ პატარა კაქტუსს მოეკალათა.

ისევ ქვები, ისევ თიხის ჯამ-ჭურჭლის ნატეხები. ეს ყველაფერი ისე მიაღაგ-მოაღაგა, იმისთანა ლამაზი სანახაობა შექმნა, რომ თვალი ვერ მოვაცილე. ბოლოს პატარა, ლამაზი ყვავილი — წინწყალა დააბინავა და ამით

თითქოს წერტილიც დასვა. სურათი დასრულდა. დიახ, მის ბაღში ქვაზედაც შრიალებს სიცოცხლე.

მერე მე მომიტრიალდა, შემომხედა და მითხრა:

— ახლა შენი რიგია, გვიბრძანეთ, რა გნებავთ? მე ისევ ამ სახელდახელოდ მოწყობილ მხატვრულ კუთხეზე ვფიქრობდი. მერე ბლოკნოტი გადავშალე და წავუკითხე:

„თბილისის სტენდი უნდა ნახოს ყველა ჩვენი პარკის დირექტორმა. ჩვენთან უყვართ პარკთმშენებლობაში დიდძალი გრანიტის, მარმარილოსა და თუჩის სხმულის გამოყენება. ნამდვილად კი, თურმე, შესაძლებელი ყოფილა თიხის ქოთნის ნატეხებით, ლასტებით, ხავსიანი ხის ტოტებითა და ბუნებრივი ქვებით მიაღწიო გაცილებით მეტ ეფექტს და ხალხს მისცე მეტი სიამოვნება.

ასეთი გაფორმება უფრო მეტად შეუწყობს ხელს მშრომელთა დასვენებას, ვიდრე გრანიტისა და მარმარილოს ძვირფასი ნაგებობა“.

— ეგ სადღა ჩაიწერე?

— მოსკოვში, გორკის სახელობის ბაღში „ყვავილების ზეიმზე“. თბილისის სტენდის შთაბეჭდილების ექვს დიდ ტომში, ცამეტი დღის განმავლობაში რომ შეავსეს მნახველებმა.

— აკი გითხარი ჯადო ხარ მეთქი!..

კიდევ გადავხედე ბაღს, ერთი კიდევ შევათვალიერე იქაურობა და მებაღეს უფრო გავუთამამდი:

— პაპა, ყველაფერი კარგად მოწყობილი და მოვლილი გაქვთ, მაგრამ ერთი რაღაც აკლია ბაღს, აბა, თქვენ თუ მიმიხვდებით, რის თქმა მინდა?

მოხუცმა შემომხედა, თვალი გამისწორა, თითქოს არ გაიკვირეა და მითხრა:

— აბა, ბრძანეთ, რა გაკლიათ თვალში?

— არა, მე არ გეტყვით, თქვენ თითონ თუ მიხვდებით, რას ვგულისხმობ?

— მიგიხვდი, მიგიხვდი და ეგ არის... ჩანჩქერი და აუზი გნებავს არა? — გამიცინა, — მეც ბევრჯერ მიფიქრია ლამაზი კუთხის მოწყობა, მაგრამ აქ არ მოხერხდება. ძალიან სივიწროვეა.

ისევ შევაპარე კითხვა:

— პაპა, ნარეკავის ბაღი როდის გადაეცით კოლმეურნეობას?

— ისევ თავიდან მიწყებ გამოკითხვას? დამეხსენი.

— თავიდან არა, მაგრამ მაინტერესებს რომელ წელს იყო?

— 1930 წელი გახლდათ.

— ამ ბაღის გაშენება როდისღა დაიწყეთ?

— როდის დავიწყე? როგორც კი მცხეთაში ჩამოვსახლდით. ეს ბაღი ძველისძველია. ამის გაშენებისას იმისთანა გაკირვება გამოვიარეთ. რომა... მოგონებაც არ მინდა; ეს ადგილები, საერთოდ მცხეთის მიდამოები სულ ქვა-ლორღითა და ნანგრევებით არის სავსე. მიწაც არა ჩანდა. რის ვაი-

ვაგლახით გაეწმინდეთ კირ-ქვისაგან, მერე ზედაზნიდან ტყის მიწა შე-
მოვზიდეთ, თორემ ქველორღში ყველა მცენარე და ყვავილი ხომ არ
იციოცხლებს.

ყველაზე საცოდაობა მაინც მორწყვა იყო... ამ სოფელს განა დასალევი
წყალი ჰქონდა? არაგვიდან ამოგვექონდა სასმელი წყალი. ბალის მოსარწყავად
კი ურმით ვეზიდებოდით კასრებით და ისე ვრწყავდით ამოდენა მცენარესა და
ყვავილს.

კარგა ხანი დაგვეტანჯა ამ ეზომ მე და ჩემი ძმები. ისინიც მხარში მიდგნენ,
იმათაც ძალიან უყვარდათ ეს საქმე. განა მარტო მე შევეძლებდი ამოდენასა?
ამ საქმისათვის ყველა ერთნაირად თავდადებული ვიყავით. და, აი, რის ვაი-
ვაგლახით, როგორც იქნა, ჩვენს ჭკუაზე ძლივს მოვიყვანეთ. ეს ეზო-კარი
ასლა კი, როგორც ხედავთ, დღემდე ხელი არ მოჰკლებია და იმიტომაც ჰყვა-
ვის. თუმცა პირველ წელს ბედმა არ გამიღიმა — იმისთანა უბედურება და-
მატყდა თავს, რომ ახლაც, გამახსენდება თუ არა ის დაწყვეტილი დღე, გული
გამიბოროტდება ხოლმე.

— რა მოხდა იმისთანა? — მოუთმენლად შევეკითხე.

— რა მოხდა და... პირველ წელს, აყვავებულ ბაღს იმისთანა სეტყვამ
წამოუარა, რომ სულ გააცამტვერა აქაურობა. მიწასთან გაასწორა ჩვენი ნაშ-
რომი. მიღწე-მოღწეობა, ნაომარივით აოხრებული ბაღი, იმისთანა საცოდავი
სანახავი იყო, რომ მტერიც კი ატირდებოდა, მაგრამ განა გული გავიტეხეთ?
ისევ ხელახლა დავიწყეთ ბალის გაშენება. ამას შევალთუ ჩანი და სიყველე-
ახლა რომ ასე ლამაზად მოჩანს, განა ეგრე იყო?

ამ ეზოს, ჩემი ხელით აშენებული გალავანი ჰქონდა შემორტყმული, ისიც
დაინგრა. საცოდავად მქონდა ეზო შემოუღობავი, ხან კაცი გადაუვლიდა
ზედა და ხან, ვინ იცის რა.

ეს რკინის ღობე ახალია. რაიონის ხელმძღვანელებმა გააკეთებინეს, ასე
გამიღამაზეს, მაშა... შემოსასვლელ კარზე ზარიც გამიკეთეს, ბინაზე ტელე-
ფონიც დამიდგეს, ამას უწინ ვინ მაღირსებდა. და ღიმილით მეუბნება:

— მიხარია, რომ ასეთ კარგ დროს შევესწარი... უწინა, როცა მე ბაღს
ვაშენებდი, დამციროდნენ, ეს კაცი სულელიაო, ამ ყვავილების დარგვას,
ბოსტნეული მოიყვანოს არ ურჩევნია ამ გაჭირვებულსაო?... მართლაც, იმ
დროში, გლეხი კაცი ეზოს როგორ მოაცდენდა ვარდ-ყვავილებისათვის, ლო-
ბიო და ხახვი სანატრელად ჰქონდა გადაქცეული; ახლა კი გაგიხარია, მას
შემდეგ, რაც ოჯახის სარჩო-საბადებელი კოლმეურნეობის მინდვრებიდან
მოდის, მშრომელებმა საკარმიდამო ნაკვეთი ბაღნარად გადააქციეს. ახლა განა
მარტო ჩემს ეზოშია ვარდ-ყვავილები? ყველგანაც არის...

— პაპა, ნარეკვავის ბალის შემდეგ სად მუშაობდით?

— ეპ, შეილო, სად აღარ მიმუშავია, იმოდენა ადგილებში ვმუშაობდი,
რომ ჩამოთვლაც გამიჭირდება. 1931 წლიდან 1936 წლამდე სამტრედიის

მამულებში ვმუშაობდი... იმათ საბჭოთა მეურნეობებს ბევრი დეკორაციული ბალები ჰქონდა. ძველს ვუვლიდი, ახალს ვაშენებდი.

— რომელ რაიონში მუშაობდით?

— რომელ რაიონში და... ბევრგან... წინანდალში, ყვარელში... ყვარელში თუ გინახავს დიდი საბჭოთა მეურნეობა. ადმინისტრაციული სახლის წინ 5,5 ჰექტარზე გავაშენე ბაღი-წალკოტი. იქ თვითეული მცენარე ჩემი ხელითაა დარგული, განა ცოტაა — 87 სახეობის ბალური ფორმა და ჰიბრიდია. ჯიშთა ამგვარი მრავალფეროვნება იმ დროისათვის მეტად საძნელო საქმე იყო. წინანდალში ხშირად ჩავდიოდი და ბალსაც ეტყობოდა ჩემი ხელი.

საბურთალოზე ბაქტერიოფაგშიც ვმუშაობდი.

1936 წლიდან 1938 წლამდე გლდანის, ვაგრის, სოქის სახელმწიფო მამულებში ვმუშაობდი; აბა, რომელი ერთი ჩამოგივთვალო. არსენას ბაღიც იმდროინდელია. მცხეთის კლუბთან რომ ბაღია, ისიც ჩემი გაშენებულია.

დანარჩენი შენ გეცოდინება, არ გეყოფა?

განა ყველაფერი მახსოვს... რა ვიცი, ყველგან მიწვევენ საკონსულტაციოდ. ქალაქების, კურორტების, დასასვენებელი სახლების გასამწვანებლად. შარშანაც ბოტანიკური ბაღის დირექტორთან ერთად კურორტ ბიჭვინთის კეთილმოწყობის კონსულტანტად მიმიწვიეს. მუხლი აღარ მიმდევს თორემ, განა დავიზარებ? რაკი აღარ მეშვებიან, ყველგანაც დავდივარ კიდეც. როცა მოესურვებთ, გამომივილიან მანქანით და წამიყვანენ ხოლმე. ერთი თქვენებურად გადახედეთ აქაურობასაო. რამდენი სამკურნალო მცენარე და ყვავილი შემიგროვებია, ვინ იცის. რამდენი ნერგები გასულა ჩემი ბაღიდან, რამდენი გერანი და ყაზანლიყის ვარდი დამიშაღებია.

როცა ნარეკვავის ბაღი ჩემ ხელთ იყო, სასათბურე მეურნეობა კარგად მქონდა მოწყობილი. ფართობი დიდი იყო და სხვადასხვა სახის ხეხილისა და მცენარის ნერგებიც ბლომად მქონდა. ისე, ჩვენში რომ ვთქვათ, კარგად ეხმარებოდა მთავრობას ჩემი მეურნეობა.

— პაპა, მებაღე-დეკორატორისათვის ხომ აუცილებელია მხატვრის ნიჭი?

— აუცილებლად, უმავისოდ არაფერი გამოუვა. ახლა, როცა ასეთი დიდი მნიშვნელობა აქვს ქალაქების არქიტექტურულ იერსა და სოფლად საკარმიდამო ბაღნარებსა და საერთოდ გამწვანებას, განა უნიჭო მებაღე-დეკორატორის ჩანაფიქრით შესრულებულ სამუშაოს დიდი ღირსება ექნება? სულაც არა წარმოიდგინეთ, ქალაქში ვართ. დავსვირნობთ ქუჩაში; შეხედავ, სახლი შეღებილია ყვითლად, წინ გაზონია, მებაღე ანგარიშს არ უწევს ამას და შეუფერებელი ფერისა და ზომის ყვავილს რგავს. ეს კი ასე როდი უნდა. ეს ხომ თვალის სიამოვნებაა: ყვავილის ფერი და მცენარის ზომა შეხამებული უნდა იყოს შენობის ფონთან. მარტო ფონთან კი არა, მის ფორმასა და ზომასთან. ამიტომ მებაღე-დეკორატორი მხატვარიც უნდა იყოს. ხომ გინახავთ ზოგიერთი სკვერი, ყვავილნარი ან ბაღი; თითქოს, შიგ ყველაფერი რიგზეა.

მაგრამ ამეტყველება აკლია, დეკორაციული მებაღეობის მშვენიერება ამით იწერება და წაქითხვა უნდა შეიძლებოდეს. მაშინ იქ საჭიროა მხატვრის ფუნქცის ერთი შემოქმევა, ერთი დარტყმა და ყველაფერი რიგზე იქნება, ამეტყველება.

-- პაპა, ყვავილების ზეიმის შესახებ რას მეტყვი, როგორ მოგწონთ ეს დღეობა?

— ეს არ არის ახალი ამბავი, საქართველოში შორეული წარსულიდან ტარდებოდა ვარდობის დღესასწაული „შვიდმაისობის“, „ვარდობის დღესასწაულის“ სახელით.

კარგია, ძლიერ კარგია, ახლაც რომ ისევ შემოიღეს ეს ზეიმი. ადამიანში თითქოს სიცოცხლის გაახლება ხდებოდა, ხალისი და ინტერესი ემატება ადამიანს. წინათ, საქართველოში მაისის საღამოს ვაჟები ველ-მზნდვრის ყვავილებითა და ცოცხალი ლამაზი ტოტებით რთავდნენ იმ სახლს, სადაც თავისი სატრფო ეგულებოდა.

წარმოდგინეთ იმ ღამის გათენება რა იქნებოდა იმ ვაჟებისათვის, რომლებიც გულისტოლის პასუხს მოელოდნენ... თუ ქალი თანაუგრძნობდა ვაჟის სიყვარულს, მაშინ იმ ყვავილებს ოჯახში შეიტანდა და მეორე დღით იმ ვარდებით მოირთვებოდა; ხოლო, თუ ქალს არ სურდა ვაჟთან მეგობრობა, მაშინ ყვავილებს ხელს არ შეახებდა. ეს იყო გარკვეული, უსიტყვო პასუხი ქალისა ვაჟის მიმართ.

— ახლა ზომ გაიხარე, ამდენი რომ ძალაპარაკე — გამეხუმრა. შევატყე, თვითონაც ისიამოვნები იყო დღევანდელი შეხვედრით. მერე ვარდებისაკენ გაეშურა, ცოტა ხნის შემდეგ ბალის კარებში დამიხვდა და ლამაზი თაიგული გამომიწოდა.

— აბა, ისიამოვნეთ.

მე დიდად ვიუარე.

— პაპავ, არა, ეგ არ იქნება. არ წავიღებ... აქ ვინც შემოვა, ყველას რომ ყვავილები აძლიოთ, ეს ბალი ერთ კვირაში გაგიღარიბდება.

— შენ მაგისი ჯავრი ნუ გექნება; აქ ყვავილები ყველასათვის საკმარისია. შენ რომ იცოდე, აქედან საჩუქრად რამდენი ყვავილები გადის და გასულა ყოველდღიურად, მაშინ რაღას იტყვი...

დღე არ გავა რომ იუბილეებისთვის, ქორწილებისთვის ან დისერტანტებისათვის ვარდ-ყვავილები არ წაიღონ...

მერე უფრო ხმამაღლა მითხრა ხუმრობით:

— წაილე, წაილე!.. იქნება ამით მაინც მოგიშორო თავიდან. ძუნწი კაცის კონებას არა აქვს ბარაქა, თორემ ჩემი ბალი შიოს მარანია... — მერე ჩამკითხა: ჩვენი ნაცნობობის წლისთავი შესრულდა, არა? აი, წელიწადი გაზდა, რაც ამ ბაღს შემოეჩვიე; ხომ გახსოვს, შარშან გაზაფხულზე არ მომელანდე?

— დიახ, გაზაფხული იყო, მაისის თვე. ყვავილების ზეიმი.

— ჰოდა, ახლაც ის ზეიმი, მაგრამ შენ კი ვერ მოგიშორე თავიდან.

მებაღემ თითქმის ძალით შემომაჩეჩა ხელში ყვავილები. დავემშვიდობე და ის იყო წამოსვლა დაეპირე, რომ მისი ხმა მომესმა:

— როდის ჩამობრძანდები?... არ დაიკარგო...

მონუცი ბაღის კართან იდგა და ღიმილით მაცილებდა...

შინაარსი

დილა მშვიდობისა	3
მიწიანი თითები	11
ყვავილებმა იძალეს	25
ორი ილია	30
ფერმიღეული ყვავილები	38
ბალის სტუმრები	43
„უჩინარი“ მასწავლებელი	49
ქველი და ახალი ბარათები	53
გაჭირვების ტალკეესი	57
ბალის მეგობრები	61
პაპის კვალზე	68
ყვავილების ფაროსმანი	73
მებალის ვარსკვლავი	76
ორი მარჯვენა	80
შინის მარანი	90

Кетевана Захарьевна Хакуташвили

Миндия из Мцхеты

(На грузинском языке)

Государственное издательство

«Сабчота Сакартвело»

Тбилиси

1963